

Exercitatio academica, de reliquiis sacramenti in matrimonialibus ubi ostenditur, recte quidem reiectum esse a nostris, theologis pariter & ictis, illud pontificiorum dogma, quo matrimonium dicitur sacramentum ... / Dirigente Io. Samuele Strykio ... ; in forma dissertationis a Io. Philippem Odelem ... habita ; cui nunc accessit index rerum et materiorum uberrimus.

Contributors

Odelem, Johann Philipp.
Stryk, Johann Samuel, 1668-1715.

Publication/Creation

Halae (i.e. Halle]) : Litteris Orphanotrophii, 1706.

Persistent URL

<https://wellcomecollection.org/works/a8czvs5z>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

EXERCITATIO ACADEMICA,

DE

RELIQVIIS

SACRAMENTI

IN

MATRIMONIALIBVS,

Vbi

Ostenditur, recte quidem reiectum esse a nostris, Theologis pariter & Ictis, illud Pontificiorum dogma, quo matrimonium dicitur Sacramentum, plerasque tamen conclusiones illius falsi principii adhuc hodie superesse atque a nostris defendi, quamuis nullo alio solidi fundamento nitantur.

Dirigente

IO. SAMVELESTRYKIO, IC TO.

In forma dissertationis a Io. PHILIPPO ODELEM, I.V.L. habita,

Qui nunc accessit

INDEX RERVM ET MATERIARVM

vberrimus.


CVM PRIVILEGIO.



EDITIO SECUNDAA.

HALAE, Litteris Orphanotrophii, A. MDCCVI.





בצורת משולש:

PROLEGOMENA.



Ihil est, quod efficacius inhæreat animis, quam inueterata principia; hæc enim postquam semel occuparunt animum, non modo difficulter se expelli patiuntur, sed & eiecta licet maiori vi, tamen quasdam semper relinquunt particulas, ut sic animus illis principiis assetus facile conclusiones inde ortas sæpe ignoranter retineat. Quo & facit notissimus ille versiculus: *Quo semel est imbuta recens seruabit odorem,*
Testa diu.

Ita videmus illos, qui ex Iudæis ad Christum conuersi erant tempore Apostolorum, haud dubie priora principia sua, postquam veritate Christiana imbuti erant eamque agnoverant, dereliquisse, conuicti, desiisse nunc omnem cultum Leuiticum vmbratilem, postquam verus cultus diuinus, qui in spiritu & veritate perficitur, per Christum fuerit restitutus Ioh. IV. 21. 22. 23. Interim tamen in ipsa applicatione ad negotia specialia sæpiissime hæsitabant, atque ut conseruarentur quidam ritus, qui tamen ad priorem cultum ceremonialem pertinebant, admodum erant solliciti. Hinc desiderabant, ut nouiter ex Gentilismo conuersi circumciderentur, & Sabbatha a Deo in V. T. insti-

tuta obseruarentur; quibus propterea magno conatu se
opponebant Apostoli, ne ita ad priorem cultum Leuiticum
& antiquas traditiones, quas tamen Christus sustulit, re-
ducerentur. Vid. Act. XV, 5. seqq. Epist, ad Gal. tota.
Eodem modo illi, qui ex Gentilismo conuersi erant, mul-
tas adhuc ex principiis gentilibus resultantes conclusiones
fouebant, existimantes sufficere, si modo quacunque ra-
tione ad doctrinam Christianam accommodari possent.
Inde tot reliquiæ gentilis Philosophiaæ in multis etiam Pa-
tribus ecclesiæ adhuc reperiuntur; quod philosophandi
genus illi quidem bona intentione retinebant, vt ita Eth-
nicoſ ex propriis principiis eo melius conuincere possent,
quo tamen ipſo vis Spiritu S. magis diminuebatur, ac tan-
dem fundamenta Theologiæ Scholasticæ, quæ postea tan-
topere caput erexit, ponebantur. Inde etiam, maxime
Constantini & subsequentibus temporibus varia ex super-
stitione cultu gentilium, in religionem & cultum externum
Christianorum transferebantur. Quæ omnia, cum ab aliis
iam demonstrata abunde sint, hic tantum summo dígito
tetigisse sufficiat.

Idem vero, vt ad nostra statim tempora progrediamur,
in ecclesiis Protestantium, vt vocantur, pariter obseruari,
summopere dolendum est. Postquam enim diuina gratia
detectis tenebris papatus, nobis serenior Euangelii lux af-
fulsit, iure quidem meritoque falsa papismi principia, non
nisi summam superstitionem tyrannidemque spirantia re-
ieciimus. Ast, cum non singulis rebus satis intenti fuerint
noſtri, nihilominus contigit, vt quam plurima in ecclesiis
noſtris

nostris reliqua manserint, quæ non nisi ex Papatu originem trahunt, & tamen apud nos in summo vigore sunt. Nihil hic imputamus summis viris, quorum ministerio Deus in opere reformationis usus est. Fecerunt, quod potuerunt. Cum vero in dispergendis tenebris illi initium fecerint, nec omnia uno tempore perfici potuerint, non potuerunt non multa remanere successu tempore repurganda. Atque hoc etiam optauit vehementer B. Lutherus, ut successores sui in doctrina & fide Euangelii continuarent opus cœptum, nec acquiescerent, usque dum tota ecclesiæ facies pristinæ puritati esset restituta. Cum vero statim post Lutheri tempora, eius etiam spiritus & fides deficere inciperet, & creditum fuerit, opus reformationis iam compleatum & consummatum esse, hinc per imprudentiam & negligentiam factum est, ut fere innumera, quæ tamen emendationem necessario desiderabant, intacta fuerint relicta, quæ, si accuratori lumine illustrantur, tantum ex principiis papismi originem trahunt, & veræ doctrinæ Euangelii, indolique nostræ ecclesiæ, nullo modo conueniunt.

Integro volumine opus esset, si hæc omnia nunc ante oculos ponere vellemus, multa etiam sparsim iam ab aliis detecta sunt. Vnicum tantum exemplum, & quidem tale, quod haud dubie ad forum ICtorum pertinet, hic sistemus, ex causis matrimonialibus. Notum est, commune Pontificiorum principiū esse, quod matrimoniū sit sacramentum. Verum, cum hoc ipsum tanquam sacræ scripturæ nullo modo conueniens omni fundamento destituatur, & ex mera superstitione natum fuerit, nostri & Theologi & ICti illud

vnanimiter & recte quidem reiiciunt. Quodsi autem casus circa matrimonia occurrentes percurrimus, non paucæ periuntur decisiones, communi Doctorum calculo approbatæ, & in Consistoriis receptæ, quæ tamen ex nullo alio principio descendunt, quam ex illo cuius modo meminimus. Hinc putauimus non inutilem nos suscepturos esse operam, si peculiari dissertatione illud omnium iudicio exponamus, agendo *de Reliquiis sacramenti in matrimonialibus*; cum sane necessum sit reiicere ea, quæ falso nituntur principio, nihilque in foro admittere, quod non iusto legitimoque fundamento, & veris ac indubitatis constat principiis.

Ne autem in primordio statim quis hæsitare necessum habeat, ex qua causa tot adhuc supersint reliquiæ, ostendemus paucis, soli negligentia & socordia Doctorum hoc adscribendum esse. Vbi (i) fundamentum totius rei est, quod Doctores in matrimonialibus sequantur ius Canonicum, cum tamen pleraque si non omnes illius iuris decisiones in causis matrimonialibus ex illo principio fluant, quod matrimonium sit sacramentum. Itaque non potuit aliter fieri, quam ut hac ratione multæ conclusiones illius principii fuerint retentæ & in usum fori introductæ: quas deinde conquisitis vndique rationibus, sæpe miseris, defendere cœperunt Doctores. Vnde in omnibus fere casibus matrimonialibus probationes ex iure Canonico petunt: cuius tamen autoritas in terris protestantium nulla est. Neque sufficit dicere, semel tamen illud receptum esse, nam illa receptio

ex

ex ignorantia facta, & vitiosa est, atque nullius efficaciam,
 quia ius Canonicum hac in parte principiis religionis suæ
 nititur, quæ nostræ religioni manifesto contraria sunt. Ac-
 cedit (2) quod Doctores nostri pleraque, potissimum in cau-
 sis matrimonialibus, ex scriptoribus pontificiis, quos et-
 iam frequentissime allegant, sine iudicio exscripserunt,
 non considerantes, quod eorum decisiones pariter eodem
 nitantur principio. Hinc (3) a sententiis semel receptis &
 autoritate sua stabilitis postea iterum recedere sibi igno-
 miniæ duxerunt & potius mordicus easdem defendere an-
 nisi sunt. Decepti etiam (4) ambiguo nominis sono, dum
 apud nos matrimonia omnia, modo copula sacerdotali
 contracta, sancta dicuntur, quo ipso existimarunt, non pos-
 se non eadem esse spiritualia. Cum ergo (5) hac ratione
 tales opiniones præiudiciis consistoriorum & collegiorum
 iuridicorum fuerint approbatæ, his tanquam certissimis
 fundamentis tuto se inniti posse existimarunt. Ut plura
 nunc taceamus.

Veniam itaque nobis pollicemur a B. L. si hic remoto
 omni præiudicio, interdum paulo liberius de communi
 Doctorum sententia fuerimus loquuti, cum res ipsa id po-
 stulet. Non enim potuimus aliter, quam ita de re differere,
 vti est. Sit interim in ceteris salua Doctorum quorum-
 vis autoritas, cui nihil detraictum volumus, modo illi etiam
 autoritate sua nihil detrahant veritati, quod tamen haet-
 enus factum est. Vnde non ægre feret B. L. si nos vt pluri-
 mum cum Carpzouio concertare viderit, siquidem eius
 autoritate, quæ haetenus in consistoriis ad superstitionem
 vsque

vsque plus quam lex & ratio valuit, multa recepta sunt, quæ ex reliquiis illius principii papistici adhuc deprehenduntur: quin quod is etiam, quas modo excogitare potuit, rationes conquisiuerit, pro stabilienda communi sententia, quibus singulis satisfaciendum erat. Interest itaque tolli hoc præiudicium auctoritatis, demonstrarique, Carpzouium etiam errare potuisse, &, potissimum in causis ecclesiasticis, sæpen numero errasse. Ceteroquin magni facimus celeberrimum hunc ICTum, & dolemus tantum, quod gravioribus negotiis occupatus, non potuerit omnia ac singula accurate ponderare, quo fundamento nitantur, atque adeo nimis facilis fuerit in amplectenda communi sententia. Tandem vti nulli mortalium nostram obtrudimus sententiam, ita vt alii quoque suas nobis non obtrudant, sed nos libertate nostra, in Academiis recepta, frui patiantur, maiorem in modum rogamus.

DEVS interim huic etiam labori benedicat ex alto faxitque, vt fructus inde vberrimi in rem publicam pariter & ecclesiam resultent, ac adeo diuini nominis sui gloria omni occasione amplissime promoueatur.

CAP. I.



בֵּית יְהוָה

CAP. I.

DE

SACRAMENTO MATRIMONII, PONTIFICIORVM COMMENTO.



§. I.
Vm ergo, Deo feliciter auspicante, agendum nobis in præsenti disser-
tatione sit de reliquiis principii pa-
pistici, quo matrimonium pro sa-
cramento venditatur, necessarium
omnino est, vt antequam reliquias
illas ordine exponamus, prius ipsum
Pontificiorum principium ad ex-
amen reuocemus, & falsa commentitii illius sacramenti
fundamenta detegamus; vt postea eo facilius demon-
strari possit, falsas quoque esse conclusiones, quæ ex tali
principio sequuntur, & iure meritoque a nobis repudian-
das.

§. II. Verum satisfaciendum prius, quam ipsam
rem aggrediamur, illi est, qui nescio, qua præconcepta
opinione, omnem ICris disquisitionem circa controuer-
fias Theologicas denegant, ac proinde nobis statim ab
initio obiicient, pertinere tractationem huius rei ad The-
olo-

ICto non lice-
re doctrinas
Theologicas
tractare,

2 CAP. I. DE SACRAMENTO MATRIMONII,

ologos, atque adeo male de ea controuersia hic in differentiatione iuridica agi, nisi μετάβασις εἰς ἄλλο γένος committi debeat. Ast quam peruersa sit horum sententia, facili negotio quam plurimis argumentis demonstrari posset, si non grauiora nobis adferenda essent, nec lubricum illius sententiæ fundamentum a sanioribus, his maxime temporibus, satis iam superque esset detectum. Nos quia de reliquiis papatus hic ex parte agimus, non dubitamus, illam sententiam inter reliquias papatus primo loco connumerare. Vnde enim originem traxit distinctio inter Clericos & Laicos, & in vernacula lingua unter geistliche und weltliche? Certe iuri diuino illa oppido est contraria: Nam Spiritus sanctus omnes fideles vocat clerum, 1. Pet. V. 3. vbi & in specie clerum a presbyteris distinguit. Quam ergo absurdum est hoc ad eas tantum personas, quæ ecclesiastica sustinent officia restringere. Annon etiam omnes Christiani spirituales esse debent? *vid. Rom. VIII. 9. Gal. VI. 1.* an externum aliquod officium aliquem spiritualem aut mundanum reddit? Spiritus sanctus sane longe aliter loquitur. Porro quod scripturam sacram tractare non omnibus liceat, sed certis tantum hominibus, quos Theologos vocant, vnde est? An Scripturam sacram scrutari tantum Theologis, an non omnibus hominibus iniungitur? Si hoc, vti id *ex Rom. XII. 2. Ephes. V. 10. Phil. I. 9. 10. 1. Thess. V: 20. 21. 1. Ioh. IV. 1.* sat is patet, dum & Apostoli epistolas suas non ad Theologos, sed ad totum populum Christianum scripserunt; haud dubie omnibus ius erit in veritatem diuinam inquirendi, & omnes, quæ mouentur, quæstiones examinandi, an principiis scripturæ sacræ conueniant, an secus. Non enim iudicabuntur homines in extremo iudicio secundum receptas Theologorum sententias, sed secun-

*est ex reliquiis
papatus.
Item distinctio
inter Clericos
& Laicos.*

secundum veritatem scripturæ sacræ. Vnde ergo est, quod de diuinis veritatibus tantum Theologis agendum, & quod ab iis statutum, ab aliis omnibus cæco impetu amplectendum esse, dicatur? Vnde hæc omnia sunt? Ex papatu sunt, & nullo alio fundamento nituntur. Miseri ergo, imo terque quaterque miseri sunt ICti & omnes alii, qui non Theologi vocantur, si horum tantum stare arbitrio, & in verba eorum iurare tenentur. Hoc enim nihil aliud est, quam dominatus papalis. Protestamur solenniter, nos hic nullam maculam inurere velle Theologis cordatis Theodidactis, vt pote qui nunquam tam exitiosum monopolium sibi arrogare solent, sed potius vt omnes prophetarent cum Paulo optant. *i. Cor. X/V. 5.* Illis tantum hæc perpendenda relinquimus, qui pleni arrogantia & philautia sibi soli sapient, & placita sua tanquam mandata & leges Dictatorum instar omnibus præscribere solent, cum excommunicationis fulmine prosequentes illos, qui vel dubitare de sententiis suis audent. Vbi non possum, quin adducam verba Lutheri, quæ habet in libro *de instituend. minist.* vbi, post varia loca sacræ scripturæ, quæ adduxit, ita loquitur: *Cum ex his locis robustissime & clarissime fundatum sit, ministerium verbi potissimum in ecclesia esse prorsus unicum, & commune omnibus Christianis, non modo iure, sed etiam precepto, quare & sacerdotium non nisi unicum & commune erit: ut nihil valeant aduersus hec diuina fulmina, infiniti patres, innumera concilia, eterna consuetudo, & uniuersa mundi multitudo, quibus stipulis ræsa larue nituntur sacerdotium suum stabilire.* Sed dixeris, ex constitutione tamen principum distincta esse officia Theologorum & ICtorum: respondeo, parendum vtique principibus, sed hi tantum prohibent, ex professo publice tractare pure Theologica, non vero prohibent,

bent, tum etiam incidenter de controuersiis Theologicis agere, cum ex illarum decisione dijudicandum est de negotiis ad cognitionem ICTi tantum spectantibus. Hic enim, nisi ponderatis sufficienter principiis, non potest exacte de iustitia & iniustitia conclusionum iudicari. Vnde vel ex hoc capite, quicquid etiam in genere dicatur, tuti esse possumus aduersus dentes Zoili. nisi enim prius constet, an matrimonium recte dicatur sacramentum, non potest iudicium ferri de conclusionibus & consecutariis, quæ inde descendunt. Nobis autem eo magis hoc erit integrum, cum in eos simus, vt rem hanc ex communi Theologorum protestantium sententia conficiamus.

*Euolutio vocis
Sacramenti est
necessaria.*

§. III. Rem ipsam itaque aggressuri, quædam de nomine sacramenti præmonere tenemur: quamuis enim alias nimia in euolutione nominis curiositas, sæpe inutilis & tædiosa sit, hic tamen, si non in obscuro rem omnem relinquere velimus, ea negligi & præteriri non potest. Quod itaque originem huius vocis spectat, nemo erit, qui negare poterit, illam a communi & vulgari linguae latine vocula, sacro vel sacrando aut execrando deriuari, vt adeo superuacaneum sit, plura de origine dictæ vocis communi huic omnium opinioni adiicere vid. Iac. Altingius *Oper. Tom. V. Method. Theol. Didact. Loc. XIV. pag. 105..*

*Eiusdem variæ
significationes
[1] qua denotat
pecuniam,*

§. IV. Euoluendæ igitur erunt variæ eiusdem significaciones, inter quas primum arridet illa, qua denotat pecuniam, quam latini olim litigantes in loco sacro deponebant, vt is, qui causa caderet, illa multaretur, Varro *lib. IV. de lingü. lat.* Zwinglius *lib. de ver. & fals. relig. cap. de sacram.* Athenienses vero in iudicio deponebant Aristoph. *in Vespb.* Pollux *lib. 8. cap. 6.* De cuius tamen quan-

PONTIFICIORVM COMMENTO..

3

quantitate & varia denominatione pro hac vice non erimus solliciti vid. Sam. Petit. *Comment. in LL. Attic. lib. 5. tit.*

2. Altera significatio est, qua idem est, quod vinculum ^{[2] Vinculum} fodalitii, quo illi, qui coierant, continebantur, sicuti apud Iustin. *lib. 20. cap. 5.* Plin. *lib. 10. Epist. 97.* Io. Fridr. Gronouium *obs. L. 4. c. 17.* videre est. Porro & iuramentum militare ^{[3] Iuramen-} denotat, de quo Seruius *ad Aeneid. lib. 6.* Polyb. 6. & ^{tum miliare.} hoc a militibus sanctissime obseruatum, etiam si illi iussi ducem sequi quocunque velit. Dionys. Halicarn. *lib. II.* Vegetius *lib. 2.* Eiusdem vim ostendit Cic. *de offic. lib. 1. & Philipp. 13.* Plut. *quæst. Rom. quæst. 39.* Rosin. *antiqu. Rom. l. 10. c. 3.* Horat. *Lib. 2. od. 17.* Seruius *ad Aeneid. lib. 2. v. 157. & ad L. 7. v. 616.* Tertull. *de cor. milit. cap. 11.* Claudio-
an. *in Ruffin. l. 2.* Modum vero huius iuramenti suppeditat Ammian. Marcell. *L. 21. & M. Ann. Lucan. Pharsal. lib. 1. v. 386.* Ioh. Guil. Stuckius *Oper. tom. 2. de sacrif. Gentil. p. 136.* Cincius apud Gellium *lib. 12. cap. 4.* plenius illud recitat, cui iungendus Cæsar *de bell. civil. Lib. II.* Ex quibus apparet duplēm olim sacramenti fuisse usum, alium militarem, de quo haētenuis, aliū forensem, ex quibus deinceps sequentes natæ loquendi formulæ: Dicere Sacramentum vel Sacramento: Tenere vel teneri Sacramento: Soluere Sacramento.

§. V. Denique non negligenda erit ultima Sacra-
menti significatio, qua latinis idem est, quod mysterium. ^{[4] Mysterium.} Quæ denominatio inde orta, quia in Hagiographiis, vbi Græci mysterium habent, vetus interpres aliquando *Tob. XII. Sap. II. & VI. Daniel II. & IV.* reddidit Sacramen-
tum. Et promiscuus hic vocabulorum usus vocem Sa-
cramenti in ecclesiam introduxit & ad signa gratiæ diui-
nitus instituta, ut baptismum & S. cœnam accommo-
dauit.

6 CAP. I. DE SACRAMENTO MATRIMONII,

davit. Chemnic. Exam. conc. Trid. P. 2. p. 6. sicuti ex Tertulliano lib. 1. & 4. contra Marcion. & de coron. milit. Iustin. apolog. Raban Paschhalio, Lindano & Cypriano videre est, qui itidem baptismum & S. cœnam Sacramentum dixerunt, quamvis scriptura Eucharistiam & Baptismum nunquam mysteria vel Sacraenta vocet: vnde Radeccius in notis ad Smigletii refutationem dissolutionis nodi sui Gordii pag. 48. dixit: *Mysterii nomine cœna Domini non potest appellari.* Sic & de voce Sacramenti, quando cœperit, & a quibus & quomodo inuecta in ecclesiam, notari meretur illud Iac. Altingii Oper. Tom. IV. c. 11. p. 21. a b. & Tom. 5. p. 473. ubi dicit: *nomen Sacramenti latinum est, & ab Ecclesia solum latina usurpatum, a cuius communione postquam recessum est per reformationem, prout olim consueverat, eadem applicatio in vernacularis quoque linguis & confessiones recepta est non sine aliqua multorum suspicione secreta alicuius in eapte voce energie aut virtutis.* Scriptura aliis utitur vocabulis, nullo autem frequentius quam signo. Inde de voce mysterii optime etiam annotavit idem Oper. Tom. IV. c. 16. p. 336. 6. quod signis sacramentalibus applicata multos pepererit errores, sicuti ipsa vox Sacramenti.

Deriuatio my-
sterii.
notatur Hoff-
mannus.

§. VI. Hancce igitur denominationem Sacramenti, qua idem est, quod mysterium, Græcis debemus, qui vocem μυστήριον iuxta Hoffmannum Lexic. universal. Tom. 2. pag. 16. ab Hebræorum סתר occultare aut Res abscondita, secretum, mutuarunt. Verum dubito, an illa deriuatio fundamentum habeat, & secutus fortassis Hoffmannus est Drusium ac Georg. Pasor. Lex. Græc. Lat. pag. 448. vel potius insignem vocabulorum Græcorum & Hebræorum conciliatorem Cohen de Lahra in conciliat. vocab. Græcor. & Hebr. cuius autoritas nullius tamen est momenti; nec firma est conclusio, in voce Hebraica habetur

betur vox eiusdem fere toni ac significationis, ergo statim vox illa, quæ linguæ alterius est, habet originem Hebraicam; præ primis cum lis adhuc sit sub iudice, an lingua Græca an Hebraica sit antiquior, vt itaque alias dicere possit, Hebræos suam vocem Græcis, non autem Græcos Hebræis debere. Quam enim hodie excolimus linguam Hebraicam, non est primitiua illa, qua protoplasti vñi sunt, hanc enim iudicium diuinum genuino gradu in homine a natura eius separauit, quorum primus fuit statim post lapsum. Nam cum antea responderent signa exacte rebus; vnde Abarbanel *Comment. in leg. fol. 28. col. 1.*

לא היה קרי'ת השמות כפי' החכמה והרצין אלא כפי' הוראת טביעיהם והשמות שהם בזה הדרך הם הגדרים שבזה Non fuit appellatio nominum ex instituto & voluntate, sed iuxta demonstrationem naturæ rerum: Nomina autem iuxta hunc modum sunt definitiones: atque in hoc fuit demonstratio sapientie non in nominibus ex mero placito impositis: postmodum hæc convenientia sæpe defuit, Kaini nomine id confirmante, quod non respondebat ipsi rei Gen. IV. 1. vnde nomina deinceps sæpe fuerunt mere votiua, quemadmodum Noachi, Genes. V. 29. Alter fuit gradus in dispersione structorum turris Babel, quando Deus ipsis immisit vniuersale obliuium primæuæ linguæ, simulque confudit articulationem, vt diuersimode institueretur: quo ipso factum, vt mutuo sese non amplius intelligerent. Sic autem commercio linguæ ablato ab inuicem in diuersas mundi plagas recesserunt, singulæque familiæ, seiu&ntim ab aliis habitantes, noua sibi propria articulacione ad exprimendos conceptus suos vñæ sunt. Ex qua linguarum confusione nos denique reliquias illas linguæ primitiæ accepimus. Iac. Altingius *Oper. Tom. 5. p. 470.*

Lin-

Lingua enim primæua fuit purissima, & vt cum Muscato
 במקום אמרו רעבAncii ללחט Comment. in legem loquar היה דרך משל נוחן בקולו קול אה אוי וכיוצא וכמו שספרו על התרנגול כי כאשר יטוש עלי אוכל שמייע בחוץ קולו בקריאה התרנולות לבאים היא להתענג עמו בטוב לוועל נהמת הונה יאמר גם כן שהיא סימן לבריאות בת זוגה: loco eius, quod dixerunt esu-
 rio panem, ediderunt exempli gratia voce sua tonum A, E, O, aut similem, sicut dicitur de Gallo gallinaceo, quod quando diffundit se ad cibum, foris audire facit vocem suam in appellatione gal-
 line ut ו ipsa veniat, ו oblectet se secum in bono suo. De gemitu columbae dicitur similiter, quod fit signum appellationis com-
 paris sue; qua lingua & nos aliquando in vita æterna ga-
 visuros, statui purissimo admodum conueniente, collig-
 gunt nonnulli. Sed hæc obiter. Redeundum ad Hoff-
 mannus, vbi notatu dignissimum, Hebræos sua Sacra-
 menta dictis vocibus nunquam denominasse, licet radix סתר latuit vel abscondit se denotet; e contra autem notum
 est בית הסתרים locum secretum & radicem סתר repugnare,
 destruere, ac demoliri, etiam significare.

Notatur Bel-
 larminus.

§. VII. Tres igitur voces adducit Bellarminus Tom.
 3. lib. 1. c. 8. quibus Hebræi sua sacramenta denominare
 soliti fuerint, quarum primam חקם esse statuit, cui iungit
 vocem סקה, quæ tamen vitiosa Bellarmini ignorantiam
 linguæ Hebraicæ, quam multi iam agnouere Theologi,
 arguens, & iuxta eundem non tam ceremonias omnes,
 inter quas & Sacramentum numerat, quam legem cere-
 monialem denotant. Verum nulla hæc est Bellarmini
 consequentia ab vniversali ad particulare, putans, quia
 omnes ceremoniæ הקים dicuntur, quod idcirco singulæ
 earundem partes ita dici possint, quæ tamen toto cœlo
 inter se differunt, & idem est, ac si dixeris, homo dicitur ani-

PONTIFICIORVM COMMENTO.

9

animal, ergo etiam digitus, nasus, talis dicendus. De explicatione altera, qua dictum vocabulum per ceremonias & earundem legem explicat, nihil dicam, licet enim doctrina a Mose primum tradita *Malach. IV. 4.* tribus comprehendatur vocabulis תורה חקִים ומשפטים *lege, statutis & iudiciis*, synonoma tamen sunt, ut bene obseruatum a R. David Kimchio *ad Psalm. 19. 5. 119.* vbi hæc & alia usurpantur de voluntate Dei verbo eius reuelata. Sic etiam Hebræorum Sacraenta non pertinebant ad ceremonias, sed erant potius fundamentum ipsius religionis, quamuis & V. & N. T. Sacraenta suo modo ceremoniæ dici possint Friedm. Bechmann. *Annot. in Hutt. Comp. Theol. loc. 22. quest. 2.* Nec ullus in sacra scriptura occurrit locus, vbi per סְכִינָה Sacraenta V. T. Pascha nempe & circumcisio intelliguntur. Magis adhuc absurdum est, quod idem Bellarminus tradidit de voce altera, qua Hebræos sacramentum denominare putat, quæ est מְלָאֵת impletiones a מְלָאָה compleri descendens, quia *Exod. XXIX. 5. Leu. VIII.* habetur, vbi de consecratione sacerdotis agitur, ac ille, qui sacramentum suscipit, perficitur, ut sit idoneus ad sacram functionem, quæ tamen explicatio iuxta Buxtorff. *Lex. Hebr. pag. 417.* cum R. Salomonis in Comment. non conuenit, docens *Exod. XXIX. 22.* אַיִל מְלָאֵת dici, quod eo completeretur & perficeretur actus sacerdotalis, qui tamen ad solam consecrationem se non extendebat. Sequeretur proinde, quod more Pontificiorum consecrationem sacerdotis pro Sacramento, ac proinde tria Sacraenta habuerint Hebræi, quæ omnia perquam falsa sunt. Et quæ porro sequela, consecratio sacerdotis apud Pontificios est sacra, apud Hebræos vox מְלָאֵת denotat consecrationes Pontificis. Ergo מְלָאֵת denotat Sacramentum. Denique tertium

B

voca-

MIV 2

vocabulum est Chaldæorum רְאֵן, quod *Secretum* atque *Arca num* denotat, & de hac voce scribit, Hebræos eiusdem radicem nondum inuenisse; quasi vero non ipsa vox radix esse possit, & omnia nomina a radice quadam necessario descendere debeant. Sicuti igitur hæc sententia nullo fundamento nititur, ita etiam res se habet circa ipsum vocabulum, quando per Sacramentum explicat, quia nempe Sacramentum secreta Dei voluntas, & quia hoc vocabulum secreta denotat, quod proinde idem sit, quod Sacramentum. Verum hæc Sacramenti deriuatio noua est & fictitia, nec enim a veteribus vñquam tali sensu accepta est vox Sacramentum, nec ex sacris literis ea probari potest, vt mox dicetur, siquidem in scriptura V. T. duo Sacraenta, Circumcisio *Genes. XVII. ii.* & Pascha *Exod. XII. 13.* sub nomine אֹתֹות֙ solent occurrere, quod tam tam nudum quam prodigiosum denotat signum *Genes. IV. 15.* *Exod. IV. 9.* cui vocula בְּרִית interdum adiicitur, sic & iuxta explicationem Bellarmini propter voces *Dan. II. 28.* וְגַלְאָרוֹן Daniel præcise sacramenta intellexisset. Denique etiam notari meretur, Bellarminum in uno eodemque capite sibi metipsi contradixisse, quando sub eiusdem initium docet, tertiam vocem esse רְאֵן vel רְאֵן qua Hebræi sua sacramenta significare solent, & sub finem denique expresse docet, Sacraenta V. T. nunquam vocari סָדֶר yel רְאֵן sed semper מְלָאִים & חֲקִים. Et hæc de voce Mysterii occasione deductionis Hoffmannianæ dicta sunt, quibus, testibus Lexicographis, porro addendum, quod sicuti varias Sacramenti in superioribus ostendimus significationes, ita vocis mysterii apud scriptores varias etiam significationes, & deriuationes occurere, ad quos L. B. remittimus.

PONTIFICIORVM COMMENTO.

ix

§. VIII. Quicquid autem sit, præ ceteris notandum erit, vocem mysterii sæpius quidem in scriptura occurre-re, vocabulum autem Sacramentum prorsus esse ἅγεα-
Φον, ut fatentur Theologi. Chemnitius Exam. C. T. P. 2.

Sacramentum
est vocabulum
ἅγεαφον & gen.
tile.

p. 3. n. 10. Et quamuis vox Sacramenti in Latina Biblio-
rum versione occurrat, proprie tamen & specifice non usurpatur de externis illis ac visibilibus inuisibilis gratiæ signis, Eucharistia nempe & Baptismo, sed a scriptoribus ad ea demum translata est, quemadmodum & vox μυστή-

Quamuis in
vulgata occur-
rat.

ειον a superstitionis Græcorum ritibus ad meliorem usum in ecclesia accommodata, ac veluti iure ciuitatis sacræ donata est Gerhard. loc. Theol. Tom. 4. de Sacrament. cap. 1. §. 9.

pag. 393. Quorsum notari meretur sequens de usu vocis Mysterii & Sacramenti Iacob. Altingii Tom. 5. Anal. Exeget.

Catech. Palat. p. 39. b. iudicium, ubi eleganter docet: Pare-
um censere vocem Sacramenti ex vetustis versionibus latinis mu-
tuatam esse, nam ubique textus Græcus usurpat μυστήριον, posi-
tum fuit Sacramentum. Et hinc quia Græcis μυστήρια dicebantur
haec signa, iisdem Sacramenti nomen impositum. Illi enim μυστή-
ρια dixerunt imitatione Ethnicorum, qui arcana, seu arcana
significationis sacrae & ritus sic appellabant. Verum sic rem non
illustrarunt, sed obscurarunt, cum Deus in Scriptura longe clarius
loquatur, quando signa & sigilla nominat. Sed Latini adhuc
intellexerunt latinam vocem, postquam autem latina lingua per
Tyrannidem ecclesie Romane facta est quasi authenticæ, etiam haec
vox religiosa evasit, que in omnibus linguis occidentalibus fuit
admissa, non sine superstitione multorum & plurium ignoratione.
Est barbaræ lingue non latine, 1. Cor. XLV. 19. neque conferre
potest cum Amen, Abba, Halleluiab, Zebaoth: nam haec sunt voca-
bula usurpationis diuine in authenticis linguis, aet hoc humane
& ab Antichristi autoritate introductum. Docemur non debere

ii CAP. I. DE SACRAMENTO MATRIMONII,

nos superiores esse Deo, qui cum clare loquatur, obscuriora non sunt preferenda, attamen sequimur morem, qui non in lingua & vocibus, sed in re significata errores amolimur. Ex quo loco singularis ille usus vocis Mysterii ac Sacramenti, quem multi falso iactitant, præclare potest videri. Cui iungi meretur aliis adhuc eiusdem auctoris locus Oper. Tom. 5. Method. Theol. didact. loc. XIV. pag. 105.

Commodiori
ergo uti debe-
remus.

§. IX. Interim non dixero, vocem Sacramenti ex Ecclesia necessario eiiciendam esse, cum bene explicari possit, sed consilium tantummodo erit, vocabulum Sacramenti commode ac cum ingenti ecclesiæ fructu emolumentoque insigni posse reiici, quod utinam nunquam esset receptum, quia origo atque occasio multarum controveneriarum fuit, quæ inter Theologos utriusque religionis, de requisitis, de numero Sacramentorum &c. haec tenus agitatæ sunt. Hinc ipse etiam Lutherus, lib. de captiu. Babyl. c. de matrim. ab hoc nomine non parum abhorrens, inquit: *Non habet uniuersa scriptura sacra hoc nomen sacramentum in ea significatione, qua noster usus, sed in contraria: Vbiq[ue] enim significat non signum rei sacræ, sed rem sacram, secretam, absconditam.* Similiter etiam in lib. de abrogand. miss. inquit: *Pia & fidelis conscientia merito & digne parcere debet, ne hoc sacrificium appellat, aut credat, quod certissimum est apud Deum, & in scripturis non dici sacrificium, & hoc solum appellat sacrificium, quod constat a Deo vocari sacrificium. Quæ enim furentior temeritas, quam sic os in cœlum ponere, ut hoc sacrificium & metum Dei dicas, quod ille non dicit sacrificium & cultum Dei?*

Propter ratio-
nes varias.

§. X. Hisce porro Lutheri testimoniis accedunt aliæ rationes, nempe nomen sacramenti gentile ab hominibus excogitatum esse in scriptura S. non occurrens, nec dignum, ut per illud sigilla gratiæ diuinæ explicentur

tur. Sic & pauciores sunt in ecclesia, qui sciunt, quid sacramenti vox denotet: rem autem claram & perspicuam obscura voce denominare, an non inconueniens est? Erudiendi igitur prius erunt homines ratione tam nominis quam rei ipsius: Unde ecclesia non minimum damnum capit, si tyro prius ratione vocum debet informari, cum interim res fidei perdiscere possit. Et posito, tempus non esse respiciendum, valde tamen absurdum est cum erudiendis primum de re militari militiæque iuramento, & deinceps de re spirituali loqui, & conuenientiam harum rerum mcgno labore ostendere, quæ tamen toto cœlo a se inuicem distant. Tandem hoc vnicum instar omnium esse potest, quod iuxta doctrinam Apostoli *1.Tim. VI.3.* subsistere debeamus in verbis Christi, & Scripturæ sacræ. Si opus fuisset hac voce, Spiritus S. eam non neglexisset. Nihil detrahendum scripturæ sacræ, nihil etiam addendum est. Sed additur aliquid, quando locutiones certæ & sententiæ hominibus obtruduntur, tanquam veritates Theologicæ, licet nullum in scriptura reperiatur fundamentum.

§. XI. Evidem posset quis excipere, in scriptura ^{Obiectio I.} sacra plures occurrere voces militares, ut legio, & integra spiritualis Apostoli Pauli *πανοπλία. Ephes. VI. 13. sqq. Luc. X. 22.* sed respondetur, Christus & apostoli ipsi hisce usi sunt vocibus, nulli tamen easdem locutiones unquam per modum legis imposuerunt: sed voce Sacramenti nunquam usi sunt. Insuper illas voces tantum comparationis causa adhibuerunt; nos vero voce Sacramenti non comparationis causa utimur, quæ enim comparatio inter sacramentum, seu iuramentum militis, & sigilla visibilia inuisibilis gratiæ Dei? Sed ut ipsum negotium illud, eiusque essentiam & qualitates denotet.

Obiectio II.

§. XII. Perget forte alius, tantæ tamen amplitudinis esse libertatem Christianam, vt sine scandalo ecclesiæ hac voce vti licuerit, sic & summam necessitatem ad prædicandum euangelium inter gentes vsum huius vocis introduxisse, quia in S. scriptura talis vox generalis eucharistiam & baptismum coniunctim denotans non occurrat, & tamen opus sit, vt eiusmodi vox habeatur. Hisce vero reponimus libertatem Christianam ad inutilia & absurdâ se non extendere, etenim libertas Spiritus a licentia carnis probe discernenda, sic & libertas Christiana non est licentia in ecclesia quælibet agendi, quæ cuilibet libent, aut nouas introducendi doctrinas humanas, sed est ius, quo vere credentes a seruitute peccati, tyrannde Diaboli, maledictione legis, & æterna morte, quin & a iugo ceremoniarum Leuiticarum, humanarumque traditionum, per Christum sunt liberati Hutter. *Comp. Theol. Inc. 18. q. 1.* Deinde falsum est, necessitatem hoc nomen introduxisse; potuerunt enim Apostoli prædicare euangelium inter gentes fine hac voce, nam tempore Apostolorum vox illa hoc sensu omnino fuit incognita. Nec necessum est, vt eucharistia & baptismus uno communi nomine appellantur. quid quod & aliud commodius nomen non desit? vti mox dicemus.

Obiectio III.

Responsio.

§. XIII. Alius porro addet, sufficere, vocabulum non esse ἀντίγεα Φον, quamuis sit ἀγέα Φον, & licet vox sacramenti non κατὰ ρητὸν inueniatur, tamen κατὰ διάνοιαν in S. scriptura possit occurrere. Sed primo hoc plane non concludit, siquidem hac ratione quam plurimas excogitare possem voces, quæ non contra scripturam sunt, sed per διάνοιαν ex S. scriptura eruuntur, quo ipso tamen nihil aliud efficeretur, quam vt conscientiæ nouis

uis dogmatibus grauentur, & occasio nouis controuersiis & litibus suppeditetur. Deinde ostendas, quæfo, quomodo per *diabolos* scripturæ sacræ vox sacramenti conveniat. Si dixeris, quia sacramentum idem est, quod mysterium, cuius vocis in scripturis fit mentio, respondeo, falsum hoc esse, quia iuramentum militare & mysterium non sunt synonyma, hinc commentum Doctorum est, sacramentum & mysterium esse idem. Et si sacramentum pro mysterio habendum, cur non omania mysteria dicuntur sacramenta? Hoc ipso ergo non probatur, sacramenti significationem specialem, qua pro sigillis externis inuisibilibus gratiæ accipitur, fundatum habere in scriptura sacra.

§. XIV. Verum posset quis porro nobis obiicere, tamdiu recte retineri vocem sacramenti, quamdiu alia non datur commodior: ast haud adeo incongruum fuisse *Responso.*
puto, si *media* aut *sigilla salutis* nuncupassent. Ac licet quis dixerit, hasce voces esse nimis generales, nec conceptum specificum ratione baptismi & eucharistiae habere, ille dicat, quæfo, conceptum specificum vocis sacramenti, ostendat hanc vocem tam late non patere, cuius contrarium tamen apud omnes est in confessu. Nos vero nec pro hac nec pro illa voce multum pugnabimus, quia, ut supra dictum, tali voce non est opus, cum res nihilominus satis intelligi possit, ea vero eiusmodi nominibus potius obscuretur.

§. XV. Hisce vero rationibus satis prægnantibus iam præmissis, ordinis ac instituti nostri ratio requirit, vt & rationes, quibus Bellarminus *T. 3. lib. 1. cap. 7.* probare annititur, nomen sacramenti esse usurpandum & conservandum, examinemus: (I) igitur est, quia in scriptura occurrit vox *μυστήριον*, quæ latinis idem est, quod sacramentū.

Bellarmini
obie~~c~~to,

Veruna

refutatur.

Verum falso nititur principio hæc ratio, etenim falsum est, Latinis sacramentum idem esse, quod Græcis mysterium, quia hac ratione omne illud, quod in Scriptura mysterium dicitur, dicendum esset sacramentum proprie dictum: ac proinde plura darentur sacramenta, quam septem, sicuti teste Chemnitio *Ex. conc. Tr. pag. 2. n. 9.* ipse etiam fecit Augustinus, qui plura quam septem numerat.

Loca scripturæ
Bellarmine
adducta ex-
penduntur.

§. XVI. Inter varia autem scripturæ loca primum adducit illum, quo & matrimonium sacramentum esse probare nititur, ex Ephes. V, 32. Verum quamvis vetus interpres hoc in loco vocabulum sacramenti loco mysterii adhibuerit, haud tamen poterit dici, quod idcirco hoc vocabulum sit *εγγεαθον*, ac propterea in ecclesia utendum conseruandumque. Quapropter ipse Bellarminus l. c. etiam fatetur, se ex scriptura non posse probare, nomen sacramenti, ut est nomen specificum & proprium sacramentorum, nusquam enim in scriptura baptismum aut eucharistiam mysterium vel sacramentum appellari. Ita res quoque se habet circa reliqua loca, vbi vulgata loco mysterii vocem sacramenti adhibet, qualia sunt *Daniel. II. Apoc. XVII. § 2. Thess. II.* Inepta enim est sequela. Hoc vel illud scripturæ S. vocabulum vulgata explicauit per tertiam aliquam vocem, ergo hæc ipsa vox in scriptura occurrit.

Bellarmini
Obiectio II.

refutatur.

§. XVII. Hancce primam Bellarmini rationem excipit (2) Patrum consensus, nempe Tertulliani *de prescript. cap. 16.* & *lib. I. in Marcion.* Cypriani *lib. 4. cap. 17.* Hilarii *in Psalm. 121.* Hieron. *in Ezech. cap. 44.* & *in Malach. cap. 1.* August. *Epist. 118.* & *lib. 2. Doctr. Christ. cap. 3.* ex quibus Patrum sententiis colligit, nomen hoc esse antiquissimum. Sed quamvis hoc concedamus, esse vocabulum anti-

antiquissimum, inde tamen non sequitur, illud quoque perpetuo esse retinendum, etiamsi in scripturis non haberetur. Deinde patres hac voce non eo sensu usi sunt, ut faciunt Pontificii & nostri, sed ipsis sacramentum nihil aliud significat, quam mysterium.

§. XVIII. Denique (3) instat Bellarminus, omnes ^{Bellarmino.} Obtinens linguas vulgares, ut Italica, Gallica, Hispanica, ^{iectione III.} Germanica, & alias hoc vocabulum in ecclesia latina retinuisse. Verum enim vero, si statum ecclesiæ quocunque saltem modo perpendimus, cuiuslibet statim apparebit, multa per ignorantiam & simplicitatem in ecclesia communiter recepta esse, quæ tamen nihilominus abrogari possunt & interdum debent. Hinc usu receperit, donec veniret Lutherus, qui abolendum ex ecclesia esse voluit hoc vocabulum, sicuti §. VIII. iam diximus, & nullum certe est dubium, eundem tempore Reformationis cum reliqua Pontificiorum doctrina ex ecclesia euangelica hoc vocabulum penitus reiecerit, nisi Zwinglius *L. 16. de ver. & fals. relig.* dixisset, se nolle ob hoc nomen tumultuari, aperte tamen illud reprehendens ac optans, vocem istam sacramenti Germanis nunquam fuisse receptam. Interim Zwinglius tantus huius vocis non fuit inimicus, quemadmodum Lutherus & Carolstadius, qui *lib. de imag. & Sacrament.* Lutherum secutus, expresse contra nomen Sacramenti egit. Sic & negari non poterit, Philippum Melanchthonem ^{in loc. comm. anno 21. & 22. edit.} caput de sacramentis agens, inscripsisse de signis, ibique dixisse: Quæ alii Sacra menta, nos signa appellamus. Verum postea Lutherus priorem sententiam suam mutauit & reuocauit: Cui rei an non dissensiones cum Carolstadio & Zwinglio causam dederint, sanioribus iudicandum relinquo.

~~Ex recepto vnu
vocis orta est
controversia
de numero Sa-
cramentorum.~~

~~Et de matri-
monio, an sit
sacramentum.~~

~~Quid sit sacra-
mentum.~~

~~Non audent
hoc definire
Pontificiū.~~

~~Definitio ex
mente Theo-
logorum tra-
dita.~~

§. XIX. Quod si itaque abstinuissent in ecclesia a voce sacramenti, non dedissent occasionem controuersiae, quæ de numero Sacramentorum inter Pontificios & nostrates vehementer agitata est, quam tamen hic repetere non existimamus operæ pretium, nec scopo nostro conueniens. Orta hinc etiam est controuersia de matrimonio, an non hoc quoque ex numero Sacramentorum sit? Quod Pontificii affirmant, nostri vero unanimiter negant, pro quorum partibus nos etiam stare non dubitamus.

§. XX. Ut autem ordine procedamus, prius videndum est, quid sit Sacramentum proprie dictum, & quæ eius requisita, deinde quibus rationibus nostri vtantur, quibus tandem rationes Pontificiorum cum debita censura subiiciemus. Verum titubant ipsi Pontificii & valde diuersimode hac de re loquuntur, quorum alii vt Ockam Maior & Richard. *in 4. dist. 1.* simpliciter negant, definiri posse Sacramentum; alii vero, vt Sotus *dist. 1. qu. 1. art. 2.* Scotus *dist. 1. qu. 2.* imperfectam tantum dari posse definitionem concedunt; alii denique cum Martin. Ledesmio *Tr. de sacram. in gen. qu. 1. art. 2.* Sacramentum proprie definiri posse afferunt; imo & ipse Bellarminus *Tom. 3. lib. 1. cap. 10.* hæsitat, & non nisi moraliter & suo tantum modo definiri posse Sacramentum fateatur. Et reuera cum sacramentum in hoc significatu, quo a Theologis accipitur, nihil aliud sit, quam ens rationis, vtique difficile erit, illud accurate definire. Dabinius tamen definitionem seu descriptionem poti⁹, menti Theologorum congruam, quæ hæc est: *Sacramenta sunt sacra, in oculos incurrentia signa ac sigilla inuisibilis gratiæ diuinæ a Deo instituta, annexam habentia promissionem gratiæ.* Aut iuxta D. Tileman. Heshusium *Exam. Theolog. loc.*

PONTIFICIORVM COMMENTO.

19

XIV. Sacramenum est actio ab ipso Deo in N. T. instituta, annexa promissioni gratiae de gratuita remissione peccatorum, donanda propter Christum, ut eam nobis obsignet, & tanquam pignore confirmet, utque per hoc medium Deus in nobis sit efficax ad salutem & singulis applicet promissionem.

§. XXI. Facile inde patet, quænam sint vera sacramenti requisita, quæ Augustinus tract. 80. in Iohann. his verbis comprehendit: Accedit verbum ad elementum, ac fit sacramentum. Vnde duo resultant requisita, nempe, ut sit (1) elementum quoddam externum, seu signum visibile, certo tractandum ritu; (2) verbum, quod cum iterum promissionis vel mandati, hinc tria communiter statuuntur requisita: scilicet (1) elementum, seu signum externum visibile, (2) institutio diuina & mandatum (3) promissio gratiae iustificantis. Quia in parte cum nostris conueniunt Pontificii, quamuis illi iuxta Bellarm. lib. I. cap. 9. de sacram. o&to requisita desiderent, hæc tamen tanquam maxime necessaria agnoscentes, Bellarm. lib. II. de Effect. sacram. cap. XXIV.

§. XXII. Quod si itaque hæc applicemus, nemo facile tam alienatæ mentis erit, ut non intelligat, minime omnium hæc quadrare ad matrimonium, vnde sua sponte consequitur, matrimonium non recte dici posse Sacramentum. Deficit enim elementum, seu signum externum visibile. Gerhard. de coniug. §. 17. p. 22. Equidem Bellarminus de Sacram. matrim. cap. 6. putat, personas non solum materiam, circa quam, sed ex qua esse quamvis iterum de hac materia ingens Pontificiorum sit controuersia. Verum quomodo personæ hic pro elemento haberi possint, non adparet. Personæ recipiunt hoc Sacramentum ex mente Pontificiorum, quomodo itaq; possunt esse materia Sacramenti? Melch. Ca-

Quæ sint re-
quisita Sacra-
menti?

Probatur, illa
requisita non
conuenire ma-
trimonio.

Quia deficit
Elementum.

nus *Loc. Theol. lib. 8. c. 5.* Sed dixerint forte Pontificii, copulam carnalem esse illud signum externum, quia in *Can. 16. caus. 27. qu. 2.* dicitur: *non est dubium, illam mulierem non pertinere ad matrimonium, cum qua commissio sexus non docetur fuisse*, & in sequenti *cap. 17. ibid.* *Cum societas nuptiarum ita a principio sit instituta, ut præter commissione sexuum non habeant in se nuptiae coniunctionis Christi & ecclesie sacramentum, non dubium est, illam mulierem non pertinere ad matrimonium, cum qua docetur, non fuisse nuptiale matrimonium.* *Enimuero, ut taceam, quam impium sit hoc assertum, illud tantum adiicio, quod quam plurimi ex aduersariis hoc fundamentum non agnoscant, & hac ratione matrimonium a stupro & fornicatione impiorum hominum non sit distinctum.*

§. XXIII. Sed & secundum requisitum deficit, scilicet mandatum diuinum. Evidem matrimonium a Deo esse institutum, nemo dubitabit, *Hülfseman. in extens. Breu. Theol. c. 21. th. 5.* Gerhard. *Loc. de coniug. §. 41.* Sed hic quæritur, an a Deo ut sacramentum, & quidem Noui Testamenti sit institutum? *Quod ex nullo scripturæ loco probari potest.* Gerhard. *loc. de coniug. §. 18. & 23.* Annon iam in veteri testamento institutum? quo iure ergo pro sacramento noui testamenti potest venditari? Deinde, vbi quæso est mandatum diuinum, quod ad Sacmenta requiritur? *Hoc sine ullo dubio deficit, alias grauissime peccaret, qui in cœlibatu manet, quod tamen falsum.*

Nec premissio
gratiæ.

§. XXIV. Tandem & nulla adest specialis promissio gratiæ, talis scilicet, quæ in Sacmentis exigitur, vbi per gratiam intelligitur remissio peccatorum, & iustificatio ac in fide confirmatio. Luth. *lib. de captiu. Babyl. c. de matrim.* Calvin. *lib. 4. instit. c. 19. §. 39.* Chemnit. *Exam.*

C. T.

C. T. p. 2. 1220. Quamuis enim dici non possit, matrimonium piorum gratia diuina & benedictione destitui, interim tamen hoc de illa speciali gratia, quæ in sacramentis exigitur, intelligi non potest, cum matrimonium per se non possit esse medium consequendi remissionem peccatorum. Neque omne illud negotium, quod habet generalem promissionem gratiæ & benedictionis, statim pro sacramento habendum, alias omnia officia Christianorum essent sacramenta.

§. XXV. Expositis itaque fundamentis nostræ sententiæ, nunc examinemus rationes aduersæ partis, secuturi Bellarminum, cuius inter Pontificios magna est autoritas. Hicce vero ex tribus potissimum fontibus probat, matrimonium esse sacramentum proprie ita dictum, nempe scriptura S. patribus, & ratione. Itaque probat ex sacris litteris, & quidem ex Epistola Pauli *ad Ephes. V. 32.* vbi matrimonium seu viri & mulieris conjunctio expresse sacramentum dicitur, qui locus omnis probationis Pontificiorum columnna & basis quasi est. Sed quis non videt, Pontificios versione vulgata esse deceptos, quæ loco mysterii vocem sacramenti adhibuit, non enim mysterium ac sacramentum vnum idemque esse, supra iam ostendimus.

§. XXVI. Verum cum viderit Bellarminus hoc argumento nihil se efficere, hinc subiicit, ex sola sacramenti voce non probari, matrimonium esse sacramentum, proprie dictum, sed tantum id, quod probandum suscepit, matrimonium esse signum seu symbolum aliquod sacrum, non autem contractum mere ciuilem, quia scilicet iuxta interpretes veteres dicti loci ut Ambrosium, Hieronymum, Gregorium Nazianzenum, Chrysostomum, Theophylactum, Augustinum, Ap-

Bellarmini
argumenta
contraria.

[1] Primum ex
S. S. vbi ma-
trimonium
(1) dicitur Sa-
cramentum.

Respondetur.

[2] Symbolum
sacrum.

22 CAP. I. DE SACRAMENTO MATRIMONII,

stoli verba: *Sacramentum magnum*: coniugio humano
 viri & fœminæ, non autem coniunctioni Christi & ec-
 clesiæ tribuatur. Verum iam singuli quidem euoluen-
 di essent patres, vt videremus, an Bellarminus since-
 re nobiscum egerit, sed cum instituti ratio non ad-
 mittat, vt primo hoc capite nimis simus prolixii, ponam
 omnia loca, se eo quo vult modo habere, exinde tamen
 nullum pro veritate sententiæ argumentum validum
 duci potest, cum non autoritatibus, sed rationibus pu-
 gnandum sit. Quod si ergo ipsum textum, qui ita se
 habet: τὸ μυστήριον τῷτο μέγα ἐστιν. Εγὼ δὲ λέγω εἰς χειρόν γε
 εἰς τὴν ἐκκλησίαν, consulamus, is sane manifesto docet,
 Paulum non coniugium, sed arcanam Christi coniun-
 ctionem cum ecclesia mysterium nuncupare, quia ver-
 ba, ἔγω δὲ λέγω, expresse euincunt, per mysterium se
 non intelligere matrimonium, sed vniōnem Christicūm
 ecclesia; differt ergo matrimonium a mysterio, vt si-
 gnum a re signata. Vnde frustra Bellarminns putat, ad-
 versarios suos ex hoc ipso textu posse refelli, cum enim
 Apostolus dicat, sacramentum hoc magnum est, illud
 pronomēn hoc referri debere necessario ad id, quod pro-
 xime präcessit, esse enim demonstrationem eius rei, de
 qua agitur; proxime vero präcessisse: Relinquet homo
 patrem & matrem, & adhærebit uxori sue, & erunt in carne
 una. Enim uero responcionem ad hanc obiectionem sup-
 peditat Augustinus lib. i. c. 21. de nupt. & concept. vbi hunc
 locum sequentem in modum explicat: Et ne quis istam
 magnitudinem sacramenti in singulis quibusque hominibus u-
 xores habentibus intelligeret: Ego autem, inquit, dico in Chri-
 sto & in ecclesia, quod est hoc sacramentum magnum, erunt duo
 in unam carnem. Imo perinde est, siue pronomēn hoc ad
 sequentia, siue ad antecedentia referatur. Si enim iuxta
 men-

mentem Pauli ad sequentia illud referas, res per se clara est; quodsi vero iuxta sententiam Bellarmini ad antecedentia, probe notandum erit, non solum verba illa: *Eruunt duo in carnem unam, præcessisse, quod ratione Christi atque ecclesiæ quam maxime mysterium dici potest, sed & mentionem dilectionis Christi & ecclesiæ ibid. v.*
23. seqq. vid. Chrysostom. ad b. l.

§. XXVII. Interim non inficias ibo, hominum coniugia etiam repræsentare quidem magnum illud mysterium, nempe Christi & ecclesiæ coniugium, sed absurdum esset; si quis imaginem qnandam hunc vel illum repræsentantem, ipsum hominem dicere vellet. quicquid enim aliquid repræsentat, non est illud ipsum; quare nec mysterium repræsentans, ipsum quoque est mysterium. Sit igitur, matrimonium esse signum rei cuiusdam sacræ coniunctionis, nempe ecclesiæ atque Christi, hinc tamen non ad speciale quoddam descendere poteris signum, putans, si est signum, necessario esse signum sacramentale. Non enim ab vniuersali ad particulare valet consequentia.

§. XXVIII. Quemadmodum igitur nullius hæc probatio est momenti, nec ullo euinci potest modo, matrimonium esse signum sacramentale, multo minus actionem sacramentalem, proprie ita dictam, per quam gratia reconciliationis ac peccatorum remissionis applicetur & obsignetur. Sic miror Io. Gerhard. loc. Theol. Tom. 7. p. 54. concedere generali cuiusdam vocis significacione, matrimonium vocari posse sacramentum. Etenim hæcce loquendi libertas immatura nouarum iterum potest esse controversiarum origo, quas tamen potius omni modo evitare tenemur.

Conceditur,
coniugium es.
se signum Chri-
sti & ecclesiæ.

Non tam
sacramentale.

Hinc Bellar-
minus nihil
probat.

Notatur Ger-
hardus.

[3] Habens
promissionem
gratiæ.

Ad quod re-
spondetur.

Respondetur
reliquis locis,
quaꝝ vrgent
Pontificii.

§. XXIX. Tertia pars sacramenti proprie ita dicti, iuxta Bellarminum est promissio gratiæ iustificantis, vt igitur & hanc in matrimonio ostendat, per qualemcumque consequentiam eandem itidem ex dicto ad Eph. loco probare annititur. Nervus autem huius probacionis consistit in eo, quod inter virum atque mulierem spiritualis etiam detur coniunctio, quam tamen nullo modo poterit probare; etenim ad signum cuiusdam rei non pertinet, vt essentiam ipsius habeat rei, alias imago hominis non posset esse signum eiusdem, nisi etiam de essentia quidpiam habeat. Et quod futuri Christi dantur in V. T. signa, quæ tamen nihil spirituale habent. Deinde licet inter quosdam coniuges præter coniunctionem corporum sit etiam spiritualis coniunctio, inde tamen non generaliter hoc de omni matrimonio afferi potest. Quid quod nulla etiā sit consequentia, inter coniuges est spiritualis coniunctio, ergo matrimonium habet promissionem gratiæ iustificantis. sane non intuitu matrimonii, sed intuitu fidei hanc gratiam consequuntur: Fides enim habet promissionem gratiæ, non matrimonium, nec enim iustificatur, qui non credit, etiamsi coniugium inierit. Certe igitur miror, Pontificios suam sententiam ex aliis scriptutæ locis confirmare velle, vt *i. Tim. II.* nam quamuis Deus nonnullis coniugibus suam largiatur gratiam, vt spiritualiter animi coniugum vniantur, diuinamque experiantur benedictionem, non tamen spiritualis hæc vnio sacramentum dici potest. Nec magis ad rem facit dictum *i. Cor. VII.* vbi matrimonium donum Dei Apostolus dicit, vt ipsam virginitatem, & *i. Thess. IV.* vbi coniuges hortatur, vt abstineant a fornicatione. Colligat enim quilibet ex hisce dictis, si potest, contra nos; sane absurda est conclusio, si dixerimus, quic-

PONTIFICIORVM COMMENTO.

25

quicquid est donum Dei, & ad quod Apostolus fideles adhortatur, illud est sacramentum.

§. XXX. Sed progredimur (2) ad consensum patrum, quo Bellarminus itidem frustra probare conatur, matrimonium esse sacramentum. Ne nos detinemus in adducendis verbis patrum iisque explicandis, quod instituti ratio non permittit, facile concedere possumus, patres interdum matrimonium dixisse sacramentum, sed notum est, patres nomine sacramenti in latiori & impropria significazione vti, quatenus idem est, quod mysterium, vt adeo nobis hac in parte non aduersentur. Deinde iam supra monitum, non hic, quid senserint patres, sed quid senserit Spiritus Sanctus, vindendum.

§. XXXI. Cum autem de Augustino imprimis inter nos & Pontificios sit controuersia, an matrimonium dixerit esse sacramentum proprie ita dictum, non possum, quin locum sequentem Chemnit. Exam. Concil. Trid.

p. 2. p. 421. addam: *Veteri ecclesiæ, inquit, prorsus ignota est hæc disputatio, matrimonium esse sacramentum Novi testamenti, sicut & baptismus & cæna Domini.* Augustinus defensurus coniugium aduersus Hieronymi criminationes disputat, tria esse coniugii bona, prolem scilicet, fidem coniugalem & Sacramentum. Intelligit autem Sacramentum, mysticam significacionem coniunctionis Christi & ecclesiæ. Et propter illud Sacramentum dicit, in N. T. polygamiam non esse licitam, sed legitimas nuptias esse coniunctionem indissolubilem unius viri & unius feminæ. Ita lib. de fide & operibus c. 7. inquit: *In ecclesia nuptiarum non solum vinculum, verum etiam Sacramentum, ita commendatur, vt non liceat uxori, virum alteri tradere.* Et lib. de bon. coniugal. cap. 18. inquit: *In nostrarum nuptiis plus valet sanctitas matrimonii, quam fœcunditas uteri.*

Alterum Bel-
larmini argu-
mentum, con-
sensus patrum.
Ad quod re-
spondetur.

Augustini ver-
ba explican-
tur.

D

Et

Et quam modeste loquitur, cum inquit: Quod in Christo & ecclesia est magnum, hoc in singulis quibuscumque viris & uxori-bus est minimum, sed tamen coniunctionis inseparabilis sacra-mentum. Hoc vero modo & hoc sensu Augustinus pronunciat, et iam polygamiam veterum fuisse sacramentum lib. de bono coniugali cap. 18. Sicut sacramentum pluralium nuptiarum illius temporis significavit futuram multitudinem Deo subiectam in terrenis omnibus gentibus, sic sacramentum singularium nu-ptiarum nostri temporis significat unitatem omnium nostrorum subiectam Deo futuram in una caelesticitate. Longe aliud igitur Augustinus intelligit, quando loquitur de Sacramento matrimonii, quam quando Pontificii disputatione, matrimonium esse unum ex septem sacramentis N. Testamenti vere & proprie, sicut est baptismus & cœna Domini. Furos igitur Pontificii vendunt, quando disputationes suas de Sacramento matrimonii ex Augustino confirmant, eo quod ipse matrimonio tribuerit appellationem sacramenti. Hæc Chemnitius: quibus ad-dimus, Augustinum, vbi de sacramentis proprie ita di-cit agit, Eucharistiam ac Baptismum tantum numerare Epist. 118. ad Ian. Euolui præterea meretur Forbesius In-struct. Hist. Theol. lib. 9. c. 8. qui sententiam patrum de hac controuersia fuse eruditusque exposuit.

Tertium Bel-larmini argu-
mentum a ra-
zione desum-
tum
Ratio. I.

Cui responde-
tur,

§. XXXII. Denique (3) matrimonium esse sacra-mentum, proprie dictum, ipsa probat Bellarminus ratio-ne, inquiens: Matrimonium Christianorum est unius tan-tum cum una, & omnino insolubile, ac proinde esse Sacramentum conferens gratiam proprie dictam. Et hæc ratio in forma ita se habet: *Quicquid est unius tan-tum cum una coniunctio insolubilis, illud est sacra-men-tum proprie dictum, atqui matrimonium, &c. Sed mai-
or propositio est falsa, & mera petitio principii, con-trarium enim supra satis probauimus. Conferri ad hanc*

ra-

PONTIFICIORVM COMMENTO.

27

rationem merentur ea, quæ Marc. Anton. de Dominis
de Republ. Eccles. lib. 5. Cap. II. §. 44. p. 448. eleganter disse-
 rit, quorsum nos breuitatis causa remittimus.

§. XXXIII. Altera Bellarmini ratio est finis ma- Ratio II.
 trimonii in procreatione sobolis & remedio contra for-
 nicationem confitens. Ad procreationem vero sobolis
 pertinere putat educare ac instituere, & in hoc hominū
 coniugium a coniunctione bestiarum differre, cum pro-
 les non instituant. Hocce vero instituendi parentum
 officium iuxta regulas rationis omnibus gentibus esse
 commune, instituere autem in fide ac religione, ut viua
 atque vera Ecclesiæ membra efficiantur, ad solos perti-
 nere Christianos, adeoque gratiam singularē hoc requi-
 rere. Verum si argumentum inde formari deberet, ta- Respondeatur.
 le esset: Quicquid gratiam Dei requirit, illud est Sacra-
 mentum. Sed hæc propositio perquam falsa est, nam
 primo Chemnitius *loc. cit.* satis superque iam ostendit,
 quamlibet Dei gratiam non sufficere ad sacramentum,
 sed Euangeli propriam ritui externo de peccatorum re-
 missione annexam. Deinde idem haud dubie finis ma-
 trimonii fuit in Veteri Testamento, nec minus ibi requi-
 rebatur gratia diuina ad institutionem liberorum, qui in
 vera fide & religione pariter educari debebant *Deut. VI. 7*
XI. 19. ergo oportet ut iam tum fuerit sacramentum.
 Quod si concederetur, non dici posset matrimonium es-
 se sacramentum Noui Testamenti. Non ergo sufficit, re-
 quiri gratiam, sed gratiam conferre debet, quod dici de
 matrimonio nequit. Nam si hoc gratiam conferret, non
 tam prava posset esse educatio liberorum inter Christi-
 anos, ut hodie cernitur. Quid quod optimi etiam paren-
 tes saepe maxime immorigeros habeant liberos?

D 2

§. XXXIV.

Ratio III.

§. XXXIV. Tertiam rationem sumit Bellarmi-
nus a ritu & ceremoniis, inquiens: iam ab exordio Ec-
clesiae matrimonium inter res sacras habitum esse, & in-
ter sacrorum solennia per sacerdotem ministerium ce-
lebrari solitum, nec patres vñquam cum rebus sanctissi-
mis matrimonium coniunxisse, si esset contractus hu-
manus. Sed primo respondetur, nondum hoc expedi-
tum esse, ab exordio ecclesiæ vñstatam fuisse benedictio-
nem sacerdotalem, ceu demonstrabimus infra Cap. III.
Deinde falsa est propositio, quod ab exordio & a Patri-
bus rebus sanctissimis iunctum, illud est sacramentum,
alias enim omnia negotia sacra essent sacramenta, ma-
xime quæ fiunt per sacerdotes, vt conciones, oratio-
nes &c. Similiter se res habet circa ministerium sacer-
dotum, etenim nemo, qui sanæ mentis est, a ministerio
sacerdotis ad sacramentum concludet, siquidem sacer-
dotum ministeria se non solum ad sacramenta exten-
dunt, sed ad quaslibet alias Ecclesiæ res.

Ratio IV.

§. XXXV. Denique quarta Bellarmini ratio est
consensus totius Ecclesiæ Græcæ & Latinæ, quamuis
autem in superioribus iam ex eodem adduximus con-
sensum Patrum, ex quo suam itidem defendere conatur
sententiam, in hoc tamen præprimis notari meretur,
quod ipse suam incertitudinem de consensu Patrum
Primitiæ Ecclesiæ prodat, inquiens: Ecclesiæ totius con-
sensum haberi ab annis saltem quingentis, nam a tempore Ma-
gistris sententiarum omnes Theologi summo consensu docuerunt,
septem esse nouæ legis sacramenta, & inter ea matrimonium
semper numerarunt. Ex quo apparet, eundem de Patribus
ante Lombardum non fuisse satis certum. Hunc Ecclesi-
arū consensum piis ac modestis Christianis omnino suf-
ficere debere existimat, etiamsi argumentum præterea
nullum

nullū haberent, quamuis enim in scripturarū & Patrum explicatione facile lapsus possit committi, Ecclesiam tamen nunquam deficere neque errare, & hoc tam aper-te, tam luculenter, tam diserte ab ipso Christo & eius Apostolis dictum esse, ut nihil clarior, nihil apertius, nihil expressius dici possit. *Matth. XVI. 1. Tim. III.* Sed hoc Respondetur. ipsi plus obest quam prodest, nam primo loco Lombardum adducit, & post eum turbam Scholasticorum, Pontificum, & Conciliorum, quo pacto tacite fatetur, per mille & centum annos post Christum, consensum hunc Ecclesiæ non adfuisse. Cum autem a quingentis annis corruptiones Ecclesiæ plurimum inualuerint, quid mirum, si etiam hic error in eam peruaserit? Nec est novum, concilia maxime illis temporibus, errores multos aut firmasse, aut inuenisse, non enim concilia, sed laruæ conciliorum ea fuerunt. Quod autem de infallibilitate Ecclesiæ adducit, ad id iam satis responsum est a nostris, ut plura nunc addere sit superuacaneum. In scriptura autem altum de hoc sacramento esse silentium, a nobis supra sufficienter demonstratum est.

§ XXXVI. Hæc omnia autem longe fusius deduci potuissent. Verum cum innumera hac de re extent nostrorum Theologorum scripta, maluimus quam brevissimis nos hac in parte expedire, & de cetero lectorem ad Theologos remittere. Ad prægustum vero aliquem de hac controuersia capiendum, hæc forte sufficere poterunt. Nos iam ad specialiora progredimur, reliquias huius principii nunc ordine exposituri.

Remittitur
Lector ad scri-
pta Theologo-
rum,

CAP. II.

DE

RELIQVIIS SACRAMENTI IN
CAVSIS SPONSALIORVM.

§. I.

Ingressus. Postquam itaque in præcedenti Capite ipsum Pontificiorum dogma expositum & reiectum est, nunc ad rem ipsam accedimus demonstraturi, quam variæ illius principii reliquæ apud nos remanferint, quæ ex nullo alio solido principio, quam ex isto deriuari possunt. Sed ut ordine procedamus, prius illa, quæ circa sponsalia occurrunt, sistemus & quantum fieri potest, perspicue demonstrabimus, in multis casibus, communis sententiæ, cui tam pertinaciter insistunt Doctores, & quam nimis improuide receperunt Consistoria nostra, vix aliam rationem quam sacramenti subesse.

Cause matrimoniales communiter dicuntur spirituales,

§. II. Liceat autem, antequam ad specialia progressiamur, prius illam Doctorum sententiam perpendere, qua causas matrimoniales inter spirituales referunt nostri. Evidem illud fateri coguntur, causas matrimoniales non pure spirituales esse, attamen eas nec pure ciuiles, sed mixtas, h. e. partim spirituales, partim ciui- les esse, statuunt. Quam sententiam defendit Carpzou.

Iurispr. Eccles. l. 2. d. 1. n. 17. seqq. Finckelthaus de Iure Patron. c. 4. n. 16. aliisque. Hinc etiam porro statuunt ea- tenus illas causas spectare ad iudicium ecclesiasticum, quatenus sunt spirituales.

Quæ tamen sententia est

§. III. Quod si autem illam sententiam accurate ex- aminemus, facile apparebit, eam pertinere ad reliquias reie-

& ad Iudicium Ecclesiasticum spectare.

reiecti principii, quod matrimonium sit sacramentum : ex reliquiis sa.
 Ita Zieglerus ad *Lancell.* lib. 3. tit. i. §. 3. ad verba : qualis cramenti.
est matrimonii : eadem quidem sententiam retinet, causas sc. matrimoniales esse mixtas, & ita aliquando ad forum ecclesiasticum, aliquando ad forum seculare pertinere, sed fatetur tamen, hoc descendere ex falso illo principio. Verba eius hæc sunt : *Potissima antem ratio, quod cause matrimoniales iurisdictione magistratus civilis de iure Canonico eximantur, videtur esse ista, quod inter Canonistas matrimonium habeatur pro sacramento; Sed quam ineptum hoc sit* & ἀδεόλογον, ostendimus lib. 2. Vnde etiam Finckelthaus cit. loc. dicit : *Ratio secundum Canonistas est, quia matrimonium est sacramentum. Ratio nostratium est, quia licet matrimonium sacramentum esse negetur, causa tamen matrimoniales quantum ad institutionem & mysterium ecclesiæ sunt spirituales.* Quibus vltimis verbis tamen nihil aliud efficit Finckelthaus, quam vt ostendat nos quidem non tam crasse statuere illud sacramentum, subtilem tamen eius rationem adhuc superesse, quæ tantum alio colore tincta. Clariora extant vestigia sacramenti in Carpzovio, quando d. tr. l. 2. d. 21. n. 7, 8. hæc verba habet : *Idque eo magis, quia matrimonium non est contractus tantummodo civilis, sed res conscientiæ, & tale negotium, cui NB. character spiritualis est impressus, quippe fœdus matrimonii sanctissimum non tam a contrahentium consensu, quam Dei autoritate & voluntate dependet; estque NB. hinc matrimonium de causis spiritualibus siue ecclesiasticis.* Vbi, vt certo certius constet, vnde sua principia hauserit, statim pro demonstratione sententiæ suæ allegat cap. 9. X. de hereticis, in quo capitulo matrimonium dicitur sacramentum, vnde probare vult matrimonium esse de causis spiritualibus. Agnoscent autem ipsi pontifici, præter sacramentū nihil spiritualitatis inesse

ma-

matrimonio, sed esse merum contractum : hinc Thom. Thamburinus *Theol. Moral. l. 8. tr. 5. c. 1. n. 5.* dicit, matrimonium fidelium esse contractum naturalem & simul sacramentum, atque sequenti n. 6. afferit, matrimonium a fidelibus iniri posse, vt contractus tantum, & non ut sacramentum. Eodem modo Couarruuius *Tr. de Matrim. P. 2. c. 7. §. 1.* afferit, matrimonio, per verba de praesenti inter fideles contracto ante copulam carnalem nullam aliam sanctitatem inesse, quam quæ dependet ex sanctitate sacramenti. Add. M. Anton. de Dominis *Tr. de Rep. Eccl. l. 5. c. 11. n. 1. in fin.* Cum itaque ex his patet at iure Pontificio ideo spirituales dici causas matrimoniales, quia matrimonium est sacramentum, & extra hunc respectum, matrimonium esse contractum mere naturale, unusquisque videt, qui non omni lumine orbatus est, unde fluat illa sententia nostratum, qua matrimonium ad causas spirituales referunt, & illi characterem spiritualem impressum esse, afferunt.

§. IV. Sed vt eo melius constet, hanc sententiam esse ex reliquiis papismi, videamus, in qua parte matrimonii debeat consistere illa spiritualitas. In tribus illam consistere dicit Carpzouius *d. l. 2. def. 1. n. 17.* & (1) quidem in institutione & mysterio ecclesiæ, qua in re conuenit cum eo Finckelthaus in verbis supra adductis. Verum, quod ad institutionem diuinam pertinet, nulla omnino est consequentia: hoc negotium a Deo institutum est, ergo est spirituale. Etiam procreatio sibi solis a Deo instituta, quis vero illam spiritualem diceret? liberos parentibus debere obsequium, & subditos magistratui, a Deo institutū est, ergone hoc negotium est spirituale? Omnia officia hominum inter se, ex instituto & mandato Diuino fluunt, itaque omnia sunt spiritualia; quid

Respondetur
rationibus
communis
sententiaz.

IN CAVSIS SPONSALIORVM.

33

quid inconuenientius dici potest? Porro negamus matrimonium in se esse mysterium, nec vllibi in sacris literis hoc dicitur, nam quando Apostolus *Epb. V. 32.* dicit; *mysterium magnum est*, addit expresse, *loquor autem de Christo & Ecclesia*. Est itaque matrimonium non ipsum mysterium, sed tantum externa figura mysterii illius, quod est inter Christum & Ecclesiam. Vti autem figura non est res figurata, nec vmbra ipsum corpus, ita matrimonium non est ipsum mysterium. Potest enim res mere secularis & ciuilis signum & figura esse magni mysterii spiritualis, cum tamen illa ideo naturam suam non amittat. Addit Carpzouius, *dici tamen Deum expresse interuenire, & coniuges copulare*, sed vnde hoc probare velit, non video, an enim in matrimonio Deus interest, an omnes copulat? Admitto hoc in coniunctione piorum, sed non impiorum, quorum matrimonia Deo potius abominationi sunt. Adeoque validum inde argumentum ad spiritualitatem matrimonii generalem duci nequit. Sed pergit Carpzouius *eod. n. 18.* eatenus causam matrimonii esse spiritualem & ecclesiasticam, quatenus casus conscientiae concernit: Verum hoc modo omnia alia negotia humana erunt spiritualia, quia fere nullum est, in quo non plures casus conscientiae concurrant. Equidem satis notum est decisionem casuum conscientiae solos sibi vindicare solere Theologos, sed quam falso fundamento, iam alii his temporibus docuerunt. nullum enim in foro conscientiae iudicem agnoscimus, dolemus potius vices illorum, qui conscientiam suam aliorum iudicio submittunt, & ingentia responsa Theologica & Iuridica pro tranquillanda conscientia sua petunt. Hoc est primum fundamentum, quo matrimonium ad causas spirituales pertinere statuit Carpzouius. Sequitur(2) aliud,

E

distin-

distinguit enim n. 19. Carpzouius, an quæstio vertatur de ipsa matrimonii substantia, vinculo, iure & viribus eius siue de fædere matrimonii, an vero de iudicio possessorio ad reposcendam vxorem; hoc casu pertinere matrimonium ad seculare iudicium, illo casu vero ad ecclesiasticum & eatenus esse causam spiritualem. Enim vero vti Carpzouius illud ne minima quidem ratione probat, ita eadem facilitate id negare licet. Etenim accuratus inspecta omnis illa quæstio de substantia s. essentia, vinculo, iure & viribus matrimonii, pertinet ad forum externum: ad quod tamen nihil, quod spirituale est, spectat, sed ad forum internum, vbi solus Deus iudex est. Vti enim de reliquis negotiis consensualibus eorumque vinculo, iure, & viribus, iudicare potest iudex secularis, cur non & de matrimonio. Si dixeris, matrimonium tamen a reliquis negotiis differt, quia in eo latet magnum illud mysterium vniōnis Christi cum Ecclesia, respondeo, de hoc mysterio non moueri controvēsiā in foro externo; omnes enim quæstiones, quæ occasione matrimonii mouentur coram iudice, sunt mere ciuiles & seculares. Probandum ergo esset, illas controvēsias matrimoniales ita esse comparatas, vt non ab alio quam ecclesiastico iudice possint terminari. Ex quo corruit, quod (3) subiicit Carpzouius, tum tantum fori ciuilis esse causas matrimoniales, cum de facto quæritur, non si de iure; eadem enim hic recurrerit responsio.

Ostenditur,
causas matri-
moniales nullo
modo esse spi-
rituales.

§. V. Ut ergo constet, quo fundamento negamus, quidquiam spiritualitatis inesse causis matrimonialibus, videndum, quisnam sit genuinus conceptus rerum spiritualium & ciuilium. Scilicet res spirituales haud dubie tales esse debent, quæ (1) causam habent spiritualem, nam qualis causa, talis effectus; (2) vbi obiectum

iectum est spirituale, & (3) finis quoque mere spiritualis & vno verbo, illud negotium est spirituale, quod spiritu fit, perficitur & absolvitur. Contra vero omnia, quæ sunt actibus externis, mediis externis ad finem externum obtainendum, illa sunt ciuilia, ac proinde ciuili iurisdictioni & imperio subsunt. Hæc communia principia non puto aliquem, qui non omnium rerum ignarus est, negaturum. Iam videamus, quales sint causæ matrimoniales? Initur autem matrimonium consensu expresso, de re in potestate contrahentium constituta, & quidem mere externa, scilicet individualia vitæ consuetudine ad finem externum, scilicet procreationem sobolis & mutuum adiutorium, omnisque commodi & incommodi participationem & ultimo ad promouendam temporalem tam propriam quam reipublicæ felicitatem. Hæc itaque an non sunt mere ciuilia, an non mere externa, foro humano subiacentia? qui ergo eiusmodi negotia iudicio ciuili subtrahunt, quæso, quid faciunt aliud, quam ut Pontificiorum vestigia pressæ sequantur. Est enim Pontificiorum inuentum, quædam negotia mere externa & ciuilia inter spiritualia recensere, tantum, ut stabiliatur dominatus clericalis & diminuatur potestas principum. Cum itaque viderent, hoc in causis matrimonialibus fieri non posse, nisi statuatur, matrimonium esse sacramentum, hoc dogma ab iis excoxitatum. Dum ergo illud reiiciimus, quo iure, quæso, defendi potest sententia illa, matrimonium esse rem spiritualem, & ita pertinere non ad ciuale, sed ecclesiasticum iudicium? Verum ne nimis paradoxa alicui primo intuitu videantur, adducam consensum Lutheri, qui in libro von Ehesachen in prefat. conqueritur, quod in causis matrimonialibus suam sententiā exigant quam plu-

Nisi ex hypo-
thesi pontifi-
cia.

Comprobatur
verbis Lutheri.

rimi, Ich wehre mich fast / inquit, rufse und schrene / man solle solche Sachen der weltlichen Obrigkeit lassen. Deinde expressis satis verbis subiicit: Es kan ja niemand leugnen / daß die Ehe ein NB. eusserlich welchlich Ding ist / NB. wie Kleider und Speise / Hans und Hof (an ergo hæc etiam sunt spiritualia?) weltlicher Obrigkeit unterworffen &c. Et postea: Darum will ich schlecht hin mit solchen unverworren seyn / und bitte iederman / er wolte mich damit zu frieden lassen. Hast du nicht Oberherren / so hast du Official - - Mir grauet auch NB. für dem Exempel des Pabsts / welcher auch sich am ersten in dis Spiel gemenget / und solche NB. weltliche Sachen zu sich gerissen hat / bis so lange / daß er ein lauter Welt-Herr über Kaiser und König worden. Also besorge ich mich auch / der Hund möchte an dem Läpplein lernen Leder fressen / und mit guter Meynung verführt werden / bis wir zulekt auch wiederum aus dem Evangelio fallen in eitel weltliche Händel. Quæ yltima præcipue verba utinam omnes Theologi penitus ponderarent! Optime

Laudatur Dn.
Cocceius,

ergo & solidissime Illustris Dn. Cocceius in diss. de matrimonio momentario in Proleg. §. I. hac de re differit, ius nostrum, inquiens, ciuale, negotium hoc matrimoniale respexit tanquam maxime ciuale, uti quoque in se & sua natura est, nec ullum inter matrimonium & aliud quoddam negotium, in vita ciiali occurrens, verum subest discrimen, multo minus quicquam spirituale habet: ast ius canonicum, cum Pontifices, causis hisce matrimonialibus ad ecclesiasticum forum pertractis, sibi cleroque suo multum lucri accessurum non vane conicerent, matrimonium pro sacramento venditare sustinet.

§. VI. Hac occasione non possum, quin ingenue fatear, totā illam distinctionem inter iurisdictionem secularē & ecclesiasticā esse purum putum figurū pontifi-

Tota' distinc-
tio inter iu-
risdictionem
ecclares &

tificium, ac ita, dum a nostratisbus adhuc defenditur, vti antea ex Carpzouio aliisque vidimus, merito inter reliquias papatus connumerandum. Scilicet, vt summo d^o gito rem ostendam, ex surgente dominatu papali, necessarium vtique erat, vt ab imperio magistratus libera-
retur clerus, & ita solius Pontificis iurisdictioni subiice-
retur, inde Pontifices persuadebant principibus super-
stitionis, clericos tanquam personas exemptas, nulli pote-
stati externæ, sed tantum ecclesiæ subiectos esse, atque adeo potestatem ecclesiasticam separatam a potestate seculare effingebant, vt ita causæ clericorum tantum co-
ram iudice ecclesiastico, hoc est, ipso pontifice ageren-
tur. Neque hoc ipsis sufficiebat, sed deinceps alias quo-
que causas, in quibus tantum aliquid spiritualitatis fingi poterat, ad idem iudicium trahebant, ac ita iurisdictionem suam amplissime promouebant. Hæc vero est origo distinctionis illius inter iudicium seculare & ecclesiasticum, vti facile concedet, qui non hospes plane est in historia ecclesiastica. Tempore reformationis itaque restituebatur principibus, quod ablatum ipsis erat a Pontificibus, & omnia illa negotia, quæ alias ecclesiasticae iurisdictionis erant, iterum iure quasi postliminii, ipsorum relinquebantur arbitrio: Dn. Schilt. *de iur. Condomin. circa sacra cap. 1. §. 5.* vnde ipso iure desinebat distinc^tio illa iurisdictionis, quia nunc unus idemq; iudex erat in omnibus causis. Ut itaque principes nihil iuriis fuerint consecuti, quod non antea habuerunt, vi iuriis maiestatici, (licet in exercitio quorundam iurium a Pontifice fuerint turbati) nihilominus tamen nouum ius Episcopale in principes translatum esse fingebatur a doct^ribus, ideo, quia iurisdictione ecclesiastica, quam Episcopi exercere solebant, ad eos deuoluta; quod iterum e-

ecclesiasticam
ex reliquiis pa-
patus.
Origo distin-
ctionis,

-In doctrina
magistratus

Origo iuris e-
piscopalis.

Origo Consistoriorum

rat ex reliquiis papatus, quasi princeps de causis ecclesiasticis iudicare non possit, nisi ut Episcopus & sub nomine & charactere personæ ecclesiasticæ, conf. Pufend. tr. de habiture relig. Christi. §. 42. vbi ostendit, principes ideo quia Christiani sunt, non esse Episcopos. His ergo principiis positis, existimabant principes, necesse esse, ut diuersum quoque constituerent iudicium ecclesiasticum, in quo causæ ecclesiasticæ tantum ventilarentur, ut ita perpetua maneret inter causas ecclesiasticas & seculares distinctio, & hanc ob rem erecta sunt consistoria. Vnde factum est, ut cum illa iudicia apud nos manserint distincta, causæ etiam a doctoribus adhuc ratione iurisdictionis distinguantur. Et hinc etiam distinctio inter causas spirituales & seculares improuide a doctoribus retenta, aliaque quam plurima in consistoriis usitata non nisi papismum redolentia. Quis ergo est, qui non reliquias papatus hic animaduertat? Quod qui negat, ille ostendat aliud fundamentum, ex quo constare liquido possit, necessario ecclesiasticas causas, ut vocantur, separari debere a causis secularibus, nec unum omnium iudicem esse posse. Recte omnino Zieglerus ad Lancel. lib. 3. tit. 1. §. 2. ad verba: Ecclesiastica vero sunt, ita disserit: Ecclesia, qua talis nullam habet iurisdictionem, nullum iudicium; sed sicut finis eius totus spiritualis est, ita & potestas ecclesie & ministris eius competens, alia esse nequit, quam spiritualis. Si hoc, certe nulla est iurisdictione ecclesiastica externa. Sed instares, utique causas ecclesiasticas distinctas a secularibus dici debere, quia in Consistoriis etiam adhibentur Theologi. Ego hoc ideo factum esse arbitror, quia multæ causæ in consistoriis agitantur, quæ ex sola scriptura sacra decidendæ, iureconsultorum autem ut plurimum supina hac in parte est ignorantia, ut pote

An in Consistoriis necesse est debeat, Theologo

IN CAVSIS SPONSALIORVM.

39

pote qui communiter legibus humanis & quidem gentilibus, quam diuinis delectantur, interim necessitatis non esse, ut præcise adhibeantur Theologi, sed si opus sit, eorum consilium semper expeti posse, recte docuit Brunnem. *iur. eccl. l. 3. c. 1. §. 5.* cum quo & lubenter consentimus, a semel recepto more non facile recedendum esse, cum nimis adhuc imperiti iurium diuinorum sint ICI. Interim non pauci ex Theologis desuper conquesti sunt, quod tempus maioribus negotiis destinatum meritis causis externis & secularibus in Consistoriis impendere teneantur. vid. Biedenbachii epistola apud Dn. Fechtium *P. 3. Epist. Theol. p. 309.*

§. VII. Ex illis autem quæ ante dicta sunt, facili conjectura & hoc sequitur, nullius plane in causis matrimonialibus auctoritatis esse posse ius canonicum, cum tot falsis hypothesis nitatur, & in specie in matrimonialibus fere omnes decisiones ex illo principio, quod matrimonium sit sacramentum. Ut adeo mirum sit, quare Carpz. *Iur. Conf. l. 2. def. 14. n. 12.* aliique Doctores communiter, tanto conatu hac in parte defendant autoritatem iuris Canonici. Possemus hoc iure carere, maxime cum illud plane non conueniat cum statu nostrarum ecclesiarum, vid. Dn. Præf. *Spec. programm. de verb. us. iuris ecclesiastici,* atque plus mali quam boni inde in nostras ecclesias profluxerit vid. Conrig. *de Orig. iur. Germ. c. 26.* Doluit itaque vehementer Lutherus, quod ICI semper adhuc decisiones causarum matrimonialium aliarumque ex iure Canonicō petant. Vid. Dn. a Seckendorff *Histor. Lutheran. l. 3. p. 580.* Constat enim ex supra dictis, quo fundamēto pontifex matrimoniales causas ad se traxerit, & quam male eius principia cum scriptura sacra cohæreant, ceu præter alios etiam demonstrauit Philipp.

Relicitur au-
roritas iuris
Canonici.

Me-

Melanchthon *Tom. I. Consil.* p. 436. & Theodosius Gibel-linus *in Cesarea papia Rom.* p. 219. 227. & 527. Solide igitur hac de re differit Excell. Dn. Bodinus *in dissert. de Error. Commun.* circa matr. th. 3. his verbis: *Quia indubitatum est, iure canonico matrimonium pro sacramento haberis, c. 1. X. de spons. duor. cum simil. ac in illo dominatum, si non tyrannidem clericalem & pontificalem preprimis intendi, & hoc fundamento pleraque illius iuris dogmata niti, hoc autem omnia ab ecclesia nostra reiici, facile apparebit, quam minus apte illud pontificium ius in societate tali, ex qua omne Reipublica, imo & ipsorum contrabentum temporalis & aeterna salus dependet, hic pro norma adhibeatur.*

**Progressus ad
Sponsalia,**

quæ iure pon-
tificio sunt vel
de præsenti
vel de futuro.

Sponsalia de
præsenti di-
cuntur sacra-
mentum ini-
tiatum.

§. VIII. A iurisdictione itaque causarum matri-monialium ad ipsas causas nos conferamus, & primo ad sponsalia, vbi si consideramus varias diuisiones sponsaliorum, primo omnium se sistit illa, qua sponsalia Iur. Can. dicuntur vel de præsenti vel de futuro. Illa dicuntur fieri verbis præsentis temporis: *Duco te in vxorem;* hæc vero verbis futuri temporis: *Ducam te in uxorem.* c. 2. §. 22. & 31. X. *de Sponsal.* vid. Thom. Tamburin. *Theol. moral. lib. 8. tr. 3. §. 3. n. 7. seqq.* Per verba de futuro nondum contrahi matrimonium dicunt, sed sponsalia de præsenti esse ipsum matrimonium, cui nihil amplius deficit quam consummatio per benedictionem sacerdotalem. Cum itaque matrimonium dicant Sacramentum esse, & matrimonium initiatum a consummato distinguant, ac sponsalia perfecta, hoc est de præsenti pro initiato matrimonio habeant, hinc etiam sponsalibus de præsenti initiari sacramentum & benedictione consummari assertunt. vid. Lancellott. *instit. I. C. lib. 2. Tit. 10. §. 11. & tit. 11. §. 1.* Zieglerus *in not. ad Lancell. I. 2. tit. 16. §. 4.* vbi dicit: *Fatentur ipsi Pontificii, Sacra menta matrimonii tum*

totum & plenum, quantum ad partes essentiales inueniri in contractu per verba de præsenti. Hinc est quod ius Canonicum in specie verba de præsenti matrimonio requirat, nisi enim iam adsit consensus in matrimonium, nondum adest matrimonium; contra vero, cum hoc per talia verba contrahatur, matrimonium autem sit sacramentum penes ipsos, hinc sponsalibus de præsenti, iam iniri & contrahi sacramentum dixerunt. vid. Ill. Dn. Stryk. tr. de Diss. Sponsal. Sect. 3. §. 17. Addatur Gerhardus loc. de Coniug. §. 130. vbi etiam, illis verbis de præsenti formam sacramenti constitui apud Pontificios, asserit. Tandem res clarissima est ex c. i. X. de Sponsa duorum, vbi de sponsalibus tantum & nondum de matrimonio agitur, & tamen cur illa non sint rescindenda, additur ratio: *non enim rescindi tantum debet Sacramentum.* Quorsum & facit c. vlt. X. de Transact. vbi agitur de sponsalibus de præsenti, an per transactionem dissolui possint, nam de matrimonio consummato nullum dubium esse poterat, & talia sponsalia vocantur *coniugii sacramentum.* Ut adeo satis constet apud Pontificios iam sponsalibus iniri sacramentum.

§. IX. Ex his autem iam per se patet, hanc distinctionem perperam a nostris retineri, cum tamen non alio fundamento nitatur, quam illo, quod sponsalibus de præsenti contrahatur, & initietur sacramentum. Quod primum contra illos notandum, qui adhuc apud nos etiam diuersitatem horum sponsaliorum in diuersitate verborum quærunt, an illa a verbis præsentis, an verbis futuri temporis, concepta; quæ sententia nō modo moribus nostris plane inconueniens est, sed & si quandoque statim in præsenti matrimonium contraheretur, hoc tamen non essent sponsalia, sed matrimonium ipsum

Perperam ergo
retinetur hæc
distinctio.

Sed horum quidem sunt paucissimi. Alii, & quidem plerique explicationem illam Iur. Can. a diuersitate temporis desumptam reiiciunt, sed retinent tamen ipsam distinctionem atq; vario modo eandem explicant, uno sic, alio aliter sentiente, vid. Gerhard. d. l. §. 130. Chemnit. loc. de coniug. c. i. quas diuersas sententias hic recensere non est operæ pretium, neque ad instituti rationem pertinet. Hoc tantum addimus, frustra laborari de bene explicanda distinctione, quæ non nisi falso & a nobis reiecto fundamento nititur. Dum enim secundum receptam in nostris consistoriis sententiam sponsalia de futuro conditionata, & sponsalia de præsenti pura dicuntur, quid aliud efficitur, quam vt duæ distinctiones diuersæ confundantur? Et cur non omittimus potius distinctionem sponsaliorum de præsenti & de futuro, & retinemus hanc in pura & conditionata, si ea pro synonymis habemus? Entia certe non sunt multiplicanda præter necessitatem. Deinde, licet rem commodiis explicare studeamus, sponsalia de futuro dicendo pactiones de futuris sponsalibus, de præsenti autem, vbi præsens consensus sponsalitus; vti omnino rectius alii rem definiunt, vid. Dn. Stryk d. Tr. de diffens. sponsal. sect. i. §. 25. Interim tamen non appareat, quid lucremur illa distinctione etiamsi eam retineamus, nisi vt variis litibus & trouersis occasionem suppeditemus; rem enim omnem ex natura pacti & contractus explicare possumus, etiamsi distinctionem inter sponsalia de futuro & de præsenti ignoremus.

§. X. Verum non tantum circa verba distinctionis sumus solliciti, patimur enim libenter verbis suis delectari Doctores, sed circa effectum quædam maioris momenti dicenda. Papizat autem egregie Carpzouius cum

Falsum est,
sponsalia de
præsenti esse
ipsum matri-
monium.

cum iis, quos sequitur, & qui ipsum sequuntur, quando *Iurispr. Consist. l. 2. d. 17.* defendit, per publica sponsalia de præsentii ipsum contrahi matrimonium, uti rubrica definitionis habet. Vbi in ipsa definitione n. 6. stylo admodum papali dicit: *Eiusmodi sponsalia pro nuptiis & matrimonio iniciato* (cur non etiam addidit sacramento iniciato?) licet nondum benedictione ecclesiastica firmato & consummato habentur. Vnde etiam æque indissolubilia dicit sponsalia vt matrimonium, addita semper ratione, quia sponsalia sunt matrimonium inchoatum. *l. 2. d. 65. n. 9. seqq.* *Gmina* habet *d. l. 2. d. 83. n. 6. d. 100. n. 9.* & in *Respons. Elect. 108. l. 5.* vbi an ouum ouo similius sit, quam hæc doctrina doctrinæ Pontificiorum prudentioribus iudicandum relinquo. Nihil sane deficit, quam vt modo expresse dicitur inchoari sacramentum sponsalibus de præsenti. vid. Dn. Stryk, *d. tract. §. 16.* vbi pariter falsum Pontificorum fundamentum hic subesse asserit.

§. XI. Sed videamus rationes Carpzouii, ex quibus sententiam suam stabilire intendit, ne præter necessitatem ad rationem Sacramenti configuisse videamur. Rationes autem has affert *d. l. 2. d. 17. n. 7. seqq.* (1) Quia consensus non concubitus facit nuptias, inde fieri non posse, vt non contrahantur nuptiæ per sola sponsalia, ipsumque inchoetur matrimonium. Inde (2) sponsam etiam vxorem, & sponsum maritum dici, non tantum in legibus humanis, sed & in Iure Diuino. *Gen. XIX. 14.* *Deut. XXXII. 24.* *Matth. I. 20.* (3) Partes contrahentes videri magis matrimonium quam sponsalia contrahere voluisse; & (4) interpretationem hic etiam contra eum faciendam esse, qui legem cōtractus dicere potuit aperi-
tius.

Et æque indis-
solubilia vt
matrimoni-
um.

Rationes illius
sententiae IV.
exhibit Carp-
zouius.

Respondetur
ad primam ra-
tionem.

§. XII. Sed his tamen non obstantibus adhuc pu-
to, falsam esse doctrinam, quod sponsalia sint matrimo-
nium, & ex solo isto falso principio ortam. Nam quæ
aliæ prætenduntur rationes, omnino nullius momenti
sunt. Concedo enim (1) consensum, non concubitum
facere nuptias: sed hoc non obstante, adhuc aliud est
sponsalia inire, aliud matrimonium contrahere. Scili-
cet distinguendus est consensus sponsalitus a consensu
matrimoniali, vti ipsa natura negotii hæc duo distin-
guenda esse iubet. Consensus ergo matrimonialis fa-
cit nuptias, sed non consensus sponsalitus; hic vero so-
lus adest in sponsalibus, non ille. Qui sponsalia con-
trahunt, nunquam eam intentionem habent in præsenti
matrimonium contrahere, quamvis certo sibi promit-
tant, se contracturos matrimonium. Consensus enim
matrimonialis demum accedit in actu desponsationis
sacerdotalis, & consummatur per coniunctionem cor-
porum. Vnde hoc sensu hodie omnia sponsalia esse de
futuro, hoc est, futurum matrimonium respicientia, sa-
tis iam ab aliis probatum est. vid. Dn. Stryk. d. tract. sect.

4. §. 7. Immo cum Carpzouius & alii communiter spon-
salia de præsenti & sponsalia pura hodie pro iisdem ha-
beant, quæso annon sponsalia pura respiciunt futuras
nuptias? Vtique. Differunt ergo sponsalia & nuptiæ
vt antecedens & consequens, atque adeo non sunt idem:
vti hora prima non est eadem ac hora secunda; ius ad
rem non idem quam ius in re&c. Porro quando (2) spon-
sa vxor & sponsus maritus dicitur, hoc ostendit quidem
convenientiam quandam in aliquo tertio, sed non iden-
titatem rei. Quæ autem in uno conueniunt, non statim
pro iisdem habenda. quid quod in pluribus discrepent,
quam conueniant Dn. Stryk. d. I. §. 8. 9. Nec obstant loca

Ad secundam.

scri-

scripturæ adducta, nam quid locus *Gen. XIX. 14.* contra nos probare debeat, non appareat. Sponsum generum ibi vocatum esse video, vti & hodie interdum communī loquendi modo ita vocatur, inde tamen non sequitur, ergo iam adest matrimonium, vbi quis gener vocatur. Iure ciuili manifestum est, sponsalia distingui a nuptiis, cum illa dicantur mentio & repromissio futurarum nuptiarum *1. i. ff. de sponsal.* Et tamen generi & nurus appellatione sponsus quoque & sponsa continetur, item saceri & sacerdos appellatione sponsorum parentes contineri videntur, vt loquitur Vlpianus in *L. 6. §. 1. ff. de grad. & affin. add. L. 8. ff. eod.* Vnde manifestum est, communem appellatiōnem non statim inuoluere identitatem rei. Sic & locus *Deuter. XXII. 24.* nihil contra nos facit. primo enim dubium est, an ibi de femina tantum desponsata, annon de casu matrimonii iam contracti, cui tamen copula carnalis nondum accessit, agatur. Deinde alia ratio est, cur sponsa cum alio concubens æque ac adulteri puniatur, quia in hoc tertio sponsa cum vxore conuenit, quod neutra habeat ius cum alio licite concubandi. Ad exemplum Iosephi & Mariæ, ex *Mattb. I. 20.* desumptum respondeo, inter hos iam verum matrimonium fuisse, non nuda sponsalia; neque enim quod postea demum matrimonium contraxerint, dicitur: nemo tamen postea dubitauit, eos fuisse coniuges. Quod vero ad tertiam rationem Carpzouii attinet, respondetur, non potest videri, quod aliter factum esse appareat; præsumtio cedit veritati. Dum partes sponsalia inire voluerunt, satis constat, non voluisse tum temporis contrahere matrimonium. Neque hic agitur de casu, quo dubium, an sponsalia, an matrimonium contractum sit, sed de casu, quo certum est, tantum contracta esse sponsalia,

Ad quartam. an hæc pro ipso matrimonio habenda sint. Hinc & quarta ratio corruit, quia & illa præsupponit casum, vbi ob dubia verba desponsationis non potest constare, an sponsalia, an nuptias contraxerint partcs, de quo casu non agimus.

Carpzouius si-
bi ipsi contra-
rius est.

§. XIII. Sed quid multis? Carpzouius sibi ipsi est contrarius, nam l. 2. d. 66. n. 17. 18. nostram sententiam manifesto defendit. eius verba hæc sunt: *Certissimum hinc est, sponsalia & nuptias non coincidere, sed verum NB. & perpetuum inter ea esse discriminem, quale est inter promissionem & promissi exhibitionem, inter spem & rem, inter candidatum iuris & Doctorem, inter cingendum & cinctum, inter electionem Regis & coronationem, inter presentationem ad officium & confirmationem. Quibus ita stantibus non facile quisquam negauerit, matrimonio potius quam sponsalibus faueri, sponsalia facilius quam matrimonium dissolui, coniugium perfectum iniciato, rem ipsam spei facte preponderare &c.* Ita etiam d. l. 2. def. 130. n. 7. seqq. plures suppeditat inter sponsalia & matrimonium differentias (1) ratione nominis (2) ratione definitionis, (3) ratione formæ, (4) ratione materiæ (5) ratione finis, (6) ratione effectus, (7) ratione adiuncti. Nunc quæso, an illa, quæ tot modis a se inuicem differunt, idem esse dici possint? Imo ead. def. n. 5. & 6. rationem, quam ipse antea pro contraria sententia attulit, quod scilicet sponsa iure diuino vocetur vxor, iterum reiicit, & dicit denominationem in textibus sacris ab euentu futuro peti, sponsam a Mose vocari vxorem, non quæ tunc erat, sed quæ futura erat vxor. Sed hæc B.L. non miretur, quia non infrequens est, Carpzouium in suis scriptis sibi ipsi contradicere. Nobis sufficit, ipsum proprio, vt dicitur, gladio iugulasse.

lur. Can. spon-
salia de præsen-

§. XIV. De concursu sponsaliorum de futuro & de

de præsenti quædam etiam dicenda, vbi I. Canon. generalis regula obtinet, quod sponsalia de præsenti præferranda sint sponsalibus de futuro, etiamsi hæc priora fuerint, idque non tantum in simplici desponsatione obtinet, sed & si iurata fuerit. Per textum *in cap. 22. § 31. X. de spons. & cap. 1. X. de spons. duor.*

ti præferuntur
prioribus de
futuro.

Etiamsi priora
fuerint iurata,

Quod si rationem desideres, quare hoc ita statutum sit, nullam solidam inuenies. Constant enim sponsalia de futuro certo consensu & pacto, vti *d. c. 22.* agitur de casu, quo quis patri puerlæ, quod eam ducturus sit in matrimonium, iurato promisit, & tamen ibi posteriora præferuntur ex falsa ratione, quia per verba præsentis temporis concepta sunt. Non ergo alia ratio dari potest, quam quia posteriora sponsalia de præsenti sunt ipsum matrimonium, ac ita sacramentum initiatum, quod ob solam promissionem antecedentem irritum reddi nequit. Vti & Barbosa ad *c. 22. n. 1.* eam rationem reddit, quia sponsalia de præsenti contracta sunt matrimonium. Add. Gonzalez Tellez *add. d. c. n. 3.* Canisius *ad id cap.*

idque ex rati-
one sacramen-
ti.

§. XV. Nihilominus nostri defendunt eandem sententiam, vti videre est apud Carpzouium *l. 2. def. 18. n. 2.* vbi expresse satis asserit, sponsalia de futuro per sponsalia subsequentia de præsenti dissolui, prouocans simul ad *cit. c. 22. X. de sponsal.* propterea recte refutatus ab Ill. Dn. Stryk. *d. Tract. sect. 1. §. 33.* Evidenter videtur Carpzouius excusari posse ideo, quod per sponsalia de futuro intelligat nudos tractatus matrimonii, ex quibus nulla adhuc nata est obligatio, qualis casus etiam supponitur in præiudiciis ab eo allegatis. Verum sic non debuisse ad *add. c. 22. § c. 2. X. de sponsal.* prouocare, vbi non agitur de nudis tractatibus, sed de casu, quo omnino aliqua præcessit obligatio. Sponsalia enim de futuro quounque modo explicitur, ita tamen explicari debent, vt aliqua

Idem defen-
dunt nostra-
tes sed male,

aliqua saltem adsit obligatio, alias nihil plane actum & sic tale negotium ne quidem nomine sponsarium de futuro venire potest Dn. Stryk d. sect. 1. §. 26. Meris ergo tractibus precedentibus non potest dici, posteriora sponsalia prioribus preferri, uti dixit Carpzouius, quia nulla adsunt sponsalia priora. Ponamus ergo, adfuisse prima sponsalia, quibus aliqua obligatio contracta, et iam si pro presentibus haberi non possint, v. g. si quis non quidem sponsalia cum Titia contraxerit, promiserit tamen, quod si matrimonium initurus sit, nullam aliam praeter eam ducere velit; quale exemplum sponsaliorum de futuro suppeditat laudatus Dn. Stryk d. l. §. 27. Hoc certe casu, etiamsi quis postea cum alia contrahat sponsalia pura & de praesenti, non tamen possunt haec posteriora ratione solida preferri, cum facultatem se despondendi alteri non habuerint; nisi ad rationem sacramenti iniciati configere velimus, quod tamen saluis principiis nostris facere non possumus.

Iur. Can. sponsalia pura posteriora prae-
runtur condi-
tionatis prio-
ribus.

§. XVI. Pergimus ad aliam diuisionem sponsaliorum, quatenus sponsalia sunt vel pura vel conditionata: quamuis haec distinctio sponsaliorum cum priori, qua velsunt de praesenti vel de futuro, in consistoriis confundi soleat. Quæritur itaque, si quis prius cum una contraxerit sponsalia conditionata, deinde cum alia pendente conditione sponsalia pura, quænam preferenda sint? Et posteriora quidem preferenda prioribus patet ex cap. 1. §. fin. de sponsal. in 6. &c. l. X. de spons. duror. Qui ultimus textus non quidem æque clarus est, vt prior, a canonistis tam en etiam pro decisione allegatur, qui per fidem pactionis, quæ ibi sub conditione fieri dicitur, intelligunt sponsalia de futuro & conditionata, per fidem consensus autem sponsalia de praesenti: res ipsa inter Canonis-

nonistas expedita est. Videamus autem de ratione Iur. Can. hæc vero non alia est, quam quia per sponsalia pura & de præsenti ipsum contrahitur matrimonium & ita Sacramentum. Inde in *d. c. l. X. de spons. duor. ratio,* quare ob fidem pactionis priori datam & violatam, pœnitentiam agere, cum ultima tamen, quam duxit (hoc est, cum qua matrimonium per sponsalia pura & de præsenti contraxit) manere debeat, hæc additur: *Non enim rescindi tantum debet Sacramentum.* Ut adeo hæc decisio ex solo Pontif. principio, quod matrimonium sit sacramentum, illud vero etiam sponsalibus contrahatur, fluat.

*Ex ratione sa-
cramenti,*

§. XVII. Quid autem hic nostri faciunt? Sequuntur more solito Canonistas cœco impetu. vid. Carpzou. *Iurisp. consit. l. 2. d. 70.* & alii ab eo citati, vbi & præiudicis subiectis ostendit erroneam illam sententiam in Confistoriis receptam esse. Sed dixeris forte, Carpzouium & reliquos Dd. alias rationes habere, vt adeo hæc sententia ex sola ratione sacramenti deduci non debeat. Ast videamus. Dicit (1) sponsalia pura esse hoc casu priora, quia contracta ante conditionis eventum, & sic cum illa contraherentur, nulla sponsalia adhuc aderant, hinc pura licet tempore videantur posteriora, tamen hac ratione priora esse, & sic vi prioritatis præferri. Neque (2) obstare, quod conditio existens soleat retrahi ad tempus conuentionis, nam dum, cum existit conditio, alia iam adsunt sponsalia valida, scilicet pura, hæc obice ponere, ne retrahi conditio possit. Speciosum, fateor, argumentum est, si modo verum esset; sed fallit & fallitur Carpzouius. Nam homini sano nunquam persuadet, sponsalia conditionata non esse sponsalia. Hoc enim non magis verum est, quam si dicerem, paëtum

*Hinc male a
nostratis
eadem defen-
ditur senten-
tia.*

*Rationes illius
sententiaz.*

sub conditione initum non esse pactum. Sunt utique sponsalia & obligant etiam, non quidem ad consummandum matrimonium, sed ad expectandum conditionis eventum. Dabimus instantiam: Vendidit quis equum, sed cum certa conditione, poteritne hic venditor eundem equum durante conditione alteri vendere, sub praetextu quod nullo priori contractu impediatur? Minime vero; quia praecessit contractus, a quo venditori ante conditionis eventum recedere non licuit. Falsum ergo est, in hoc nostro casu sponsalia pura esse priora, quia prius contracta sunt sponsalia conditionata. Hinc & altera ratio corravit. Nam figura est, sponsalibus puris posterioribus obicem poni prioribus: an enim unus contrahentium proprio suo facto obicem ponere potest priori obligationi iam contractae, quomodo haec cum primis iuris principiis conciliabantur? Quocunque ergo te vertas, non effugies tela, nisi dixeris cum Pontif. posteriora sponsalia pura esse matrimonium & sacramentum, & ita amplius rescindi non debere.

Contradiccio
Carpzouii no-
tatur:

§. XVII. Sed Carpzouius hic iterum strenue sibi contradicit, nam eodem lib. 2. defin. 21. agit de quaestione, an a sponsalibus sub conditione contractis pendente conditione resilire & cum alia persona pure sponsalia inire liceat, & postquam sententiam affirmatiuam adduxit, subiicit: sed NB. impia & periculosa est haec assertio; dicendum potius a contrahentibus expectari debere conditionis eventum, priusquam ad alia conuolent sponsalia. Idque probat (1) a natura obligationis conditionalis, (2) a grauitate matrimonii, & (3) ab absurdo, quod inde sequeretur. Queso, quomodo haec cohærent? Evidem putat Carpzouius d. def. 70. n. 2. hoc tantum obtinere, si quis post priora conditionata, cum nulla adhuc alia contraxerit pura

pura sponsalia, hoc enim si iam factum sit, ultima esse præferenda. Verum iudicet cordatus lector, an non hoc sit ludere cum sponsalibus, & vna manu negare, altera vero concedere. Nescio, an eiusmodi variationes viro graui & constanti conueniant. Plura non addimus, nam quilibet absurditatem agnoscit, conf. interim pro nostra sententia Brückner *decis. matrim. c. 4. n. 16. seqq.* Henric. Brouwer. *de iur. connub. l. 1. c. 22. n. 3. 4.*

§. XIX. Porro sponsalia dicuntur vel *publica*, quæ publice cum consensu parentum & in præsentia testium celebrata, vel *clandestina*, vbi ista deficiunt. Ita nos illa describimus, quod si tamen accuratius consideremus, quæ sponsalia publica dixerint Pontificii, animaduertere licebit, eos non solum testium, sed & parochi præsentiam & præcedentem denunciationem ecclesiæ factam requisiisse. Vti videre est ex iis, quæ tradit Thom. Sanchez. *de sanct. matrim. Sacram. lib. 3. disp. 1. n. 6. seqq. disp. 2. & 17.* Vbi non nisi in casibus necessitatis parochum abesse posse dicit *Disp. 18. & plur. seqq.* si autem porro inquirimus, quare pontificio iure parochus adesse debeat sponsalibus publicis, facile patet, hanc esse rationem, quia per sponsalia publica de præsenti contrahitur matrimonium, & ita sacramentum. Docet id Sanchez *dict. l. 3. disp. 3. n. 9.* vbi primam eius causam hanc esse dicit: *quia religio sacramenti postulat, ut magna reuerentia & deliberatione assistente ministro ecclesiæ recipiatur.* Notum enim est, nullum sacramentum ex mente pontificiorum nisi a sacerdote celebrari posse. Ex quo ipso simul sua sponte consequitur, eandem esse rationem I. Can. quare clandestina sponsalia inualida pronunciauerit. Scilicet, quia non adfuit parochus cum testibus, & ita non sunt sacramentum.

Ad sponsalia
publica paro-
chi præsentiam
requirunt Pon-
tificii.

Propter ratio-
nem sacra-
menti.

Hinc clande-
stina sponsalia
erant inualida.

Fluit inde,
quod apud nos
etiam paro-
chus in spōn.
fal. adhiberi
soleat.

Et sponsalia
clandestina in-
distincte pro
inualidis habe-
antur.

§. XX. Ex eodem principio descendere putamus,
quod hodie in sponsalibus publicis communiter adhibe-
re soleant ministrum Ecclesiæ. Sed quia hoc de neces-
sitate non requirunt, ideo non diutius insisto, id tantum
addens, quod multum superstitionis subsit. Hoc vero
annotandum hoc loco est, ex eodem fonte descendere,
quod Doctores nostri, tam Theologi quam ICti, adeo ge-
neraliter & indistincte sponsalia clandestina pro nullis &
inualidis habeant. Erunt vtique inualida sponsalia clan-
destina, si lege publica prohibita & irrita reddita, aut si-
ne parentum consensu contracta fuerint. Quod si au-
tem quæramus de ratione, cur hoc legibus nostris re-
ceptum, deficit illa, nisi ad rationem sacramenti confu-
gere velimus. Constat enim iure naturæ & diuino,
sponsalia clandestina a liberis hominibus in potestate
parentum non constitutis contracta, æque obligare
quam alia, cum modus declarandi consensum sponsali-
tum, illo iure determinatus non sit, vti solidissime Illu-
striss. Dn. Stryk. d. tract. de diff. sponsal. sect. 1. §. 36. osten-
dit. Quod autem ex nulla, nec naturalis nec diuini iu-
ris ratione comprobari potest, & ex iure Canonico rece-
ptum, illud non potest non ex solo iuris Canonici fal-
so principio deriuari. Hinc etiam si casum suppona-
mus, vbi talis prohibitio legum non adest & contrahen-
tes sui iuris sunt, ex iusta tamen causa sponsalia sine te-
stibus contraxerunt, quibus alias nullum ineſt vitium,
tum nihilominus illa inualida dicunt Doctores, sed vt
diximus sine vlla solida ratione. Cum enim omnes
contractus consensuales solo consensu perficiantur, &
testes ad validitatem actus non sint necessarii, non video,
quare præcise hoc negotium, in quo pariter omnis ob-
ligatio ex consensu nascitur, ideo nullum esse debeat,

quod

quod testes non fuerint adhibiti. Nisi hic occultam rationem sacramenti supponere velimus.

§. XXI. Evidem Carpzouius *l.2. def. 32. rationes reddit* (1) *a dignitate coniugii tanquam sancta Dei ordinatione*, (2) *publica honestate, quae non admittat in angulo de coniugio tractari* (3) *ab incommodis, quae inde oriuntur*. Verum non putamus, exinde satis contra nos concludi posse. Nihil enim decedit dignitati negotii, etiamsi id non in conspectu aliorum fiat, modo alias inter contrahentes omnia honeste agantur. Nec argumentum concludit, matrimonium est ordinatio diuina, ergo coram testibus expediendum. Sanctissima negotia sine testibus expediri possunt, cur non & hoc? Quid magis ordinatio diuina dici potest, quam orare, an autem hic testes semper requiruntur? Deinde sufficit postea coram testibus publice ipsum contrahi matrimonium, etiamsi sponsalia sine testibus fuerint contracta. Ratio erga illa Carpzouii si admitti debet, non valebit in sponsalibus, sed in matrimonio. Altera Carpzouii ratio pariter in genere non concludit. Non enim omne illud, quod non publice fit, statim publicae honestati est contrarium. Ad tertiam quoque respondetur, eam quidem id efficere posse, ut princeps iuste sponsalia clandestina prohibeat, sed si hoc factum non sit, negotium non statim est nullum, etiamsi quandoque incommoda quædam & lites inde nascantur. Nullum est negotium humanum, ex quo non interdum nascantur lites & alia incommoda, quis tamen omnia illa propterea inualida diceret? Tollantur incommoda & lites tum quando se exserunt, vbi autem nihil earum adparet, negotium ipsum non statim est nullum. Imo ex illa sententia hoc nascitur incommodum, quod ita permittatur saepe contrahentibus fidem datam fallere, contra princi-

Ratio pro nullitate sponsal. clandestinorū.

pia diuini & humani iuris. Inde Zieglerus in notis ad Lancell lib. 2. Tit. 14. ad rubricam de clandestina desponsatione recte sequentia annotauit : Dubitare licet, utrum rubrica hec nigro respondeat. Agitur enim de matrimonio & nuptiis, non de sponsalibus clandestinis, neque prohibitio clandestini matrimonii extendi debet ad clandestina sponsalia, præsertim cum causam prohibitioni dederit adulteriorum frequentia, quæ in sponsalibus non ita occurrebat.

Clandestina spansalia non conualescunt in Saxonia ex contrahenti- um confessio- ne.

Quod videtur esse consec- rium Sacra- menti.

§. XXII. Neque hic prætereundum est, quod in Saxonia specialiter constitutum sit, clandestina scilicet sponsalia nequidem conualescere ex confessione contrahentium subsecuta, requiritur enim expressa sponsaliorum reiteratio & repetitio promissionis reciprocæ coram testibus facta. Ordinat Eccles. Tit. von Ehegelobnis §. Wenn aber & ordin. matrim. de anno 1624. punct. 1. §.

Wo auch 2. Persohnen. Quæ constitutio pariter videtur consecrarium esse doctrinæ, quod matrimonium sit sacramentum. Ex mente pontificiorum enim ratio manifesta est, quia scilicet non nisi publicis sponsalibus de præsenti initiatur sacramentum. Cum enim sponsalibus clandestinis sacramentum constitui non posit, nec sola confessio partium subsequens & ratihabitio, etiam si coram pluribus facta, potest effectum supplere, nisi de novo publica contrahantur sponsalia atque hac ratione sacramentum demum efficiatur. Cum ad sacramentum matrimonii pontificiis non solus consensus qualitercunque declaratus sufficiat, sed hoc solenniter secundum præscriptum ab ecclesia ordinem fieri debeat.

Nec alia ratio solidi dari pot- est.

§. XXIII. Quod si illam rationem seponas, neque in ficta spiritualitate sponsaliorum publicorum aliquid mysterii quæras, nullum aliud eius rei solidum fundamentum inueniri potest. Nam omni sanæ rationi

con-

contraria est illa constitutio. Primo enim fundamenti causa supponimus obligationem sponsaliorum propriæ ex ipso consensu nasci; quod nemo sane negabit, aut ostendendum est aliud principium obligationis in sponsalibus, quod nunquam fieri poterit, nisi ad sacramentum quis confugere velit. Si dixeris, non omnis consensus producit obligationem, sed ille, qui coram testibus declaratus est; respondeo, hoc fundamentum falsum esse, si seponamus leges humanas, specialiter id exigentes, de quo casu non egimus. Et sit etiam, talem consensum exigi, de quo & aliis constet, & qui coram testibus sit declaratus: Quæritur autem, an non satis publicus sit consensus, qui etiam post actum celebratum coram aliis publice declaratur? Nemo id facile negabit, quia non amplius pro clandestino habetur, quod factum esse contrahentes postea coram pluribus contentur. Casus hic esto: Titius & Meuia vterque sui iuris contrahunt sponsalia sine testibus, postea autem cum non amplius necessum existimat celare negotium, non modo vt personæ desponsatæ etiam in aliorum conuersatione viuunt, sed gratulationes quoque recipiunt & fatentur, se sponsalia intuitim contraxisse. Quis quæso dixerit, quod consensum suum non satis publice declarauerint. Postea pœnitentia ducitur Meuia & cupit resilire a sponsalibus, sub prætextu, quod non publice fuerint solenniter iterata. Poterunt vtique secundum constitutionem illam Saxoniam. Sed quæritur de ratione solida quam hic inuenire nos non posse lubentes fatemur.

§. XXIV. Evidem Carpzouius *Jurispr. Consist.*
lib. 2. def. 35. n. 5. & l. 5. resp. 109. n. 17. putat sanctionem illam
 ratione non destitui; ast videamus, quæ sit illa ratio.

Casus forma-
tur.

Respondeatur
rationibus
Carpzouii,

Præ-

*Pro forma, inquit, essentiali Sponsaliorum publicorum requiri-
tur, ut contrabantur in presentia testium: ergo ad ipsum pro-
missionis actum testes adhiberi necessum est, quia forma prae-
cise seruanda. Ad hæc plura regeri possent, sed paucis
omnia complectemur. Scilicet non est quæstio de Iu-
re Saxonico, an hoc præcise duos testes ad ipsum a-
ctum sponsaliorum publicorum exigat, sed quæstio est,
quo fundamento hoc exigat. Carpzouius ergo dum
probare vult, constit. Elect. non destitui ratione solida,
non potest ex ipso Iure Saxonico desumere probatio-
nem, alias idem per idem probat. Afferre itaque ra-
tionem ex principiis vniuersalibus debuisset & demon-
strare, an aliud in sponsalibus adsit vinculum obligatio-
nis quam ex consensu; & cur non eundem effectum
habeat, an quis consensum suum coram testibus in actu
præsentibus, an vero eundem coram aliis, qui non præ-
sentes fuerunt, per confessionem subsequentem, decla-
rauerit. Carpzouii argumentum hoc est: Ius Saxon-
icum non sine ratione exigit, vt repetantur solenniter
sponsalia, quia hoc exigit, vt non valeant aliter. Quam*

Sponsal. clan. vero misera hæc sit probatio, quilibet videt.

*dest. conualici-
dari concubi-
tu, communis
sententia est,*

*§. XXV. Ut itaque clandestina sponsalia pro-
nullis & inualidis habeant Doctores, attamen si concu-
bitus seu copula carnalis accesserit, eam conualidari sta-
tuunt. Vbi primo notanda est mira Iur. Saxon. Philoso-
phia, qua nolunt iusta ratihabitione & confessione con-
trahentium conualidari clandestina sponsalia, sed tamen
conualidari concubitu; verum huic non immorabitur,
quia hæc sententia, concubitu scilicet conualidari spon-
salia clandestina, non tantum Saxonum, sed communis
fere omnium Doctorum est. Gerhard. loc. de coniug. §.
146. Cypræus de Sponsal. c. 10. §. 10. Carpzou. Iurispr. Confist.*

lib. 2.

IN CAVSIS SPONSALIORVM.

57

lib. 2. d. 36. Beust. de *Sponsal.* c. 14. aliique. Desumta autem hæc sententia est ex Iure Canonico, vbi satis expresse, spōsalia clandestina carnali copula conualidari, afferitur. *Sed ex ratione sacramenti.*
 c. 30. X. de *Sponsal.* cap. unic. §. 1. & 2. de *Desponsat.* impub. in 6. Quod si rationem quæramus, vix alia inueniri potest, quam quod ita iam contractum sit Sacramentum. Quid vero dixeris, an Sacramentum copula carnali initur? ita vero est, hanc enim impiam sententiam fouisse Pontificios, satis patet ex constit. Leonis Papæ in *Can.* 17. cauf. 27. qu. 2. vbi dicitur ita a principio institutam esse societatem nuptiarum, *vt NB. præter commiſſionem ſexuum, non habeant in ſe nuptiæ, coniunctionis Christi & Ecclesiæ ſacramentum.* Add. Constitutio Innocentii III. quæ reperitur in *cap. 5. X. de Bigamis non ordinandis.* Vbi idem pluribus confirmatur. Cum itaque principaliter in carnali commixtione consistere Sacramentum, accedente scilicet consensu matrimoniali, statuerint, hinc orta decisio, quod si sponsalia clam contracta, etiamsi alias valida non sint, tamen concubitu conualidentur. Vnde etiam illud matrimonium dicebatur *præsumptum;* scilicet præsumebar intercessisse matrimonium, saltem ne rescindatur Sacramentum copula carnali contractum. Et hoc matrimonium *præsumptum* erat eius efficaciæ, *vt nec aliud matrimonium postea in facie ecclesiæ contractum subsistere potuerit, sed hoc ultimum fuerit rescindendum d. c. 30. X. de Sponsal.*

§. XXVI. Ex tam egregio fonte, scilicet! nata est illa sententia, quam Dd. nostri hodie etiam uno quasi ore tinentur, conualidari sponsalia clandestina per copulam carnalem. Sed videamus, an forte meliores rationes habeant Dd. Harum autem quinque numero antesignanus communis Dd. scholæ Carpzouius *Iur. pr.* *Rationes communis sententia examinantur.*

H

Consist.

Consist. I. 2. d. 36. adducit, quas hic statim subiecta censura sistemus. Est autem eius ratio I. hæc: quia ipsum matrimonium per copulam carnalem subsecutam contractum censemur. Sed respondetur, hæc dici, non autem probari. Hoc enim probandum est, quare per concubitum contrahatur matrimonium, & non per consensum etiam clandestinum? An ergo concubitus, an consensus facit matrimonium; Si illud, etiam cum meretrice contrahitur matrimonium; si hoc, non dici potest, sponsalia clandestina esse nulla, & tantum conualidari concubitu. Nam in eo consistit cardo negotii, vnde concubitus illam validitatem habeat? Pergit quidem Carpzouius: *præsumuntur carnali coniunctione se commiscentes, cum sponsalia præcesserint, nuptias contrahere potius; nota præsumtum illud matrimonium, quod fingunt Pontificii, ut stabiliant sacramentum in hoc negotio.* Verum illa præsumtio necessario debet fundari in consensu, qui ex tali facto præsumitur. Ast iam ante concubitum adfuit consensus expressus, supponitur enim, sponsalia præcessisse; cur ergo expressus, consensus in sponsalibus clandestinis inualidus dicitur, cum postea consensus ex concubitu præsumtus validus dicatur? Maior est vis expressi quam præsumti consensus. Imo non potest præsumi, concubentem nuptias contrahere voluisse, quia contrariam voluntatem hoc ipso declararunt, dum nuptias in futurum tempus adhuc differunt, neque pro coniugibus se iam haberi volunt. Ratio II. Carpzouii hæc est: *Quod nihil æquius sit, quam ut pudicitia erecta virginis restituatur per matrimonium;* cum qua conuenit III. vbi stupratorem ad instar actionis furti teneri ad restituendum ablatum afferit. Sed primo falsum est, pudicitiam furto ablatam, quia consensit

sensit sponsa in concubitum, excepto solo violento. Deinde posito, quod pudicitia ablata sit, quæritur, an possit per matrimonium restitui? est hæc vel qualitas animi vel corporis; si illud, non potuit auferri pudicitia inuita femina, si hoc, falsum est, per matrimonium eam restitui, quia per matrimonium nulla femina virginitatem consequitur. Ratio IV. est, ne ob semel amissam pudicitiam palam quæstum facere incipiat. Verum & hæc nullo fundamento nititur, nam id quidem ostendit æquum esse, vt adigantur partes ad consummandum matrimonium, quod vero ipse concubitus iam faciat matrimonium præsumptum, inde non sequitur, neque vniuersalis est illa ratio, quia alias idem dicendum esset, si quis feminam stuprauerit, licet nulla accesserint sponsalia: ast hoc casu concedunt Dd. concubitum non facere nuptias, nec inde nasci obligationem ad ineundum matrimonium, sed si stuprator ducere stupratam nolit, sufficere, modo eam dotet; iuxta commune dicterium; *aut dotet aut ducat.* Vnde manifestum est, non ipsum concubitum producere posse obligationem, sed consensum antecedentem, quia nisi ille antecesserit, nihil operatur concubitus, propter quod autem vnumquodque tale est, illud magis est tale. Addit tandem rationem V. Carpzouius, quia multa impediunt matrimonium contrahendum, quæ tamen contractum non dissoluunt, sed primo erroneum est, quod per concubitum contrahatur matrimonium. deinde quando hic in rationis rationem inquirimus, cur non possit dissolui matrimonium contractum, nulla alia inuenitur, quam quia matrimonium est sacramentum. Dixeris, hæc ratio dari potest, quia non amplius res integra & omnia in pristinum statum post concubitum restitui nequeūt, respondeo, atqui

si stupraueris feminam sine promissione matrimonii, neque sic res integra est, & nemo tamen dicit, adesse matrimonium, & ad illud contrahendum obligari partes, adeoque vix illa Doctorum sententia ex alio fonte, quam ex ratione sacramenti probari potest. Itaque hoc tantum probare voluimus ex ratione sacramenti reliquum esse, quod sponsalia clandestina debeat valida reddi concubitu. Interim concedimus, tales personas obligari ad consummandum matrimonium, ast non propter vim copulæ carnalis, sed propter vim prioris promissionis in sponsalibus clandestinis factæ, quæ postea ipso actu corporali confirmata. Ut adeo non validetur ita actus inualidus & nullus, sed potius actus per se validus & obligatorius sequenti concubitu plane insolubilis reddatur.

Sponsalia in-
vitis parenti-
bus contracta
rescindenda
ex communi
sententia.

§. XXVII. Sponsalia autem clandestina non illa tantum sunt, quæ sine testibus, sed & quæ sine parentum consensu contracta. Quam ultimam clandestinorum speciem recte pro inualidis haberi lubentes confitemur, quia liberi in potestate parentum constituti ius & facultatem non habent, sponsalia inuitis parentibus contrahendi. Et hactenus consentiunt omnes Carpzou. l. 2. d. 39. Adeo ut & sponsalia eiusmodi dissoluenda esse statuant. Idem def. 40. Bruckner decis. matrim. c. 2. n. 70. seqq. Neque hic refragatur ius Canonicum, ita enim Euarestus Papa in can. l. caus. 30. qu. 5. constituit: *Aliter legitimū non fit matrimonium, nisi ab his, qui super ipsam feminam dominationem habere videntur & a quibus custoditur, uxor petatur & a parentibus & propinquioribus spōsetur: & post pauca: ita peracta legitima scitote esse connubia, aliter vero prae sumta non coniugia, sed adulteria vel contubernia vel stu-*

pra

pra aut fornicationes potius, quam legitima coniugia esse. Add. Can. 3. 4. & 5. ibid. Can. 2. caus. 25. qu. 6. cap. 3. X. qui matrim. accus. possunt. Can. 12. caus. 32. qu. 2. can. 13. 14. & 15. ibid. can. 8. caus. 36. qu. 2. Evidem his contrarium decisum reperitur in Concil. Tridentino Ses. 24. c. 1. vbi & sine parentum consensu matrimonium pro valido declaratur. Sed nostrates tamen vnanimiter decisioni concilii Tridentini contradixerunt, cuius rei notissimæ testimonia adducere non est necessum. Verum si nunc porro quæratur, an etiam rescindenda sint talia sponsalia, si liberi clam desponsati iam concubitum celebraverint, atque ad hanc ultimam amoris lineam peruererint, plerique a priori sententia recedunt, atque hoc casu sponsalia amplius dissolui non posse statuunt, sed consummationem matrimonii per benedictionem sacerdotalem contrahentibus iniungendam esse, Paul. Cypræus de sponsal. c. 10. §. 16. Gerhard. l. de coniug. §. 146. Harprecht. pr. Inst. de nupt. n. 122. seqq. Ioachim a Beust. tract. de matrim. c. 47. Quam autem peruersa & plane impia sit illa sententia, vniusquisque facile intelligere potest, si modo mediocriter sana ratione sit instructus. Est enim utique perquam inconueniens, imo absurdum, prius magno zelo contra pontificios disputare, & defendere, quod consensus parentum non tantum de honestate, sed etiam de necessitate ad nuptias liberorum requiratur, & tamen postea sponsalia dicere valida, etiam si sine parentum consensu contracta, modo concubitus accesserit. An non ita liberis ianua aperitur nequitia sua eludendi consensum parentum? qualis quoque est necessitas, a qua quis proprio facto se liberare potest? hoc certe est vna manu aliquid concedere, & altera iterum auferre. vid. Dn. Stryk de diss. sponsal. sect. 4. c. 1. §. 32.

Copula tamen carnali accende ea non rescindenda esse communite statuunt.

Sed male, id que ex ratione sacramenti.

vbi & recte laudat edictum Elect. Brandenb. *de anno 1694. d. 15. Decemb.* in quo Art. 15. cautum est etiam matrimonium, absque parentum consensu per copulam carnalem & benedictionem sacerdotalem consummatum, penitus annullandum esse. Vnde ergo ortum traxit illa Dd. sententia, quod præcise copulæ carnali tantam vim tribuant conualidandi negotium per se nullum contra rationem? certe ex solo principio papistico fluit, cuius supra §. 25. mentio facta, quod scilicet per ipsam commixtionem carnalem contrahatur Sacramentum.

Rationes pro
communi sen-
tentia addu-
cantur.

§. XXVIII. Interim Carpzouius l. 2. def. 60. more solito communem sententiam pluribus rationibus defendere & stabilire non modo allaborat, sed & æquam illam dicere non veretur. Sunt vero eius rationes sequentes: (1) vt maiora euitentur scandala, ac (2) ne iniuria maior vitiæ desertæque mulieri inferatur, liberi- que pro illegitimis & spuriis proclamentur, hinc (3) obseruandum esse illud Mosaicum *Deut. XXII. v. 19.* habebit eam vxorem. Neque (4) parentes tam præfracte potestate sua abuti debere, vt cum manifesta mulieris vitiæ seu deuirginatæ iniuria, separationem, sibi nil profuturam, quin potius damnosam, causentur: præfertim cum (5) hac occasione grauioribus delictis aperiatur fenestra. Addit (6) esse tralatitium, quod copula carnis purget clandestinitatem, ratumque faciat coniugium licet per se non sit legitimum, vt hinc (7) etiam iniustum matrimonium sit matrimonium. Quin & (8) alias sæpe, quæ fieri non debent, si facta fuerint, haud rescindantur. Vnde & (9) multa dici impedire matrimonium contrahendum, quæ iam contractum non dissoluunt. Quibus rationibus quatuor præiudicia subiungit, quamuis prior sen-

229.

sententia postea iterum speciali Rescripto confirmata esse videatur, cuius verba *ibid n. 20.* adducit...

§. XXIX. Sed accuratius rem perpendenti facile Et refutantur. patebit, nullius plane momenti istas rationes esse. nam ad (1) respondeo, nondum constare qua ratione maiora ita euitentur scandala; si dixisset Carpzouius *inuitantur* scandala per sententiam communem, recte dixisset. Annon enim scandalum est, liberis licentiam concedere exuendi omnem reuerentiam parentibus debitam? & cum necessitatem consensus ex IV. Decal. præcepto deriuent Dd. annon scandalum est ipsa diuina præcepta tam fœde prostituere? annon scandalum, liberos ad fœdam libidinem allicere? quod fit, quando sciunt, quod ita parentes ad consentiendum compellantur: annon scandalum est, grauissimo peccato tribuere efficaciam validandi actum nullum? annon scandalum est, ob malitiam liberorum parentes suo iure priuare? vicissim non est scandalum rescindere negotium illicitum & vitiosū: nec scandalum est impedire matrimonium, quod tam improba habet initia: nec scandalum est, disiungere, quos non Deus sed prava libido immo & ipse Diabolus coniunxit. Nunc eat quis & iudicet, qua sententia maiora euitentur scandala, an communi illa, an nostra. Nec maioris ponderis est ratio (2) adducta, mulieri enim nulla infertur iniuria, quando parentes suo iure vtuntur. Damnum, quod quis sua culpa sentit, non sentire videtur. Habet ergo femina, quod sibi imputet, quod admiserit concubitum, dum vel sciuit masculum parentis potestati subiectum esse, vel tamen scire debuit; nam & hoc pertinet notissima illa Reg. Iuris: qui cum alio contrahit, vel est, vel debet esse non ignarus eius conditionis, cum quo contrahit L. 19. pr. ff. de Reg. Iur. Illa ergo sua culpa vitia-

vitiata est, & proprio vitio, ex quo commodum sentire non debet. Nec obstat parcendum tamen liberis exinde natis, quorum nulla culpa est, qui ita pro spuriis habendi. nam respondetur primo, hanc rationem esse specialem, & tantum ad eum casum pertinere, si liberi ex tali concubitu nati, Dd. autem ob solum concubitum idem statuunt, etiam si liberi nulli nati sint. Deinde solus liberorum fauor non est sufficiens causa ad compellendos parentes, vt ineant matrimonium, alias generaliter statuendum esset, omnem imprægnatam stupratorem compellere posse ad consummandum matrimonium, licet nulla eius promissio præcesserit, ne liberi fiant spurii, quod tamen nemo dissentientium hactenus statuit. Si dixeris: hic vero præcessit promissio matrimonii, & sic quæ non iuuant singula, iuncta iuuant; regero: sed illa præcedens promissio matrimonii est nulla & vitiosa, concubitus etiam est illicitus, duæ autem res reprobatae & impiæ non possunt actum iniustum reddere validum. Quid (3) Carpzouius ex loco *Deuter. XXII, 19.* probare velit, non appareat. dicitur ibi, habeat eam vxorem, sed expresse agitur de tali, cum qua, patre consentiente, matrimonium contractum. Hinc potius Carpzouio locus ille contrariatur. Neque (4) abutuntur parentes potestate, qui potius iure sibi competente contundunt & recte faciunt, si malitiam liberorum omni modo coørceant. Dicis, vitiatae tamen fit iniuria, immo, vt ante demonstrauit, non fit. Instas, hanc separationem patri nihil profuturam, quin potius damnosam esse; ast non video damnum quod inde sentire possit: prodest autem liberos omni modo retrahere a tali matrimonio, quod tam detestanda habet initia, neque Deo auctore contractum, neque benedictionem diuinam

IN CAVSIS SPONSALIORVM.

65

nam expectare potest, sed potius haud raro liberos & temporali & æterna salute priuat. Quomodo autem (5) grauioribus delictis ita aperietur fenestra? dicis: dum femina semel vitiata hac ratione allici potest, ut pluribus copiam corporis sui faciat; respondeo, a posse ad esse non valet consequentia; nemo iure suo legitimo uti prohibetur ideo, quia per consequentiam malum aliquod inde prouenire potest. Potest etiam femina hoc facere durante matrimonio, quod fieri proh dolor! quotidiana experientia docet. Hoc vero adhuc grauius delictum esset. Malum ergo hoc si sequatur, non separationi illiciti huius vinculi, sed vitio personæ adscribendum. Quod (6) copula carnalis purget vitium clandestinitatis, hoc falsum est, ceu antea satis probatum dedimus, nec vlo fundamento solido, sed erroneo Papistico principio illud assertum nititur, quamuis sit tralatitium. Deinde, vtut supra §. XXVI. diximus, obligari tales desponsatos ad consummandum matrimonium, est tamen casus ibi propositus longe diuersus ab hoc quia illa sponsalia clandestina iure naturæ & diuino sunt per se valida, non hæc; inde nec hic eadem decisio locum inuenire potest. Ita & nullius momenti est quod iniustum matrimonium etiam sit matrimonium: est matrimonium, sed iniustum, inualidum & nullum. Nisi forte dixeris: iniustum matrimonium etiam est matrimonium, quia est sacramentum. Hæc est ratio huius asserti, non alia. Nec (8) probari potest, omnia, quæ fieri prohibita, si facta, haud esse rescindenda. Ita enim nec rescindenda essent matrimonia inter liberos & parentes contracta, quod statuere perquam absurdum erit. Si instas, hoc iure diuino expresse prohibitum; respondeo etiam sine parentum consensu nuptias contrahere iure

I

diui-

diuino prohibitum, ipsi dissentientes dicunt, Carpzou. *dict. l. 2. def. 39.* ibique allegati Icti & Theologi. Quam quidem controuersiam, an de iure diuino de necessitate consensus parentum requiratur, nunc non afflumo, sed *κατ' ἀνθεωπόν* dispuo. Quamuis ergo interdum in rebus minimis quod semel factum non semper rescindatur, interim tamen, an idem ad hoc negotium maximi momenti applicari possit & debeat, merito dubitandum, immo negandum. Eodem lubrico fundamento (9) & illud nititur, quod multa impedian matrimonium contrahendum, quæ contractum non dissoluant. Desidero rationem, non dabitur alia solida, nisi hanc falsam latitare dicamus, quod matrimonium sit sanctum. Sed de hoc agemus cap. sequ. Præiudicia a Carpzouio allata nos non stringunt. Siue igitur in Consist. Dresdensi nostra, siue communis sententia recepta & stabilita speciali rescripto sit, nobis non oberit, qui de iustitia disputamus.

Sponsal. clandestinis publica posteriora præferuntur.

Ex ratione sacramenti.

§. XXX. Nec omittenda illa controuersia est, si prius sponsalia clandestina, & postea publica, contracta fuerint, quænam sint præferenda? Communis sententia est, publica licet posteriora, tamen præferenda esse. Ioach. a Beust. *de Spons. cap. 14.* Brochmand. *l. de Coniug. qu. 25.* Carpzou. *l. 2. def. 67.* Quod si autem rem accuratus consideremus, latet quoque hic principium sacramenti. Quod enim clandestina sponsalia pro inualidis absolute habeantur, illud ex falsa ratione sacramenti descendere, iam supra demonstrauimus. Quia natura sponsaliorum ad validitatem nihil aliud exigit, quam consensū, qui etiam in clandestinis sponsalibus, si alias contrahentes sui iuris sint, adest, modus enim non variat rem. Sponsalia autem publica, quia sunt initiatum sacramentum,

tum, vtique ex principiis I. C. an præferenda sunt illis, quibus nullum adhuc initur sacramentum. Cum ergo hæc prærogativa posteriorum publicorum nec ex lute diuino nec ex iure Nat. deriuari possit, non potest non inter reliquias Papismi numerari.

§. XXXI. Videamus ergo, quibus rationibus Car-
pzouius priorem sententiam defendat, quam adeo com-
munem esse dicit, vt vix quispiam dissentiat. Et primo
quidem rationes desumit ex inualiditate Sponsal. clan-
dest. ad quas cum supra iam §. 20. & 21. responsum sit,
nolumus plura hic addere. Deinde prouocat ad ordi-
nat. Saxon. sed nos hic non de eo, quod in hac vel illa
prouincia specialiter constitutum agimus, sed de eo,
quod in genere iustum est, & de fundamento illius sen-
tentiae communis etiam speciali sanctiōne confirmatæ.
potest enim lege prouinciali aliquid esse statutum, quod
tamen fluit ex principio illo a nobis reiecto, quod ma-
trimonium sit sacramentum. Addit porro, sponsalia
prioratum demum posterioribus præferri, quando per
se sunt obligatoria, quod de clandestinis asseri nequeat.
Verum nos supra probauimus, clandestina sponsalia ab
iis, qui sui iuris sunt, contracta, si abstrahamus a princi-
piis iuris canonici & speciali legis interdictione, esse obli-
gatoria, ergo illa tanquam priora sunt præferenda. Tan-
dem prouocat ad cap. 2. X. de clandest. despensat. ad quod
nihil regerimus, dum non negamus iuris canonici prin-
cipiis id conuenire, quia clandestinis sponsalibus non
initiari matrimonium & sacramentum statuunt cano-
nistæ: nos vero vt hoc ex alio solido fundamento de-
monstretur, desiderauimus. Evidem obiiciunt alii,
ideo posteriora publica præferenda esse, ne peruersæ
hominum potestati committatur, cum iniuria sponsæ
publi-

Rationibus
communis
sententiae re-
pondetur.

publica soluere, substituta per fraudem muliere, quæ se prius clam despontatam asserat. Sed recte respondet Brower *Tract. de iure Connub. l. 1. c. 22. num. 2.* nobiscum sentiens, scilicet, rationem ex malitia hominum velex incerto euentu erutam valide non concludere: Immo, pergit, non minor idque sepius, premeret difficultas, si prærogativa publicis concedatur: cum oppido facile sit, cum contemtu prioris sponsæ clam despontatae, alteri publica constituere sponsalia.

Quo casu admitti possit sententia communis.

§. XXXII. Interim non diffitendum est, eo casu sententiam illam comunem tolerari & defendi posse, si princeps sponsalia clandestina in totum improbauerit, & pro nullis declarauerit, tum enim vtique præferenda sunt posteriora publica, verum non ex ea ratione, quia sponsalia priora clandestina in se & sua natura sunt inualida, sed quia legibus prohibita & annullata. Potest enim princeps ex iusta causa etiam negotia ciuium in se valida prohibere & irritare: quæ tamen propterea non statim in genere, etiamsi nulla lex prohibitiua adsit, inualida dicenda sunt. vid. Brow. *cit. n. 2.*

Quid si ad priora clandestina concubitus accesserit,

§. XXXIII. Limitant autem Doctores sententiam suam, nisi ad priora clandestina concubitus accesserit, tum enim illa posterioribus etiam publicis præferenda esse, Carpz. *d. l. d. 69.* Brochmand. *d. qu. 25.* Gerhard. *loc. de coniug. §. 146,* Hahn. *ad tit. de sponsal. n. 3.* aliquæ communiter. Verum quod lubrico admodum fundamento hæc sententia nitatur & pariter ex ratione sacramenti descendat, iam supra §. 25. 26. demonstrauimus, ubi cum rationibus pro hac etiam sententia adduci solitis fuerit satisfactum, non ulterius circa refutandas rationes erimus solliciti. Illud tantum addere placet, non posse non hanc sententiam ex propriis etiam dissentientium principiis incongruam videri. Si enim sponsalia pri-

priora clandestina plane nulla sunt, & inualida, & ita publicis sponsalibus etiam posterioribus postponenda, quomodo nullitas illa & vitium clandestinitatis solo concubitu sanari potest? Hic enim non est actus, qui negotium, legibus, etiam humanis tantum, prohibitum conualidare possit. Cum nemo suo facto efficere possit, ut leges non valeant. Aut ergo concubitus accessit sponsalibus clandestinis, antequam priora publica fuerint contracta, aut postea: priori casu obtinet id, quod diximus, scilicet in priuatorum arbitrio non esse, ut negotio legibus improbato valorem addant; posteriori casu, multo minus quidquam efficere potest concubitus, cum priori sponsa celebratus, quia tum temporis posteriori sponsæ per sponsalia publica iam ius erat quæsitum, quod tam fœdo sponsi facto non potest auferri. Tam male cohærent principia Doctorum. Quod eo magis inde adhuc elucescit, dum Doctores communiter in casu, si bina sponsalia publica contracta, priora præferunt, etiam si ad posteriora accesserit copula carnalis *Carpzou. l. 2. def. 65.* & plures alii ab eo citati, sed quæro, cur hic copula carnalis nihil efficiat? Fatetur Carpzouius, rationem in eo consistere, quia posteriora sponsalia sunt nulla, quia ex consensu non concubitu nascitur obligatio, nec copula carnalis quicquam sanctioris efficaciæ sponsalibus posteriorib[us] addere aut nouum vinculum nectere potest. Subsumo itaque: atqui sponsalia clandestina, ex mente Doctorum, sunt nulla, quomodo ergo ibi concubitus potest producere obligacionem, aut nouum vinculum nectere? Videant Doctores, quomodo hæc concilient.

Male cohærent principia Doctorum.

§. XXXIV. Ita ergo voluimus tantum lubrica sententia ne fundamenta Doctorum, eorumque male cohærentia stra.

principia demonstare. Quod vero nostram sententiam attinet, manifestum est, quod cum priora clandestina posterioribus in genere præferamus, §. 30. seqq. idem obtinere debeat, licet concubitus accesserit; sed ex plane diuersis rationibus. vide supra §. 26. *in fin.* Quod si vero supponamus casum, quo sponsalia clandestina legibus humanis irrita reddita, tum præualebunt posteriora, etiamsi ad priora concubitus accesserit, ex rationibus præc. §. adductis.

Doctores
sponsalia dif-
ficer dissol-
vunt, & poti-
us desponsatos
compellunt ad
consumman-
dum matri-
monium.
Ex oœulta Sa-
cramenti ra-
tione,

§. XXXV. Nunc ad dissolutionem sponsaliorum progredimur, vbi constat, quam difficuler Dd. & fere non nisi in casu summæ necessitatis dissolutionem con- cedant, adeo ut potius compellant desponsatos ad consummandum matrimonium, idque vel mulcta pecunia- ria, vel incarceratione, aliisque modis. vid. Carpz. l. 2. d. 133. seqq. Quod si in rationem inquirimus, quare tam faciles sint in compellendis desponsatis, tam difficiles ve- ro in dissoluendis sponsalibus, non aliud superest funda- mentum, quam quia sponsalia habent pro ipso matri- monio. Ita enim Carpzouius d. l. 2. d. 65. n. 9. statuit quoad effectum consortii ac societatis indissolubilis, nul- lam plane existere differentiam inter sponsalia & ipsum matrimonium, sed per sponsalia hoc iam inchoatum (NB. sacramentum initiatum) ac proinde non magis sponsa- liorum quam matrimonii dissolutionem admittendam esse. Quanquam is more solito statim sequenti def. 66. n. 18. sibi contradicat, vbi expresse statuit sponsalia facilius quam matrimonium dissolui. Quod vero illud assertum, sponsalia esse matrimonium inchoatum, ex reliquiis sa- cramenti sit, iam supra §. 10. probatum est, hinc eo le- ctorem remittimus. Evidem id facile largimur, si pars vna consummare matrimonium detrectet, iudici in-

Nostra sen-
tentia.

incumbere, ut bonis persuasionibus detrectantem ad aliam mentem reducat. quod si vero nec ita adigi se patiatur ad consummandum matrimonium, melius vtique est, indicta pœna renitenti sponsalia dissoluere, eamque alteri parti adiudicare, quam compulsione externa eum cogere ad consummationem matrimonii, quod non nisi infelicissimum esse potest; vti recte Cypræus de spon-

sal. c. 13. §. 11. n. 4. Hinc solide Meuius P. 3. dec. 382. n. 5. in not. Reperi, inquit, quod saepius rigide nimis & infelicitate existimat, nisi legibus scripta sit repudii causa, cogendam esse matrimonii consummationem, nec veniam eius immo vix moram faciendam esse. Miratus etiam magnos Theologos & ICtos tantum rigorem approbasse, et si luctuosum & scandalosum eius euentum multoties experti sint. Hoc puto piæ ratione convenire, quod non simpliciter considerandum sit, quid pro matrimonio promissum, sed vt obtineri fini suo apta, intra suas leges consistere & seruari possit. Immo personas, quarum conubium ex certis causis præuideri potest infaustum & multis miseriis subiectum, ad consummationem nuptiarum cogere iniustum esse, speciali decisione pluribusque rationibus probat idem P. 6. dec. 226. Nec obstat, alias tamen ad pacta seruanda vi externa pacientes adigi posse; respondetur enim, diuersam longe esse matrimonii rationem, cum pacta alia tantum tempora-
lia bona concernant, in infelici autem matrimonio sæpe æterna salus periclitetur, insuper & reipubl. intersit, bene concordantia esse matrimonia. Recte Meuius:
Illuc quemquam adigere, repugnat matrimonii fini, qui non tantum est in corporum, sed animorum coniunctione, vti verba eius se habent d. Dec. 226. n. 8.

§. XXXVI. Evidem poterat aliquid probabilitatis inesse sententiæ comuni, si vnustantum ex desponsatis

Nec vtriusque
desponsato-
rum consensu-

tis

permittitur
repudium.

Rationes
communis
sententia.

Re vera subest
occulta ratio
sacramenti.

tis dissolutionem matrimonii vrgeat; illud vero mirum est, Doctores nec dissolutionem permettere, licet vtraque pars desponsatorum id desideret. Carpz. l. 5. resp. Elect. 108. n. 22. seqq. Arnis. de iur. connub. P. 1. c. 58. Chemnitius P. 3. loc. de coniug. c. 1. Wesenbec. P. 3. Conf. 125. n. 15. vbi, eandem sententiam in omnibus consistoriis observari asserit; alii communiter. Quod si rationes huius communis sententiae requiramus, inuenimus sequentes: (1) quia sponsaliorum & matrimonii eadem est obligatio. (2) quia obligatio sponsalitia est iuris diuini. (3) quia in sponsalibus adest fœdus Dei. (4) quia talis dissolutione esset res mali exempli & scandalum excitaret.

§. XXXVII. Quod si vero rem accuratius consideremus, facile patescit, re ipsa nullum aliud subesse fundatum, quam quod matrimonium sit sacramentum, quamuis hoc ipsum verbis non fateantur Doctores. Probauit id iam solidissime Illustr. Dn. Stryk. tract de diss. Sponsal. sect. 3. §. 17. seqq. cuius sententiam tantum illustrabimus in præsenti. Scilicet unicum fundamentum communis sententiae in eo positum est, quod sponsalia de præsenti publica sint matrimonium initiatum, quod tamen assertum a canonistis mutuatum, inde ortum esse, quia iure pontificio sponsalibus iam contrahitur & initiatur sacramentum, supra ostendimus, §. 10. seqq. Hinc ex nullo alio fonte descendere, quod Brochmandus, Chemnitius, Carpzouius, aliquique statuerint, sponsalia esse matrimonium initiatum, ostendit laudatus Dn. Stryk d. l. §. 18. Et ne nullum supersit dubium, adhæsse Doctoribus superstitionem sacramenti rationem, videamus quomodo Carpzouius malam causam aperte prodat, quando cit. resp. 108. n. 27. 28. afferit: Non concedendum est, solo nisi consensu contrahentium sponsalia, quibus

NB.

NB. *CHARACTER SPIRITALIS EST IMPRESSVS; &: ef-*
se matrimonium de causis spiritualibus; quod simul ex vero
fonte suo, scilicet ex iure pontificio, probat, allegans cap.
9. X. de heret. in quo matrimonium dicitur sacramen-
*tum. Addatur idem *Iurispr. consit.* l. 2. d. 21. n. 7. vbi dicit,*
matrimonium esse tale negotium, NB. CVI CHARACTER
SPIRITALIS IMPRESSVS. Iam autem scire aueo, quis-
nam sit ille character spiritualis. Id non ignoro, Ponti-
ficios statuere per sacramentum matrimonii certum
characterem indelebilem imprimi, ob quem separari
coniuges non possunt: vnde etiam, quia excogitarunt
sacramentum ordinis, fingunt certum quendam chara-
cterem indelebilem sacerdotibus impressum esse. Quis
ergo non animaduertit, rationem illam Carpzouii de
charactere spirituali impresso, nil nisi sacramentum re-
dolere? Sed nolumus actum agere & illa repeterem, quæ
ante nos Dn. Stryk. d. l. iam fuse satis peregit, vbi, colla-
ta sententia pontificiorum, cum illa, quam nostrates tu-
entur, ad oculum demonstrat, eam ex nullo alio princi-
pio ortam esse, quam ex illo pontificiorum, quod matri-
monium sit sacramentum, & tandem §. 27. seqq. ad ar-
gumenta contraria respondet, iisque ex aße satisfacit:
quorsum lectorem breuitatis studio remittimus.

§. XXXVIII. Cohæret cum priori controversia *Transactio*
etiam hæc', an inter personas despontatas valeat trans-
actio pro dirimendis sponsalibus? *Quam sententiam* *inter despontatas non per-*
mittitur. *communiter negant.* vid. Meu. P. 5. dec. 210. n. 4. Carpz.
l. 3. def. 44. a. 11. Beust. de sponsal. p. 1. c. 29. Gail. l. 2. obs. 94.
n. 14. Hilliger ad Donell. l. 24. c. 17. lit. I. Neque aliter pos-
sunt Doctores, cum dissolutionem sponsaliorum non
permittant etiam utriusque despontatorum consensu,
quæ dissolutio nihil aliud est, quam tacita transactio.

**Quod est ex
reliquiis sacra-
menti.**

Equidem rationem hanc reddunt, quia talis transactio
esset contra matrimonium. sed si vltterius queramus,
quare sit contra matrimonium, nulla alia ratio reddi pot-
est, quam illa, quia sponsalia de præsenti sunt matrimo-
nium initiatum. huius autem rationis iterum non aliud
fundamentum est, quam quod sponsalibus de præsenti
contrahatur sacramentum, vt supra §. 10. ostendimus.
Vt autem adhuc clarius pateat, ex sola ratione sacra-
menti descendere illam sententiam, sciendum est, Do-
ctores eam ex nullo alio iure quam Canonico petiisse,
vti etiam omnes ad probandam eam prouocant ad cap.
vlt. X. de Transact. vid. Meuius & Carpzouius d.d. II. Sed
in d. cap. vlt. inter causas, quibus iudex pro transactio-
ne laborare non potest, recensetur *coniugii sacramentum*,
vt adeo satis eo ipso innuatur, ideo non permitti in ma-
trimonialibus transactionem, quia matrimonium est sa-
cramentum, quod irritum reddi non debet. Iam au-
tem quia Pontificii statuunt, sponsalia de præsenti iam
esse ipsum matrimonium, & ita sacramentum, inde se-
quitur, inter desponsatos non locum esse transactioni.
Quod ergo Pontificii non admittant transactionem ad
dirimenda sponsalia, mirum non est, quia ex eorum
principiis hoc sacramentum rescindi non potest: Mi-
rum autem est, quare nostri eandem sententiam retinu-
erint, cum tamen ipsum principium pro falso habeau-
mus.

**Nostra sen-
tentia.**

§. XXXIX. Nos itaque, reiesto illo falso funda-
mento, id quidem concedimus, contra matrimonium
iam contractum & consummatum non valere trans-
actionem, valere tamen inter desponsatos pro dissol-
vendis sponsalibus matrimonio nondum contracto.
Et manifesta quoque est disparitas rationis, nam hic res
ab

ab omni parte adhuc integra est, non ibi. Insuper matrimonium ex præcepto diuino est indissoluble, quod secus in sponsalibus. Nam quod Doctores nostri asserant, sponsalia esse ipsum matrimonium, hoc falsum esse, supra demonstratum, cum aliis sit consensus sponsalitius, aliis consensus matrimonialis. Sane multo æquius est, permittere repudium, vtraque parte id desiderante, quam inuitos compellere, & ita infelix reddere matrimonium. vid. Dn. Stryk *cit. sect. 3. § 33.* ubi etiam in consistoriis non adeo raras esse transactiones inter despontatos dissentientes, testatur.


§. XL. Neque possum, quin & illius sententiae communis mentionem faciam, qua Dd. in causis matrimonialibus non admittunt iuramenti delationem, si id tendat contra matrimonium, scil. ineundum, nam de initio non est dubium. Casus hic est: Meuia agit contra Titium ex causa promissi matrimonii, & cum Titius neget promissionem matrimonii, illa huic defert iuramentum, quod Titius etiam præstare paratus est; queritur, an sit admittendus ad præstationem? Negant communiter Dd. ex ratione, quia tendit contra matrimonium Carpzou. *Iurispr. Forens. part. I. const. 12. def. 30.* & *const. 22, def. 3.* & *Iurispr. const. I. 2. def. 233. n. 6.* & *I. 3. d. 44.* Setser. *de iuram. I. 4. c. 4. n. 7.* Borchold. *de Iureiur. c. 5. n. 23.* Joach.

a Beust. *de sponsal. part. I. c. 58.* Quod si in rationis rationes inquirimus, illæ sunt potiores, quia matrimonium est indissoluble, & ita matrimonium iam contractum, scilicet in sponsalibus de præsenti, dissolui posset, si alter iuraret; deinde quia consensu partium a sponsalibus recedi nequit, & quia transactio etiam inter despontatos non valet &c. quæ omnes rationes cum in primum principium, sponsalia esse matrimonium, & matrimonium

Nec admit-
tunt Dd. iura-
mentum con-
tra matrimo-
nium.

Ex occulta ra-
tione sacra-
menti.

sacramentum resoluantur, quis non animaduertit, esse quoque hanc sententiam ex reliquiis principii illius papistici? Quæ omnia fusius demonstrari possent, nisi iam ex ante dictis fluarent, quæ si fore alicui non sufficerent, is conferre potest illa, quæ hac de re plenius differuit Dn. Præses *special. dissert. de Delat. iuram. in matrim. vbi ex professo hanc erroneam Doctorum sententiam confutauit.*



CAP. III.

DE RELIQVIIS SACRAMENTI IN CAVSIS MATRIMONII CONSVMMATI.

§. I.

Connexio.

Expositum in præcedenti capite est, quænam in materia sponsaliorum reperiantur reliquæ sacramenti, nunc ordinis causa de ipso matrimonio, per copulam sacerdotalem consummato, agendum, videndumque, an & hic quædam obseruari possint reliquæ superstitionis pontificiæ. Quæ disquisitio eo vtilior erit, quo magis necessarium, rem omnem iusto pretio æstimare, & ab omnibus liberare superstitione, quæ in his etiam non exigua conspicitur.

Copula sacerdotalis est inventum pontificiorum.

§. II. Occurrit autem hic ante omnia statim notissima illa copula sacerdotalis, qua personæ matrimonium inire cupientes per sacerdotem sibi iunguntur & copu-

copulantur, atq; accedente benedictione consecrantur: quo facto matrimonium demum prq perfecto & consummato iudicatur. Circa quam copulam eiusque originem, prius quædam in genere dicenda erunt, antequam ad speciales casus nos conferamus. Iste vero ritus, vt statim quod res est, dicamus, nec ex iure diuino, nec ex iure naturæ originem trahit, sed merum est inuentum pontificiorum. Nam ante Leonis Imperatoris tempora ritum eundem plane non fuisse usitatum, ipse docet Leo Imp. *Nouella LXXXIX.* vide infra §. XIII. Ut adeo non prius quam dominatu papali iam fundato, & magis magisque caput extollente antichristo, consecratio illa nuptialis per modum necessitatis fuerit hominibus præcepta.

§. III. Quodsi autem, vt merito in omni negotio fieri oportet, in rationem inquirimus, quare hunc ritum receperint, communiter quidem honestatis publicæ causa factum illud esse afferunt, sed tecte alia ratio subfuit, eaque triplex: primo, vt hoc modo magis magisque fundaretur dominatus papalis, ac ita a clericali consecratione omnis vis & effectus matrimonii dependeret, [1] vt stabilitur dominatus papalis. atque adeo de successione liberorum in regna etiam & principatus pontifex quodam modo disponere posset. Altera ratio est, vt omnes causæ matrimoniales & quæstiones de matrimonio valido & efficaci etiam inter reges principesque ad forum ecclesiasticum pontificis & clericorum traherentur. Tertia denique ratio est, quia (2) Vt augetur iurisdictio Pontificis. matrimonium habebatur pro sacramento, hinc opus erat, vt per sacerdotem copularentur desponsati, ceu notissimum est, omne sacramentum iure pontificio sacerdotes administrare debere, ideo sacerdotes dicti, quod illi sacra administrare & sacramenta peragere debeant.

Nam religio sacramenti postulat, ut magna reverentia & deliberatione, assistente ministro ecclesie, recipiatur, ut loquitur Sanchez de sancto matrimonii sacramento l. 3. disp. 3. n. 3. Hinc non valere matrimonium sine parocho contractum & irritum esse, etiam si in articulo mortis & in quaunque necessitate contractum sit, ex principiis suae religionis idem statuit d. l. 3. disp. 17. n. 4. Immo non omnem parochum matrimonio assistere posse, ex eadem ratione afferunt pontifici. vid. Sanchez. d. l. 3. disp. 20. n. 10. Hinc & non omne matrimonium, inter Christianos legitime contractum, esse sacramentum, sed illud solum, quod a ministro ecclesiastico sacris & solennibus verbis celebratur, sententia est Cani l. 8. de locis Theol. Evidem non diffitendum est, Pontificios non omnes in eo convenire, quod sacerdos sit minister huius sacramenti, alii enim ipsos contrahentes dicunt esse ministros, vti Thom. Tamburinus Theol. Mor. l. 8. tract. 5. c. 2. aliquique certum tamen est, priorem sententiam propriis eorum principiis magis conuenire. Posito enim, matrimonium esse sacramentum, non possunt ipsi contrahentes esse ministri, vtpote qui ineunt sacramentum & eius participes fiunt. Hinc quemadmodum alias soli sacerdotes sunt ministri sacramentorum, ita & huius sacramenti esse debent, ne confundantur personae administrantes sacramentum, cum iis, quibus illud administratur. Vnde etiam ex illa copula sacerdotali probant Pontificii, matrimonium esse sacramentum, vt cap. 1. §. 34. ostendimus. Addatur Gropperus in Enchir. Christ. Institut. Alphonsus a Vera Cruce in Appendice Ioh. de Campis in Compendio Theologicæ veritatis l. 6. c. 38. qui omnes benedictionem sacerdotalem esse formam sacramenti matrimonii afferunt. Quamuis hic iterum alii dissentiant.

§. IV.

§. IV. Ut itaque ad nostros mores respiciamus, merito inter reliquias papatus numerandum, quod apud nos remanserit illa necessitas copulæ sacerdotalis, neque prima simplicitas magis in usum fuerit reuocata. Evidem fatentur nostri, absolutæ necessitatis non esse copulam sacerdotalem & matrimonium per se validum etiam sine ea esse. Sed dum tamen necessitatem quandam hypotheticam hic fingunt, postquam scilicet ille ritus semel moribus introductus, & legibus publicis approbatus, communiter fere eandem efficaciam huic copulæ tribuunt quam pontificii, & quidem maiorem quam ipsius contractus matrimonialis, quod non potest non ex illa sententia, quod per copulam confirmetur sacramentum, promanasse. Immo superstitiones nostri sunt ipsis Pontificiis, dum horum ne quidem omnes, sacerdotes pro ministris sacramenti habent, ut ante dictum, nostri vero soli actui sacerdotali fere omnem vim tribuant. Sed de hoc exempla dabuntur inferius. Hic prius illam sententiam Doctorum examinabimus, qua prementes exesse vestigia Pontificiorum, necessitatem huius copulæ in tantum extollunt atque prædicant, ut originem eius etiam a mundo condito ac ita a Deo ipso deriuent, omnemque operam impendunt, ut probent, eam diuinitus institutam & quocunque tempore in ecclesia Dei visitatam fuisse. Quod ipsum annon satis documento sit, nimium superstitione adhuc inter nostrates colihanc copulam sacerdotalem, prudentioribus iudicandum relinquimus.

§. V. Sed sequamur Dd. per singula secula, atque examinemus argumenta, quibus antiquitatem copulæ sacerdotalis probare conantur, & deprehendemus facile, contorta esse omnia atque nihil concludentia, unde fatis

Est ergo ex reliquiis papatus, quod nostri nimium tribuant copulæ sacerdotali.

Et eam institutionis diuinæ esse superstitione assentant.

Sententia Dd. de origine cop. sac. examinatur.

Status Con-
trouersiæ.

satis quanta hic lateat superstitione patescet. Cur enim alias rem hanc tam alce repeterent, eamque antiquiorrem fingerent nostrates, quam ipsa est, nisi aliquid mysterii in copula sacerdotali quærerent? Sed pergamus ad rem, vbi, ut rite intelligatur status controvërsiæ, illud præmonendum est, (1) quæstionem hic non esse de origine benedictionis matrimonii, nam hanc a prima creatione hominis & institutione matrimonii repetendam esse facile largimur. nec (2) quæstio est de origine consuetudinis matrimonium publice & coram facie ecclesiæ contrahendi; sed quæstio est de copula sacerdotali, hoc est, de ea consuetudine, qua desponsati præcise per sacerdotem sibi inuicem copulandi, & ab eo benedicendi; quo tempore mos ille cœperit? Nam hæc proprie est illa ceremonia, quam in papatu, ex ratione sacramenti, excogitatam, & per modum regulæ omnibus præscriptam esse, diximus,

An vestigia illius copulæ reperiantur in ecclesia Paradisiaca?

§. VI. Doctores itaque, cum altius ire non possint, eius originem ex Paradisiaca ecclesia repetunt, ibique eius vestigia reperiri existimant. Deum enim, qui formauit mulierem, & formatam Adamo in conspectu Angelici chori adduxit, & copulatis benedixit, primum fuisse paronymphum, proxenetam & sacerdotem, asserunt; Gerhard. loc. de Coniug. §. 44. Petr. Müllerus Diss. de Hierologia seu benedictione sacerdotali sect. I. th. I. & in addit. ad Strunii Syntagm. Iur. Ciuit. Exerc. 29. l. 23. Tit. 2. (ε) p. 353. Dn. Samuel Schelguigius Diss. de Antiquitate consecrationis nuptialis §. 4 aliisque ab his citati. Verum, quæ inde fieri conclusio possit ad originem copulæ sacerdotalis, vix hariolari licet. Erit forte tale argumentum: Deus copulauit Adamum & Euam, primos coniuges, ergo hoc ipso demonstrauit, sacerdotes copulare in posterū coniuges debe-

debere; sed quam imbecillis sit consequentia, vnumquisque vider. Cur enim Deus ibi præcise vt sacerdotem se gessisse debeat, non apparent? Forte vt vicarius sacerdotum? egregia profecto sententia, qua & sacerdotes supra Deum extolluntur; vicarius enim semper inferior est illo cuius vices gerit. Verum hæc interpretatio inde descendit, quod nostrates pro fundamento habeant, coniuges præcise per sacerdotem copulandos esse, hinc cum vident Deum primos coniuges copulasse, dicunt, Deum sacerdotem egisse; quod si ergo ostendatur, illud suppositum falsum esse, vti ex sequentibus patebit, etiam corruit, quod illi superimpositum. Constat in veteri fœdere vt plurimum patrem familias copulasse coniuges, iisque benedixisse, cur non ergo Deus, qui creauit Adamum & formauit Euam, & ita pater est totius generis humani, potius dicendus est officium Patris familias hic peregisse? Nam quod illud præcise officium sacerdotale sit, coniungere despontatos, nullo iuris divini textu, nec vlla solida ratione demonstrari potest. Hinc origo copulæ sacerdotalis ex illa primæua institutione matrimonii & benedictione divina, nullo modo deduci potest.

§. VII. Pergamus ad Ecclesiam Patriarchalem, in qua fatentur Doctores non extare nisi vnicum exemplum Gen. XXIV. 60. vbi Laban sacerdotis vices, vt Paterfamilias, patre mortuo, supplens Rubeccæ sorori, ad Isaacum maritum proficiscenti, hunc in modum benedixit: *Soror nostra, tu sis mille decem millium, & semen tuum possideat portam odio persequentium illud.* Dn. Schelguig. d. Dis. §. 5. Sed (1) an vnico illo exemplo communis Patriarcharum usus probari possit, iudicent cordatores. Deinde (2) Laban & Bethuel, d. l. v. 50. 51. nihil aliud egerunt,

Nec reperiuntur in Ecclesia Patriarchali.

runt, quam consensum suum impertiendo, nullius ibi copulæ mentio fit. Neque (3) benedictio Rebeccæ data statim euincit, quod Laban ibi sacerdotis vices gessit. An enim benedicere tantum possunt sacerdotes? An non unusquisque fidelium ius habet benedicendi alteri? Nulla ergo hic adiunt vestigia copulæ sacerdotalis. Quin immo (3) quia Laban non fuit sacerdos, hinc potius contrarium in illo textu probatur, benedictionem matrimonialem tum non a sacerdotibus præcise datam esse, atque adeo originem benedictionis sacerdotalis inde peti non posse.

Nec in Ecclesiæ Mosaica.

§. VIII. Eodem conatu, scilicet frustraneo, vestigia copulæ sacerdotalis in ecclesia Mosaica quærunt. Fateri etiam coguntur, certa vestigia se reperire non posse, interim tamen Israëlitæ diuini numinis exemplum in consecrandis nuptiis secutos esse. idque probant ex Psalm. XIX. 6. Cant. III. 9. Psalm. XLV. ubi Spiritus Sanctus epithalamium pepigit ecclesiæ sponsæ Christi, unde putat Menzerus, benedictiones solennes sponsis tum temporis impertitas fuisse, idque cum primis per sacerdotes, quia benedicere præcipua fuerit pars sacerdotalis officii. Immo Psalmum CXXIX. in nouorum coniugum copulatione a sacerdote recitatum fuisse, coniicit Gerhard. loc. de Coniug. §. 459. Insuper ad benedictionis matrimonialis formulas, quæ Ruth. IV. 11. Tob. IX. 9. reperiuntur, prouocant. vid. Schelguig. d. Dis. §. 6. Verum quam male hæc omnia concludant, facile quilibet intellicet, cui illa penitus scrutari placet. Nam ab usu benedictionis in nuptiis adhibitæ, ad usum benedictionis sacerdotalis, nulla procedit argumentatio, siquidem pater etiam & sacer copulandi & benedicendi officium in V. T. peregerunt, ut ex historia Tobiae palam est. vid Hil-

de-

debrand. *de Nupt. vet. Christian.* Non ergo sacerdotes tantum, sed & alii benedicere poterant. *Immò apud Hebreos veteres tametsi benedictiones adhiberent tum sponsalibus, tum nuptiis, nihilominus sacerdotem aut Leuitam necessario adfuisse, nullibi compertum esse, docet Seldenus Vxor. Ebraic. l. 2. c. 28. p. 208.* Ex citatis autem Psalmis aliisque locis nihil omnino contra nos euincitur, nam benedictionem impertitam esse concedimus, sed hoc semper a sacerdotibus factum esse commentarium est. Neque obstat, quod hodie apud Iudæos solennis conspiciatur benedictio sacerdotalis, de qua re vid. Hildebrand. *d. tn.* nam inde argumentum perfectum, ad mores Iudæorum in veteri testamento duci non potest, quod etiam Dd. communiter agnoscunt.

§. IX. Sed pergimus ad Ecclesiam noui Testamenti & quidem eam, quæ fuit tempore Christi & Apostolorum. Hic veronon modo vestigia benedictionis sacerdotalis reperiri, sed eam quoque a Christo & Apostolis introductam esse, statuunt. Videatur Menzerus, Brochmandus, citati a Dn. Schelguig. *d. Dis. §. 8.* Quod si autem quæramus, quo fundamento illa Doctorum sententia nitatur, illud admodum lubricum est. nam primo argumentum petunt exinde, quod Christus nuptiis Cananæis interfuerit, easque singulari benedictione & miraculo ornauerit. *Ioh. II. 2. seqq.* Sed quæ, qualis, quanta? An enim Christus ibi loco sacerdotis copulauit coniuges & iis benedixit? An hoc, si facere voluisset, Cananæi permisur iuissent? Quomodo ergo ab isto miraculo & coniuncta Christi benedictione argumentum duci poterit, ad usum benedictionis sacerdotalis, eiusque institutionem? Nec magis quadrat argumentum, quod inde colligunt, quia in novo testamento admodum ho-

Nec in Ecclesia noui testamenti tempore Christi & Apostolorum.

norifica nuptiarum mentio facta: Potest enim honorificum esse matrimonium, etiamsi non intercedat sacerdos; aut, an nullum negotium est honorificum, quod non præsente & dirigente sacerdote celebratur? Hinc & concedere cogitur Dn. Schelguig. d. l. §. 10. pro Apostolica traditione hunc ritum habendum non esse; ut adeo multo minus a Christo ipso institutus dici possit.

Locus Ignatii
examinatur.

§. X. Dicunt autem, tempore tamen Apostolorum, aut statim post illa cœpisse hunc morem & hinc ad probandum huius copulæ sacerdotalis usum adferri solet locus Ignatii, qui in Epist. ad Polycarpum: *debet vero, inquit, ut, & ducentes uxores, & nubentes, cum Episcopi arbitrio, aut ex eius sententia coniungantur, aut unionem faciant, ut nuptiae iuxta præceptum Domini sint, non autem ad concupiscentiam.* Verum recte ad hæc respondet Seldenus *Vxor. Ebr. l. 2. c. 28. p. 209.* nondum inter eruditos conuenire, an illa Ignatii epistola genuina sit, aut non, ad minimum multa manu improba inserta fuerunt; nec inde aliud rite elici poterit quam, nuptias ita ineundas, ut iuri diuino, cuius custodes & interpretes Episcopi seu ministri sacri habitu, non omnino aduersarentur. Non enim dicit Ignatius, Episcopum copulare coniuges & iis benedicere necessario debere, sed tantum decere dicit, ut matrimonium sine eius consilio non ineatur. Eodem fundamento nititur Euariisti, Episcopi Romani, epistola ad Africanos, cuius verba recensentur in Iure Canonicō *Can. l. Caus. XXX. qu. 5.* Nam & illam epistolam dubiæ fidei esse agnoscit Hildebrandus *d. l.* cum communi nostrorum Doctorum schola, paucis exceptis, qui eius auctoritatem adhuc superstitione defendere conantur. Sicut & ipsa epistolæ illius verba, quæ magnæ solennitatis immo & paronymphorū, & dotis mentionem faci-

faciunt, satis ostendunt, non conuenire talia illi statui ecclesiæ primitiuæ. vid. Seldenus d. l. 2. c. 28. p. 213. Cu-
 ius farinæ etiam est institutum illud, quod Sotero Epi-
 scopo Romano, qui seculo II. vixit, tribuitur, qui non
 voluit legitimam haberi vxorem, nisi cui sacerdos ex insti-
 tuto benedixisset, referente Platina in vita Soteri. Vbi
 addit, ideo hoc constituisse Soterum, ut pericula euitaret,
que tum temporis in nouas nuptias ex prestigiis cadere saepe solebant. Verum & illi non deberi fidem fatetur Hilde-
 brand cit. l. addens inter eruditos notorium esse, decre-
 tales epistolas primorum pontificum, quæ ex aeo martyrum cir-
 cumferuntur, plerasque supposititias, vel heretica fuligine tin-
 etas aut mendozas, vel sequioribus seculis esse confictas. Ne-
 que locus Clementis Alexandrini ex l. 3. paedag. c. 11. & Clementis
 quidquam probat, nam dicit quidem presbyterum be-
 nedixisse mulieri, sed non addit, vbi & quo tempore
 hoc factum sit, & an præcise tempore copulationis. vid.
 Seldenus d. c. 28. p. 210. Hoc fateor, in primitua eccl-
 esia Christiana vt plurimum matrimonia toti ecclesiæ
 prius notificata esse, vt illa precibus nouos coniuges
 Deo commendaret, vbi & sacerdotes & reliquos ipsis
 benedixisse, non vana coniectura est; sed quod præcise
 matrimonium in præsentia sacerdotis contrahi, & ab
 hoc coniuges copulari debuerint, hoc nunquam proba-
 ri potest. conf. Excell. Dn. Bodinus diss. de anticipato con-
 cubitu th. 16.

§. XI. Tandem vestigia benedictionis sacerdo-
 talis in tertio seculo inuestigantes communiter prouo-
 cant ad testimonium Tertulliani, cuius lib. 2. ad uxorem
circas fin. verba hæc sunt: Vnde sufficiamus ad enarrandam
felicitatem eius matrimonii, quod ecclesia conciliat, & obliga-
tio confirmat & ob-signat benedictio, angeli renunciant, pater

Soteri

& Clementis
Alexandrini.Tertulliani te-
stimonia per-
penduntur.

pro rato habet. Et liò. de monogam. cap. II. dicit, in ecclesia celebrari consueuisse nuptias, postularique ab episcopis, presbyteris & diaconis. Item lib. de pudicitia cap. 4. penes nos, inquit, occulte quoque coniunctiones, i.e. non prius apud ecclesiam professe, iuxtamœchiam & fornicationem iudicari periclitantur. Ast nulla alia Tertulliani mens est, quam clandestina matrimonia esse euitanda, vti ex ultimo loco patet. Neque in primo loco sacerdotis, sed totius ecclesiæ mentionem facit. solebant enim noui coniuges precibus totius ecclesiæ Deo commendari, ac ita benedictionem a tota ecclesia accipiebant, inde tamen non sequitur, sacerdotem interuenisse necessario, & coniuges copulasse: quod nec ex secundo loco probari potest, quamvis ibi dicatur, postulari vxorem ab episcopis, presbyteris & diaconis, hoc tamen non alium sensum habet, quam hunc, qnod tum temporis secundum monitum Ignatii supra adducti, matrimonium non sine consilio episcoporum, presbyterorum & diaconorum inierint, ne ad rem tanti momenti sine sufficienti deliberatione accederent. Quod autem episcopi, presbyteri & diaconi copulauerint coniuges, de eo altum ibi est silentium. Inde nihil omnino ista loca probant pro vsu copulæ sacerdotalis. vid. Gabriel Albaspineus *Obseruat.* l. 1. c. 24. cuius verba refert Seldenus *d. l. p. 211.*

Seculo IV. &
seqq. quædam
reperiuntur
vestigia, ere-
scente domi-
natu cleri.

§. XII. Ita ergo ex dictis patet, nec Christum nec apostolos illum ritum introduxisse, nec eius usum reperiri posse in primitiva ecclesia. Sequentibus temporibus, & quidem statim seculo IV. post Christum natum, quædam illius copulæ sacerdotalis reperiri initia, non diffitemur, quo pertinet locus Ambrosii l. 9. epist. 70. & decretum concilii Carthaginensis *Canon. 13.* Verum ex quo fundamento ille ritus tum pedetentim introducetus

541.

Etus fuerit, facile coniici potest. Scilicet incipiebat tum temporis iam tum caput extollere dominatus clericalis, cum liberati a persecutionibus, in magno honore haberi inciperent sacerdotes, atque dignitates cum magna potestate consequerentur. Vbi valde probabiliter ex illa dominandi cupidine introductum, ut omnibus negotiis magni momenti adhiberentur, & sic quoque matrimonia non nisi auctoritate cleri contraherentur. Unde in sequentibus seculis benedictionis sacerdotalis hinc inde mentio fit, quo magis indies potestas clericalis augebatur. Hinc natæ sunt illæ pontificum constitutio[n]es, quæ *Can. 2. 4. 5. Caus. 30. qu. 5.* reperiuntur: quas & ideo iuri Canonico inserere iussit papa Gregorius XIII. quia egregie cum facto illo sacramento matrimonii conspirant.

§. XIII. Interim tamen vtut ita quædam benedictionis sacerdotalis reperiantur vestigia seculo IV. & sequentibus, incerta tamen & illa sunt, nec vsu communi vbiuis eadem recepta fuit, nec per modum imperii & necessitatis hominibus fuit obtrusa, quin potius libertati cuiusvis hoc relinquebatur. Hinc tempore Iustiniani non requirebatnr ad validitatem pro forma matrimonii interuentus ministri sacri, sed sufficiebat consensus *L. 26. C. de nupt.* & vt dotalia instrumenta conferentur, probationis scilicet causa. Quamvis enim ob*i*ici soleat *Nouell. 74. c. 4.* vbi dicitur, accedere debere coniuges ad quandam orationis domum, & rem co*m*unicare sanctissimæ illius ecclesiæ defensori, qui tres aut quatuor clericorum adhibens attestacionem confidere debebat; facile tamen patet, inde nullum argumentum duci posse, quia (1) defensor nihil aliud est, quam patronus & aduocatus ecclesiæ, non minister sacer; nec (2) clerici adhibiti iubentur copulare coniuges & benedicti-

Nondum ta-
men continuo
vsu hic ritus
receptus.

Nec Iustinianii
tempore.

onem

onem impertire; nec aliud (3) quam sola attestatio ibi petebatur; quin quod (4) Iustinianus digniores personas ibi expresse excipiat, immo & (5) eo casu, si dotalia instrumenta fuerint composita, hanc solennitatem remittat, verbis: *hac autem dicimus, ubi non dotis aut antenuptialis donationis fit documentum.* Ut adeo manifeste satis constet, tum temporis necessarium nondum fuisse habitum, ut coniuges per sacerdotem copulentur. vide pluribus Seldenum *d. tr. l. 2. c. 29. p. 219. seqq.* Scilicet Leo Imperator seculo IX. primus solennem constitutionem edidit sub rubrica: *Ne matrimonia citra iam receptam benedictionem confirmantur.* vid. Nouell. Leonis LXXXIX. *vbi primum testatur, ante sua tempora permisisse vetustatem matrimonia citra iam receptam benedictionem iniri; deinceps autem iubet, sacre benedictionis testimonio matrimonia confirmari, adeo, ut si qui citra hanc matrimonium ineant, id ne ab initio quidem ita dici, neque illos in vita illa consuetudine matrimonii iure potiri velit.* Eodem fere tempore etiam in occidente demum usum copulae sacerdotalis publicis legibus introductum esse, dum circa annum Christi 820. verba epistolae Euaristi, supra adducta, in capitula Caroli & Ludouici Imperatorum, quæ vim legis obtinebant, relata fuerint, ut tradidit Seldenus *d. cap. 29. p. 221. seq.*

Sed demum
seculo IX. lege
publica intro-
ductus.

Insinuat 391

392

393

394

395

396

397

398

399

400

401

402

403

404

405

406

407

408

409

410

411

412

413

414

415

416

417

418

419

420

421

422

423

424

425

426

427

428

429

430

431

432

433

434

435

436

437

438

439

440

441

442

443

444

445

446

447

448

449

450

451

452

453

454

455

456

457

458

459

460

461

462

463

464

465

466

467

468

469

470

471

472

473

474

475

476

477

478

479

480

481

482

483

484

485

486

487

488

489

490

491

492

493

494

495

496

497

498

499

500

501

502

503

504

505

506

507

508

509

510

511

512

513

514

515

516

517

518

519

520

521

522

523

524

525

526

527

528

529

530

531

532

533

534

535

536

537

538

539

540

541

542

543

544

545

546

547

548

549

550

551

552

553

554

555

556

557

558

559

560

561

562

563

564

565

566

567

568

569

570

571

572

573

574

575

576

577

578

579

580

581

582

583

584

585

586

587

588

589

590

591

592

593

594

595

596

597

598

599

600

601

602

603

604

605

606

607

608

609

610

611

612

613

614

615

616

617

618

619

620

621

622

623

624

625

626

627

628

629

630

631

632

633

634

635

636

637

638

639

640

641

642

643

644

645

646

647

648

649

650

651

652

653

654

655

656

657

658

659

660

661

662

663

664

665

666

667

668

669

& a tota ecclesia omni æuo approbatus esset. Quo ipso,
quid aliud efficitur, quam vt imprudens vulgus, immo
& erudit, vt ex sequentibus patebit, magnum in ista
copula mysterium, ac tantum non sacramentum quæ-
rant, & non pauci sine ista copula nullum matrimoniu-
m esse, aut nullum tamen felicem euentum sortiri pos-
se sibi persuadeant. Interim non dicimus, hunc ritum
tollendum esse, sed hoc tantum, esse eum liberandum
a superstitione neque pro instituto diuino venditandum,
cum tamen inuentum mere humanum sit. Vt hac ra-
tione nulli externæ solennitati maior tribuatur effectus,
quam illi re vera debetur, & ita omnes res iusto habean-
tur pretio.

§. XV. Sed illa ne gratis dixisse videamur, nunc
ad specialia progrediemur, demonstraturi, in quibus-
dam casibus multum adhuc superstitionis reperiri &
non parum supereesse ex reliquiis fictitii illus sacra-
menti. Vti autem ex superioribus patet, ex ratione sacra-
menti esse, quod præcise copulari coniuges per sacerdo-
tem debeat: Ita ex eodem fonte descendit, quod co-
pulatio in ecclesia fieri iubeatur. Vbi primo non hære-
bo circa vocem, dum per ecclesiam templum intelli-
gunt. quam enim impropria hæc sit significatio, & quain
varios errores gignere possit & soleat, facile vnuquis-
que ipse intelligere potest, cui rem accuratius examina-
re placuerit. Quod si ergo quæratur, cur præcise in
templo fieri debeat hæc copula, non commodior ratio
reddi potest, quam quæ fluit ex ratione sacramenti ;
cum enim sacramenta ordinarie in templo administren-
tur, & matrimonium habeatur pro sacramento, illud-
que sacramentum per copulam sacerdotalem contraha-
tur, haud dubie actus ille non alibi, quam in templo per-

In specie ex re-
liquiis sacra-
menti est, quod
copulatio fieri
debeat in ec-
clesia.

agendus: vti etiam ex hac ratione illud deducit Bellarminus *de matrim. sacram. c. 33.* Sequuntur ergo nostri pontificios, dum pariter exigunt, vt extra casum necessitatis copula in templo expediatur. Gerhard. *loc. de coniug. §. 463.* aliisque communiter.

Rationes contrarie sententiae adferuntur.

§. XVI. Evidem Carpzouius *Iurisp. consit. l. 2. def. 143. n. 3.* expresse protestatur, hoc non ideo fieri, quod matrimonium sit sacramentum, & propterea tractandum in ecclesia, sed (1) quia illa copulatio est ritus ecclesiasticus & noui sponsi coram facie totius ecclesiae sunt copulandi, ipsumque coniugium piis & publicis precibus Deo commendandum, ad tales autem actus tempora sint destinata; insuper (2) matrimonium clandestinum præsumptionem fraudis inducere; omnia (3) decenter & ordine fieri debere in ecclesia; contra vero suspecta omnia illa sacra esse, quæ occulte fiunt; cui (4) adiungit specialem sanctionem Saxoniam, & tandem (5) concludit, sub copulatione in ædibus priuatis sæpiissime latere aliquam superbiam vel dolum, ne excessus in vestimentis vel pompa nuptiali publice manifestetur.

Adeas respon-
detur.

§. XVII. Verum, si rationes has accuratius examinamus, nihil omnino habent, quod ullam necessitatem demonstret copulationis in ecclesia facienda. Nam ad (1) respondetur, nihil obstare, quo minus ritus ecclesiasticus etiam in priuatis ædibus expediri possit. Vbi quæso in sacris litteris unquam præceptum, vt omnia negotia sacra & ecclesiastica in templis peragantur? ex papatu etiam hoc est. cum enim apud illos tempora pro rebus sacris propter consecrationem ab episcopo factam habeantur, hinc existimarent, negotia ipsa firmiora & sanctiora reddi, quæ in templis fiunt, ac adeo in loco non consecrato ea non celebranda esse. Huius reliquæ nisi apud nos

nos superercent, non tantam inter tempula & alia loca priuata faceremus distinctionem. Deinde an omnia, quæ in templo fiunt, statim etiam fiunt in facie totius ecclesiæ? Sane copulationes hodie fere semper fiunte eo tempore, quo sacra publica non habentur, & quo cœtus non præsens, sed templum vacuum est: an ergo quod tum fit in templo, potest dici, fieri in facie totius ecclesiæ? aut an forte templum totam ecclesiam repræsentat? nemo opinor tam amens erit, vt hoc statuat. Ut nouum coniugium Deo precibus commendetur, pium iustumque est: sed an hic scopus obtineatur per copulam in ecclesia factam, merito dubitamus, immo constanter negamus. Illi, qui concurrunt ex plebe ad spectandam illam copulam, non orandi causa veniunt, sed vt videant, quomodo se gerant noui coniuges, quomodo sint vestiti, vt ita habeant, quod sub censuram reuocare possint. Possunt coniuges Deo precibus publicis commendari tum cum proclamationes solennes fiunt, imo potest id quoque fieri tempore copulationis in ædibus priuatis ab his, qui tum præsentes sunt, qui pariter ecclesiam faciunt. Nulla ergo hic adest necessitas, quin potius multis ita incommodis obuiam itur. Ad (2) facilis etiam est responsio. nam aliud est matrimonium clandestinum, aliud matrimonium in ædibus priuatis contractum, & hoc publicum est, quia pariter solenni copula in præsentia testium palam contrahitur. locus per se actum non facit publicum vel clandestinum. Nec (3) minus decenter fieri possunt illa, quæ in priuatis ædibus, quam quæ in templo fiunt, vt adeo nec hæc ratio quidquam faciat, cum non omnia illa occulte fiant, quæ fiunt in priuatis ædibus. Nec (4) constit. Sax. nobis refragatur. nos enim non quid in Saxonia fieri debeat, sed quid in genere iu-

stum sit, & vnde tales constitutiones descendant, disquirimus. Quod vero (5) ultimam rationem concernit, illa pariter nos non stringit, nam vitia personæ, rei accendentia, non possunt ipsam rem illicitam reddere: nec apparet in iis nuptiis, quæ in templo contrahuntur, abesse excessum in vestimentis, ac pompam nuptialem: neque opus habent coniuges, ut fastum dissimulent, quia publice permisus est, & pro re licita habetur, eumque plerique sacerdotes ipsi sua præsentia approbant. Ita ergo nulla ratio præter illam, quæ ex sacramento descendit, superest, qua probari possit, copulationem præcise in templo esse faciendam. Addo & hoc, inconueniens esse, quod tanta hac in parte obseruetur inæqualitas, dum diuitibus dignioribusque semper permittitur copulatio in ædibus priuatis, sed reliqui inferioris conditionis homines præcise in ecclesia copulari debent. Ne dicam, talia sæpe lucri causa constitui, vt postea oblata certæ pecuniæ summa dispensatio petatur.

Item quod matrimonium indistincte sanctum vocatur, der heilige Ehestand.

§. XVII. Non prætereundum illud etiam h. l. est, quid sentiendum sit de ista Doctorum sententia, qua matrimonium indistincte sanctum dicitur seu sacrū, der heilige Ehestand: Vnde & de omnibus copulatis dicitur: daß sie in den heil. Ehestand getreten. Hanc communem apud nos loqueland esse, quis est, qui ignoret? Ita verba habent fere omnium litterarum nuptialium: ita etiam loquuntur omnes sacerdotes, tam in proclamationibus publicis, quam in ipso actu copulationis. Quot vero inde mala producantur, quot scandala nascentur, sanioribus iudicandum relinquo. Certe non possunt non homines in eam induci sententiam, quocunque modo & ex quacunque prava libidine matrimonium contrahant, sufficere, modo benedictionem sacerdotalem

IN CAVSIS MATRIMONII CONSVMMATI. 93

lem accipient; ita enim ipsos sanctum contrahere matrimonium. Hinc quid a sua parte exigatur, ut benedictionis diuinæ participes reddi possint, plane negligunt. Omnes prauæ libidines teguntur sub hoc titulo sancti matrimonii. Negotium conuiuis, compotationibus, saltationibus, & amoribus illicitis initur, & hæc omnia licent, quia sanctum est matrimonium. Quod si in fundamento huius sententiæ inquiramus, non dubito, eam ex reliquiis sacramenti esse. Dum enim reliqua sacramenta baptismi & eucharistiæ sacra vocantur, & matrimonium eadem appellatione insignitur, an non valde probabilis conjectura est, eandem hic etiam adesse denominationis rationem? Certe apud pontificios nullum dubium est, eos ideo matrimonium sacrum vel sanctum dicere, quia est sacramentum. Eandem locutionem nos rejecto licet illo principio retinuimus, immo non locutionem tantum, sed & sententiam ipsam, cum profiteamur, spirituale esse matrimonium, & ita sacrum ac a Deo a negotiis humanis mere ciuilibus plane distinctum.

§. XIX. Sed vt hoc clarius fiat, videndum, quæ in re differre debeat negotium sacrum a profano seu ciuili. hac enim distinctione neglecta nunquam certi sumus, ad quam classem hoc vel illud referendum sit. Iam autem negotium profanum seu ciuile, vti facile omnes consentient, est, quod fit ciuilis societatis & vel proprii vel communis commodi causa, mediisque mere externis & in potestate hominum existentibus; ita ergo negotia sacra erunt, quæ fiunt propter æternam salutem, mediis spiritualibus & singularem gratiam annexam habent. Hac itaque considerandi ratione, an non matrimonium per se est negotium mere profanum & ci-

Ex ratione sa-
cramenti.

Probatur, ma-
trimonium in
se non esse sa-
crum vel san-
ctum.

uile? aut si sacrum appellare id malis, oportet ut concedas, finem matrimonii esse æternam salutem, & media spiritualia habere illud singularem promissionem gratiæ. quo ipso, an non tacite iterum afferatur, matrimonium esse sacramentum, iudicet, qui a præconceptis opinionibus liber est. Probari autem sic debet, quomodo matrimonium per se faciat ad salutem æternam, in quoniam spiritualitas eius consistat, & ubi Deus matrimonio maiorem gratiam promiserit, quam aliis negotiis iustis & legi morali conuenientibus: nam si non maiorem gratiam promissam habeat, non potest magis sacram matrimonium dici quam cetera negotia legi morali conformia.

Obiectio 1.

quod Deus matrimonium instituerit, & ipsi benedixerit.

Respondetur.

§. XX. Evidenter videtur fundata esse sententia communis in eo, quod Deus auctor fit matrimonii, iludque instituerit in Paradiſo, ac illi benedictionem suam addiderit. *Gen. I. 27, 28.* Ad hæc autem varie respondendum est, nam (1) ipsa institutio diuina facit quidem, ut quis iuste matrimonium contrahere possit, & in eo sancte viuere, sed propterea non ipsum matrimonium sanctum dici potest; nec (2) benedictio diuina rem per se sacram vel sanctam facit. benedictionem suam libris etiam in decalogo promisit, si parentes honorauerint, propterea tamen obsequium liberorum per se non est res sancta & spiritualis. addidit etiam benedictionem Deus toti decalogo, interim non omnia negotia decalogo conformia per se dici possunt sancta. alias, præstare quod alteri debeo, & pacta atque contractus seruare, etiam erit res sancta. Sed & (3) concedi potest, eatenus esse sanctum matrimonium, quatenus a Deo in statu innocentiae institutum & secundum voluntatem diuinam contrahitur & continuatur: (vti & eatenus a-

ctio-

ctiones nostræ morales sanctæ diei possunt, quatenus illæ voluntati diuinæ sunt conformes, & ex vero principio, scilicet amore Dei proueniunt) sed propterea non omne matrimonium a quocunque contractum, & quacunque intentione sanctum dici potest; quia non omnes illud secundum voluntatem Dei contrahunt, & in eodem segerunt. Iam autem post lapsum haud dubie status rei est mutatus. cum ergo in statu innocentiae instituerit matrimonium Deus, & illi benedixerit, oportet, ut, qui benedictionis capax fieri vult, curet se restitui prius in pristinum statum, imaginemque diuinam amissam sibi restaurari per Christum, tum enim deum matrimonium secundum institutionem dinam contrahet. Cum ergo longe aliter comparata sint pleraque matrimonia, quæ ab iis, qui Christiani vocantur, contrahuntur, quorum plerique tantum instinctu prauorum affectuum contrahunt matrimonia, quomodo de omnibus, si modo a sacerdote fuerint copulati, dici potest, das sie in den Heiligen Ehestand getreten? Accedit (4) quod Deus, dum matrimonium instituit, inter primos parentes, simul toti generi humano in Adamo & Eva idem ius concesserit. si ergo propter institutionem diuinam matrimonium sanctū dicendum, quocunque modo homines sint copulati, etiam matrimonia gentilium & Iudæorum erunt sancta. Nos tamen tantum matrimonia Christianorum sancta dicimus, quasi in novo testamento aliquid sanctitatis accessisset matrimonio, siue, ut Pontificii loquuntur, quasi in N. T. matrimonium factum esset sacramentum.

§. XXI. Solet autem vterius pro defendenda matrimonii sanctitate afferri locus Matth. XIX. 6. vbi Christus dicit: *quod Deus coniunxit, homo non separet, unde cum in genere Christus de coniugatis loquatur, probari pos-*

*Objec^{tio} 2.
quod Deus dicatur coniungere coniuges,*

se putaut, quod Deus coniungat coniuges, hinc utique matrimonium pro re sacra & sancta habendum esse : Quo & pertinet vulgatum illud: *Die Ehen werden im Himmel gemacht.* Verum facile patet, hoc non ita crude, ut vulgo creditur, accipiendum esse, quis enim sanæ mentis dicere poterit, omnes coniuges Deum coniunxisse. Quantus non est eorum numerus, quos non Deus, sed diabolus & prauæ libidines coniunxerunt ? Hic ergo, si opus diaboli Deo adscribamus, quæ maior esse blasphemia potest ? vnde etiam Ambrosius *lib. 7. in Lucam c. 16.* statuit, non dici a Christo, Deum omnes coniungere, sed quosdam, quos Deus coniunxerit, eos hominem separare non debere. Evidem concurrit etiam circa eiusmodi matrimonia sine Deo contracta, prouidentia diuina, permittendo illa, sed non concurrit Deus auctiue coniungendo istiusmodi coniuges. Hinc eatenus valet illud proverbum, omnia matrimonia in cælis confici, seu potius concludi, scilicet ut Deus vel cooperetur in matrimoniis piorum, vel permittat in pœnam matrimonia impiorum. Quid ergo dicemus ad illum textum ? hoc vero, quod plane eum sensum non habeat, qnem ipsi communiter affingunt: agitur enim ibi de vinculo, quod est inter coniuges, quod arctissimum esse dicit Christus ex voluntate Dei, hinc addit, quod igitur Deus coniungit, hoc est, quod ille firmissimum & indissolubile esse voluit, homo non separat. Hinc non dicitur, quos Deus coniunxit, vt ita ad personas applicari possit, sed, quod Deus coniunxit, vt ita innuatur, de ipso negotio ibi agi, quod illud Deus coniunxerit, hoc est indissolubile reddiderit, non autem de personis. Nam omne matrimonium vi institutionis diuinæ est indissoluble, sed non de omnibus personis id ineuntibus diei potest,

Vera explica-
tio loci Matth.
XIX. 6.

est, Deum eos coniunxisse. Eundem verborum sensum esse debere etiam obseruauit Hugo Grotius *add. loc.* vbi ad verba: *quod igitur Deus coniunxit, hæc commentatus est: Errant, qui hoc ad causas & occasiones coniugiorum contrahendorum referunt.* Non enim de ipsis agitur; sed de ipsa matrimonii natura, cui Deus auctor inesse voluit ius amicitie arctissimum. Evidem dissensit a Grotio Calouius in *Bibl. Grot. ibid. his verbis:* *Non sunt hæc opposita, sed subordinata.* Coniungit Deus ceu causa efficiens, quia non sine diuina prouidentia sunt connubia, ideo dicuntur fatalia. Sed hæc tanti non sunt, ut a vera sententia, quam Grotius defendit, recedamus. Nam supra dictum est, nos concedere, quod nulla connubia fiant sine prouidentia diuina, (quemadmodum nihil in rerum natura fit sine Dei voluntate & prouidentia) sed exinde non sequitur, ergo Deus coniungit omnes coniuges tanquam causa efficiens. Non sine prouidentia Dei factum, quod traditæ fuerint gentes in immunditiem *Rom. I. 24.* nec sine prouidentia Dei lobus tantis cruciatibus affectus est; quis vero vnquam dixerit, Deum hic tanquam causam efficientem concurrisse. Permittit itaque Deus etiam matrimonia impiorum, sed eos non coniungit, efficiendo, ut matrimonium contrahant. Cum ergo hic locus nihil aliud probet, quam quod matrimonium indissoluble, non autem quod sanctum sit, hinc obiectio sua sponte corruit.

§. XXII. Notandus itaque hic est insignis iterum *Notatur Carp-*
error Carpzouii, qui in *Iurispr. Cons. l. 2. def. 142. n. 12.* ver-
ba illa, quod Deus coniunxit, homo non separat, ita
explicat: *Cum vero hodie immediata huiusmodi coniunctio* *diuina deficiat, intermedia saltim sacerdotum opera, ut fiat,* *neceſ-*

necessere est. Quo non prolabuntur Dd. ex nimia superstitione erga copulam sacerdotalem? Evidem ista assertio iam corruit ex iis, quæ præcedente §. dicta sunt. Sed quæro hic insuper, an Deus Patriarchas, qui in matrimonio vixerunt, non coniunxerit? atqui nec immediate hoc Deus fecit, nec per sacerdotem: oportet ergo, ut in vero matrimonio non vixerint. Quot homines sunt pessimi, qui matrimonium ex mera libidine contrahunt mediis etiam illicitis se inuicem allicientes, qui tamen sine contradictione a sacerdotibus copulantur? ergone & hos Deus coniunxit? absit, ut hoc statuamus. Cur ergo tanta vis soli copulæ sacerdotali tribuitur? forte si verum fateri debemus, quia creditur eo tempore celebrari sacramentum? Sed & Hauemannus censuram meretur, dum in *G. mol. lib. 2. tit. 11. pos. 2. n. 2. pag. 356.* eandem cum Carpzou. fouens sententiam pro eius probatione prouocat ad loca *Colos. III. 16. 1. Tim. IV. 5.* in quo ultimo textu hæc habentur verba: *Sanctificantur enim per sermonem Dei & per precationem,* vt adeo eius mens hæc fuisse colligatur, sanctificari matrimonium per copulam sacerdotalem. Sed vero quis non contortam explicationem h. l. animaduertit? itane sermo sacerdotis: *Die Trauungs-Rede est sermo Dei?* ego quidem non dubito, verbum dei, si rite prædicetur, & precationem de votam, etiam in actu copulationis, saepe non esse sine efficacia. Sed hoc in genere asserere de omni benedictione sacerdotali, quod per eam, modo verbum dei prædicetur, & preces addantur, omne matrimonium a quibuscumque personis contractum sanctificetur, id vero rationi & experientiæ aduersum, immo superstitionem est, cui non aliam adscribere originem possimus quam illam, quod eo tempore consummetur & plene per-

Item Hauemannus putans sanctificari matrimonium per sacerdotem.

perficiatur sacramentum. Hoc vero obiter quasi annotasse non ægre ferat B. L. Nunc redeundum in viam.

§. XXIII. Ut ergo in compendio exhibeamus nostram sententiam, ita statuimus: matrimonium in se consideratum est status aliquis iustus, honestus, bonus, sed pro re sacra & sancta non magis habendum quam reliqua hominum negotia ciuilia: potest vero matrimonium, si secundum voluntatem diuinam contractum, & ceteroquin coniuges, vt fideles & Christianos decet, se gerant, ipsique prius a vitiis se purgauerint, ac vera vi vaque fide sanctificati fuerint, respectu eorum fieri & dici sanctum. Hinc & matrimonia vere fidelium hoc respectu sancta dici possunt, non autem omnia matrimonia quocunque modo etiam ab infidelibus contracta, modo copula sacerdotalis accesserit. Quid enim sanctitatis impiorum confortio inesse potest? quæso, quomodo hi possunt esse figura vnionis Christi cum ecclesia? Igitur propter personas sanctificatur matrimonium, non propter matrimonium personæ, id quod Apostolus innuit *i. Cor. VII. 14.* vti dicit, infidelem coniugem sanctificari per fidelem: ergo non per matrimonium.

§. XXIV. Evidem possent ex patribus primitiæ Ecclesiæ forte quædam nobis obiuci testimonia, dum illorum nonnulli excellentiam matrimonii multis verbis prædicarunt, & ita inter res sacras & sanctas numerarunt. Sed si recte perpendamus ea, quæ Patres hactere habent, facile perspicitur, eos de matrimonio Christianorum, h. e. vere fidelium & sanctorum loqui, atque istius matrimonii prærogatiwas extollere. Ita Clemens Alexandrinus, quando *lib. 3. Strom. p. m. 445.* contra con-

Nostra mens
de sancto ma-
trimonio de-
claratur.

Consensus Pa-
trum Ecclesiæ
ostenditur.

temtores matrimonii disputat, qui sceleratum esse coitum dicebant, ita differit: *Eorum autem, qui sunt sanctificati, sanctum quoque ut puto semen est.* Ac nobis quidem esse debet sanctificatus non solum spiritus, sed & mores, & vita & corpus. Nam quam ratione dicit Paulus Apostolus esse sanctificatam mulierem a viro, aut virum a muliere? Et Tertullianus Lib. 2. ad ux. in fin. Verum matrimonium fidelium, quod sanctum est, ita describit: *Ambo fratres, ambo conserui, nulla spiritus carnisue discretio atqui vere duo in carne una.* Vbi caro una unus est spiritus, simul voluntantur & simul ieunia transeunt, alterutro docentes, alterutro hortantes, alterutro sustinentes. In ecclesia Dei pariter utriusque, pariter in conuiuio Dei, pariter in angustiis, in persecutionibus, in refrigeriis. Neuter alterum celat, neuter alterum vitat, neuter alteri grauis est. Libere & ger visitatur, indigens sustentatur, eleemosynæ sine tormento, sacrificia sine scrupulo, quotidiana diligentia sine impedimento; non furtiva signatio, non trepida gratulatio, non muta benedictio. Sonant inter duos psalmi & hymni & mutuo prouocant, quis melius Deo suo cantet. Talia Christus videns & audiens gaudet. His pacem suam mittit. Vbi duo, ibi & ipse, ibi & malus non est. De tali ergo matrimonio loquuntur Patres, quando id prædicant & extollunt. Vid. plur. Dn. Arnold. Abbild. der ersten Christen. l.6.c.1. §.4. Tantum enim abest, ut Patres indistincte matrimonium sanctum dixerint, ut potius matrimonia impiorum vocauerint dedecus voluptuosum; Tertull. lib.1. ad uxor. c.1. item contumeliam communem; Idem lib. de Monogam. c.10. Ac plane scortationem. Idem de habit. mul. c. XI. Et quomodo aliter sentire potuerunt, cum iuxta doctrinam Apost. impuris omnia impura sint Tit. I. 15. Hinc Basilius M. Tom. I. lib. de vera virg. p. m. 650. ita verum matrimonium, quod honorabile est, describit: *Tunc legitimum*

timum constat esse connubium, & secundum diuina iura institutum, cum non voluptatis affectus legis scita præcesserit, sed adiumenti necessarii proliisque causa fuerit huiusmodi facta coniunctio. Ita NB. sunt honorabiles nuptiae, quando rationem conjugii non præit obscena voluptas, sed iacto secundum leges diuinæ sancto fundamento, matrimonium necessario sequi voluptas deprehenditur: paulo post autem de illis, qui non posito sancto fundamento affectu voluptatis moti matrimonium contrahunt, ita differit: *Sin autem ita se habet res, non se fallat, qui a virginitatis curriculo ad carnis vitia deflexit.* Coniugium quippe illi in peccatum reputabitur, quia pessimum coniunctionis huius fundamentum voluptatem iecit &c. & ita alii etiam loquuntur. Ut adeo satis constet, quod patres, quando magni faciunt matrimonium, & ut rem sanctam prædicant, de tali loquantur, quod iuste sancteque initum.

§. XXV. Sed progreendiendum ad alia, atque iterum ad censuram reuocandus Carpzouius est propter ea, quæ tradidit l.2. def. 142. n. 11. 12. quem locum, quamvis iam ante §. XXII. adduxerimus, nunc tamen ex alio capite licebit denuo examinare: scilicet ibi saltem reprehendimus, quod Carpzouius putet, Deum coniungere coniuges mediate per sacerdotes; hic vero illam sententiam examinabimus, qua Carpzouius ibidem causam indissolubilitatis in copula sacerdotali querit; ita n. 11. verba eius habent: *A quo ritu, (scilicet copulæ sacerdotalis) eo minus recedendum, quia in novo testamento Christus Saluator causam indissolubilitatis coniugii, in illo (scilicet ritu) maxime fundat, inquiens: quos Deus coniunxit, homo ne separet.* Ut vero hæc sententia nulla ratione solida nititur, ita contra facile colligi potest, ex quo principio descendat. Nam falsissimum est, per illa verba, quod Deus con-

Causam indissolubilitatis in copula sacerdotali considerare.

Ex ratione sacramenti agit.

iunxit, intelligi istum ritum copulæ sacerdotalis, supra enim probauimus, eo tempore talem copulam in usu non fuisse, adeoque non potest Christus de ea sensisse. Deinde non potest dari sufficiens ratio, cur præcise benedictio sacerdotalis debeat causa esse indissolubilitatis, cum Carpzouius ipse illam pro solo ritu habeat; ritus externus autem non auget obligationem principalem. Sed vera ratio est summa illa superstitione, quam fouent Doctores circa copulam sacerdotalem, quæ est ex reliquiis sacramenti. Nam, ut secundum ius pontificium rem explicemus, per copulam sacerdotalem fit sacramentum, sacramentum autem est indissoluble & nunquam irritum reddi potest, hinc inde necessario fluit, copulam sacerdotalem esse causam indissolubilitatis.

**Quodnam sit
fundamentum
insolubilitatis.**

§. XXVI. Sed ut accuratius demonstretur, sacerdotem sua copula non posse causam esse indissolubilitatis, videndum est, quodnam sit illius insolubilis nexus fundamentum. Et primo quidem est verbum Dei & præceptum diuinum, quia Deus hoc negotium coniunxit, atque ne ab hominibus illud dissoluatur, prohibuit, quod autem Deus coniunxit, homo ne separet; vti hoc modo verba supra §. 21. explicauimus. Specialis vero causa est copula carnalis, quæ promissionem matrimonii sequitur. Id vero connexio verborum manifesto probat; primo enim dixerat Christus: *deseret homo patrem & matrem & adglutinabitur uxori sue, & erunt in carnem unam, itaque iam non sunt duo, sed una caro;* his verbis immediate subiicit: *quod ergo Deus coniunxit, homo ne separet.* Ut adeo satis perspicuum sit, sermonem Saluatori esse de matrimonio non modo consensu contracto, sed & per copulam carnalem consummato. Accedit etiam ratio, quod identitas illa carnis non possit sepa-

IN CAVSIS MATRIMONII CONSVMMATI. 101

separationem admittere; quia iam non amplius duplex, sed vna persona, vna caro est. Sed illa identitas carnis certe non solo consensu matrimoniali, non copula sacerdotali, sed commixtione carnali contrahitur. Fateri etiam id cogiturn Carpzouius, dum l. 2. d. 65. n. 3. in fin. concedit, copulam carnalem potissimum causam esse, ob quam indiuiduum redditur matrimonium. Quæ iterum non leuis contradic^{tio} est. vid. Illustr. Dn. Stryk. tract. de diss. spons. sect. 3. §. 21. 22. vbi ad Theologorum etiam consensum prouocat, quamvis Gerhardus ibi citatus videatur magis in alteram partem inclinare, cum benedictionis quidem sacerdotalis, sed non copulæ carnalis loco ibi citato mentionem fecerit, forte quia etiam existimauit, benedictionem sacerdotalem reddere matrimonium insolubile.

§. XVII. Verum posset hic grauissimum nobis Dubium re-
obiici dubium ex l. Cor. VI. 16. vbi Apostolus dicit, eum,
qui scorto adglutinatur, vnum corpus fieri cum eo, &
simul prouocat ad illa verba: *Erunt duo in vnam carnem;*
Quod si ergo illa coniunctio corporum est fundamen-
tum insolubilitatis, sequetur, nec separari aliquem a scor-
to posse. Ast res salua est. Nos enim (1) supposuimus
fundamentum generale, scilicet præceptum diuinum,
de non separando coniuges, quod deficit in coniunctio-
ne cum meretricie. Deinde (2) non absolute in com-
mixtione carnali posuimus fundamentum insolubilita-
tis, sed in tali coniunctione corporum, quæ legitime con-
tractum matrimonium sequitur: hic enim præcessit
consensus de indiuidua vitæ consuetudine, & successit
plena consumatio per illam copulam carnalem, per quā
res in statum non redintegrandum collocatur. Hæc au-
tem secus sunt in aetu meretricio. Quin etiam (3) dum
Apo-

Dubium re-
mouetur ex
l. Cor. VI. de-
sumtum.

apostolus ibi de coniunctione corporum agit, & tamen prouocat ad verba *Gen. II. 24.* quæ Deus institutioni matrimonii adiecit & Christus *Matth. XIX. 6.* repetit: *Eruunt duo in carnem unam,* eo ipso ostendit, illam unitatem carnis non alio modo contrahi, quam commixtione corporum. Ut adeo hic locus nostram potius sententiam confirmet. Itaque contrahitur quidem aliqua identitas carnis actu meritrio, sed non modo indissolubili, quia tale negotium non coniunxit Deus, sed potius separandum esse vult, dum a peccato omni modo abstinendum esse iubet.

*Aliud dubium
remouetur.*

§. XXIX. Posset autem vterius nobis obiici, quod tamen supra cap. II. §. 25. 26. reiecta fuerit illa hypothesis, in commixtione sexuum latere mysterium Christi & ecclesiæ, & concubitu ex sponsalibus clandestinis fieri matrimonium: Nam respondetur, priorem sententiam nos adhuc ut impiam ex Canonistis reprobare, cum omnino absurdum sit tantum mysterium spirituale sub actu mere carnali comprehendere, cum apostolus *Eph. V.* non illum actum, sed totum matrimonium, cuius præcipua pars est summa animorum coniunctio, figuram illius mysterii adpellare. Nec etiam sequitur, fundamentum indissolubilitatis est copula sacerdotalis, ergo hæc sola est figura illius mysterii. Quod autem posterius attinet, pariter nulla adest contradictione, nec enim omnis carnalis copula facit actum indissolubilem, sed illa, quæ matrimonium antea legitime contractum sequitur, alias de congressu cum meretrice idem esset dicendum. Vbi ergo nullum præcessit legitimum matrimonium, ibi concubitus nihil operatur. Hinc potius ibidem asseruimus, sponsalia valida, quæ inter & clandestini-

destina, si personæ sint sui iuris, referimus, accedente concubitu reddi insolubilia.

§. XXIX. Hac occasione non possum, quin illius etiam sententiæ mentionem iniciam, qua Theologi pariter, & Icti nostri fere communiter statuunt, præstare matrimonium cœlibatui: vbi quidem non licet asserere, sententiam hanc directo fluere ex principio, quod matrimonium sit sacramentum: nam pontificii contrariam sententiam tenent, & nihilominus illud principium habent. interim tamen cum illa communis supersticio, quæ fouetur circa matrimonia, dum illa sancta dicuntur, ac ita quasi ex numero negotiorum humorum eximuntur, nata sit ex illo principio, non puto me errare, si illam sententiam per indirectum inter reliquias sacramenti referam. Hinc & Carpzouius l.2. d.2. n. 4. & s. ex ea ratione matrimonium cœlibatui præfert, quia matrimonium pium est, vt loquitur, quia Deum habet auctorem, & Christus præsentia sua & miraculo in Cana Galileæ illud condecorauit; (ex qua ratione pontificii sacramentum suum corroborant, vt c. 1. dictum est) & n. 6. quia Deus fuit in paradyso par anymphyus & sacerdos, quibus verbis videtur ad copulæ sacerdotalis vim respicere & ideo matrimonium præferre cœlibatui.

§. XXX. Cum itaque hanc sententiam inter reliquias sacramenti vel tamen alicuius superstitionis referamus, nunc probandum est, eam nullo alio fundamento solido niti. Ad id vero sufficere potest testimonium Apostoli, qui i. Cor. VII. 1. 7. 8. 26. 27. 32. 34. 38. 40. non modo matrimonio nullam prærogatiuam concedit, sed & cœlibatum certo respectu matrimonio præfert. Nec rationes Carpzouii contra hunc locum quidquam efficeri possunt. Sunt autem IV. rationes, vnde præro-

Notatur sen-
tentia Docto-
rum, præstare
matrimonium
cœlibatui.

Probatur, il-
lam sententi-
am falsam esse,

gatiuam matrimonii defendit: (1) quia a Deo institutum, (2) quia honorificum, (3) honestum, & (4) necessarium est, ob propagationem & conseruationem generis humani. Sed respondetur (1) Deum etiam instituisse cœlibatum, primo enim Adamum solum creauit, deinde demum matrimonium instituit, & sufficit, Deum cœlibatum non prohibuisse aut vllibi improbassem; nec (2) cœlibatus minus honorificus est, cum & Christus & multi sancti in cœlibatu vixerint; sicut & (3) cœlibatus æque honestus est ac matrimonium, cum nulla eius turpitudo demonstrari possit. Nec obstat, quod vrget Carpzouius, quod propter fornicationem iubeat Apostolus *d.l. v.2.* vt vnusquisque habeat suam vxorem, nam exinde non sequitur, in cœlibatu stupra & fornicationes euitari non posse; igitur iuxta doctrinam Apost. *d.l.v.17.24.* vnusquisque vt ipsi partitus est Deus, vnusquisque vt illum vocauit Dominus, ita ambulet &c. Tandem (4) fateor necessarium esse matrimonium, quia, si omnes in cœlibatu manerent, mundus perire deberet; sed hæc cura inanis est, nam non omnes capiunt verbum hoc. Sed & cœlibatus quandoque necessarius est

Nostra sententia.
Vt itaque de nostra mente satis constet, non contemnimus matrimonium, vt ex pontificiis quidam, non de honestamns, sed negamus tantum illud in maiori pretio præ cœlibatu habendum esse. Vterque status, & cœlebs & coniugalis, pius, honorificus, honestus & necessarius est. Adeoque neuter alteri ita in genere præferendus: quandoque cœlibatus præstat matrimonio, quandoq; matrimonium cœlibatui. Vnusquisque vti Deus eum vocauit. Et ita senserunt semper optimi probatissimi que Doctores primitiæ ecclesiæ, quorum testimonia addu-

IN CAVIS MATRIMONII CONSVMMATI. 105

adduci possent, nisi operam hanc occupasset Dn. Arnold.
tractat. Vom ehelichen und unehelichen Leben der ersten Christen c. 6. & 7. Qui libellus meretur, ut ab omnibus legatur, vt singuli intelligent, quantopere castitati, in matrimonio non minus quam cœlibatu studere tenentur.

§. XXXI. Iam ad alios casus progrediendum est, quibus reliquæ sacramenti inesse videntur. Scilicet notum est, sponsalia priora publica præferenda esse posterioribus, licet hæc pariter publica fuerint: quæ Doctorum vnanimis sententia est. Quod si vero ad posteriora sponsalia copula sacerdotalis accesserit, tunc non pauci in contrariam sententiam eunt, præferendo ita matrimonium, prioribus perfectis sponsalibus. Ut facit Carpzouius *Iurispr. Conf. l. 2. def. 66.* aliique, qui eum sequuntur: quorum sententia etiam in plerisque consistoriis recepta est. Nos vero illam sententiam omni iuri aduersam esse existimamus. Re enim accuratius inspecta, facile constabit, sponsalia posteriora omneque, quod iis accedit, nullum esse. Nam supposito, priora sponsalia esse perfecta, exinde sua sponte consequitur, neutrum ex personis desponsatis amplius habere ius seu facultatem inuita altera parte a priore obligatione recedendi & se alteri despondendi: ubi autem deficit ius se obligandi, ibi obligatio ipsa deficit: sponsalia ergo posteriora haud dubie nulla sunt. Iam si sponsalia posteriora nulla sunt, quæro, quomodo conualidari possunt per sacerdotalem copulam? Sane & hæc necessario præsupponere debet sponsalia perfecta & valida. Quæ si deficiant, non potest non ipsa etiam copula nulla esse, sublato enim principali, tollitur accessoriū. Non possunt sola copula coniuges fieri, qui iure & ratione tales esse prohibentur. Nullus actus

Binis sponsali-
bus publice
contractis po-
steriora præfe-
runtur a Dd. si
ad ea copula
sacerdotalis
accesserit.

*Idque contra-
rationem iuris.*

externus conualidare potest negotium per se nullum. Vbi enim nullum fundamentum, ibi corruunt omnia, quæ illi superstructa. Ius quæsitum sane priori sponsæ, nec a perfido sponso, nec a sacerdote auferri potest.

Ex occulta ratione sacramenti.

§. XXXII. Cur ergo tantam vim attribuunt Dd. copulæ sacerdotali? scilicet ex nota illa superstitione, quam fouent circa illum actum sacerdotalem, quam descendere ex reiecto principio, quod matrimonium sit sacramentum, iam supra probauimus. Silicet ex pontificiorum sententia sacramentum quidem initiatur in sponsalibus de præsenti, sed per copulam sacerdotalem plene perficitur & consummatur, sacramentum autem irritum reddere & dissoluere non licet. Hinc esse conciimus, quod nostri tam acriter defendunt accedente copula sacerdotali, negotium non amplius irritum reddi & dissolui posse. Ad minimum si cui hæc conjectura displicet, ab eo adducenda alia ratio, cur sola hæc copula tanto effectu gaudere debeat, quæ certe produci non poterit. Sed diceret forte quispiam, nos vel ideo istam sententiam ex ratione sacramenti deriuare non posse, quia ipsi pontificii, qui statuunt, matrimonium esse sacramentum, tamen contrarium hoc casu asserunt, & posterius matrimonium rescindunt, idque ex eadem ratione sacramenti c. 1.3. & ult. X. de spons. duor. c. 31. X. de sponsal. Iam autem duas contrarias sententias ex eodem principio fluere non posse. Sed responderur primo, textus illos non agere de casu, si ad posteriora sacerdotalis copula, sed si carnalis tantum accesserit. Nam per matrimonium posterius intelligunt Canonistæ sponsalia de præsenti posteriora: de copula sacerdotali posterioribus sponsalibus accedente non licuit reperire textum expressum. Deinde quamvis adesset, vti etiam non ne-

Dubium regnatur.

gan-

gandum, sententiam illam, qua dissoluitur matrimonium posterius, etiamsi illud fuerit per copulam sacerdotalem consummatum, magis conuenire principiis papistis, qui primis sponsalibus publicis de praesenti iam contractum esse sacramentum statuunt; ex eo tamen apparet, longe aptius cohærere principia pontificiorum hac in parte quam nostrorum. Illi enim cum sponsalia de praesenti habeant pro ipso matrimonio, non potuerunt non posterius rescindere & annullare, sed nostri, quamuis statuant, sponsalia de praesentie esse ipsum matrimonium, vide supra c. 2. §. 10. seqq. tamen posterius matrimonium priori preferunt, contra propria principia. Nec obstat nostros tantum sponsalia vocare matrimonium inchoatum, nam respondetur, pontificios etiam sponsalia matrimonium inchoatum seu initiatum vocare. Deinde posteriora sponsalia nequidem dici possunt matrimonium inchoatum, quia sunt nulla & inualida, ergo nec per copulam sacerdotalem fieri possunt consummatum, nam quod inchoatum non est, non potest consummari; ergo nec ipsi præferendum negotium posterius, quod nec pro inchoato nec pro consummato matrimonio haberri potest. Pontificii ergo magis sacramento initiato, nostri vero magis sacramento per copulam sacerdotalem consummato superstitiose inhærent, cum ex nullo alio capite tanta vis soli benedictioni sacerdotali adscribi possit. Hinc non est absurdum, duas contrarias sententias ex eodem principio falso & male applicato fluere posse.

§. XXXIII. Sed dixeris, Carpzouium tamen alias Rationes
sententiae suæ rationes subiecisse, vt vel ideo dici non
debeat, eam esse ex reliquiis sacramenti: ast respondeo,
si ergo ostendi possit, rationes Carpzouii inualidas esse, Carpzouii pro
communi sententia exami-
natur.

nulla ratio quam sacramenti remanebit. Videamus itaque rationes Carpzouii, & (1) quidem prolixus est Carpz. d. l. n. 9. seqq. vt probet, sponsalia non esse ipsum matrimonium, circa quæ non hærebimus, quia facile consensimus. & ea potius contra Carpzouii propriam sententiam, quam alibi habet, tendunt, vide supra c. i. §. ii. Illud saltem quasi obiter notamus, falsissimum esse, quod Carpz. ibidem n. 12. tradit, copulam & benedictionem ecclesiasticam, ut quondam deductionem in domum sponsi, non ad solennitatem tantum, sed etiam ad perfectionem & NB. substantiam matrimonii requiri. Si enim ad substantiam requiritur illa copula, sequitur in vero & substantiali, vt ita loquar, matrimonio omnes illos non fuisse, qui olim sine illa copula matrimonium contraxerunt. Cum autem matrimonii sit negotium mere consensuale, cui potest adesse & abesse copula sacerdotalis, hæc certe non potest dici ad substantiam pertinere. Si dixeris, hodie tamen pertinere illam copulam ad substantiam, quia legibus publice approbata & omnibus præscripta; respondeo, non sequitur illud: Nam leges faciunt ex copula necessariam solennitatem; & requirunt illam pro forma extera, non pro substantia, quia adhuc hodie consensus non concubitus, non copula sacerdotalis, facit nuptias. Cur ergo requirit Carpzouius hanc copulam pro substantia? Forte, qnia matrimonii sacramentum sine sacerdote celebrari nequit? Sed hæc transeant. Videamus tantum, quomodo concludat Carpzouius; ita nempe: sponsalia nondum sunt matrimonium perfectum, hinc ea licet priora cedere debeant matrimonio perfecto posteriori. Sed nego consequentiam, id enim est in quæstione, an sponsalia priora perfecta posteriori matrimonio perfecto postponi debeant. Petit ergo principi-

cipium. Sed nego etiam posteriora sponsalia, copula sacerdotali confirmata, esse perfectum matrimonium, quia totus actus posterior nullus est, ut supra diximus. Sed pergit (2) Carpzouius sententiam suam inde probare, quia alias frustranea esset trina proclamatio publica, quae matrimonio præmitti solet, si prior sponsa postea nihilominus audienda: respondeo, non est frustranea, si talis proclamatio ad prioris sponsæ notitiam peruerterit, & illa tamen tacuit, & non in tempore contradixit, cum potuit; quia sic tacendo iuri suo renunciasse censemur, quo ipso posteriora sponsalia conualidantur, ut iis valide accedere possit benedictio sacerdotalis. Hoc ergo casu habebit effectum proclamatio. Sed quid si prior sponsa eius notitiam plane non fuerit consecuta, forte ob remotionem loci, vel alias causas, autum proclamatio sola ipsi præiudicare potest? Minime omnium. Hoc ergo casu utique effectum habere nequit proclamatio, cum pro contumace haberri non debeat, cui ob ignorantiam nulla negligentia imputari potest. Porro (3) scandalum vrget Carpzouius, Papizati- quod daretur: *publica siquidem, inquit, benedictione, qua-
si a Deo ipso per os ipsius ministri sui loquentis spectantibus
angelis & hominibus personæ copulantur, ut per hoc Deo conse-
cretur, individua consuetudinis vite initium.* Hic quis non animaduertit summam superstitionem? Quamuis enim Tertullianum *l. 2. ad uxor.* citauerit, ibi tamen nihil hac de re habetur, quam quod supra §. II. adductum est, vnde cop. sacerdot. probari nequit. Sed ne quis dubitet, iterum mera papistica subesse principia, ita pergit Carpzouius: *a quo tempore, scilicet copulæ sacerdotalis, matrimonium designare incipit, sacramentum seu mysterium inter Christum & ecclesiam.* Vbi prouocat ad *Ephes. V. 29. seqq. & Can. Cunt*

societas. c. 27. qu. 2. iunct. cap. debitum. s. X. de bigam. non ordin.
Sed in nullo textu inuenit præsidium, nam textus iuris
diuini nullibi dicit, matrimonium ab eo tempore signifi-
care illud mysterium, quo accessit illa copula sacerdotalis,
nec textus I. Can. de cop. sacerdot. sed de carnali a-
gunt. Quamuis si & sententia illa ex Iur. Can. probari
posset, hoc ipso tamen nihil efficeret Carpzouius pro se;
quin potius dum ad ius Can. & Couarruuiam, ICrum-
Pontificium prouocat, satis ostendit, se Pontificiorum
arare vitulo. Iam videamus conclusionem Carpzouii:
*quis ergo, inquit, coniugium a Deo consecratum, & tantum my-
sterium rumpere ausit? non profecto id fieret absque scandalo,
quod omnibus modis evitandum.* Verum talis est conclusio,
quales sunt præmissæ. Falsum enim est, tale matrimo-
nium a Deo consecratum esse. Deus non solet consecra-
re matrimonia, fraude, dolo ac perfidia in alterius præ-
iudicium contracta, nec copula sacerdotalis est consecra-
tio diuina, si accedit auctu illico, nec Deus semper bene-
dicit illis, quibus benedicunt sacerdotes. Nullum est
hoc matrimonium & inualidum, ac Deo potius abomi-
nationi. Hinc & falsum est, tale matrimonium illicitum,
impium, turpe, contra voluntatem Dei contractum, es-
se mysterium. Vnde nunc facile contraria elici potest
conclusio, scilicet nullum scandalum esse, si tam illicita
coniunctio dissoluatur. Scandalum potius est, si non
dissoluatur, cum ita perfidiæ & dolo ianua aperiatur, &
illud, quod adhuc laudandum est in benedictione sacer-
dotali, potius prostituatur, ac ita ex illa benedictione ef-
ficiatur medium, perfidiam suam impune exercen-
di. Rectius ergo fecisset Carpzouius, si contrariam sen-
tentiam, quam prius fuit & defendit in *Prax. Crim. P. 2.*
qu. 67. n. 58. seqq. retinuisse. Conferatur pro nostra sen-
tentia

IN CAVSIS MATRIMONII CONSVMMATI.

IN

tentia Illustr. Dn. Stryk. *Tr. de Diffens. spons. sect. 4. c. 2. §. 5.*
 & *sect. 5. §. 36. seqq.* Berlich. *P. 4. conclus. 28. n. 26. seqq.* alii-
 que ab his citati.

§. XXXIV. Ex eodem principio papistico, quo matrimonium dicitur sacramentum, fluit etiam illa Dd. sententia, qua sponsalia quidem sine parentum consensu contracta nulla dicunt, sed si transierint in matrimonium per copulam sacerdotalem, tunc ea valida esse nec amplius rescindenda pronunciant. Carpzouius *d.l.2. def. 60. n. 2.* Cypræus *de Sponsal. c. 10. §. 10.* Dedekenn. *Vol. 3. Conf. Theol. l. 4. Sect. 1. n. 12.* aliiq; magno numero citati a Brucknero *Decis. matrim. c. 2. n. 91.* Hi vero vti cum Pontificiis Dd. optime conueniunt, cum in Concilio Tridentino Sess. XXIV. *de Reform. matrim. c. 1. de Clandest. matrim.* anathema dicatur illis, qui affirmant, matrimonia a filiis fam. sine consensu parentum contracta irrita esse, & parentes ea rata vel irrita facere posse, idque ex ratione, quia irritum reddi non potest sacramentum, vt docet Pallauicinus *in Histor. Concil. Trident. l. 22. c. 4. §. 8.* ita non leuis coniectura est, ex eodem principio nostrorum quoque promanasse sententiam. Si enim hoc non esset, quæso, cur soli copulæ sacerdotali tanta vis concederetur, actum per se nullum & vitiosum conualidandi & indissolubilem reddendi.

§. XXXV. Rationes enim, quas prætendunt diffidentes, nullius momenti sunt; exhibit istas Bruknerus *Decis. matrim. c. 2. n. 82. seqq.* & sunt sequentes I. quia copula carnalis clandestinitatem purgat; II. multa matrimonium contrahendum impediunt, quæ iam contra-actum non dissoluunt; III. virginitas mulieri semel erupta restitui nequit; IV. liberi inde nati essent illegitimi; V. scandalum tali rescissione daretur, & benedictio sacer-

Rationes com-
munis senten-
tiæ adduntur.

dotalis publice ludibrio exponeretur , cum tamen hæc matrimonium etiam illegitimum insolubile , etiam inter protestantes, faciat, ceu consensum multorum collegiorum Theologicorum ibidem adducit ; VI. quia si parentes sua potestate abutuntur, magistratus eorum consensum supplere potest : VII. quia militis , qui post desponsationem mulierem rapuit & cognouit , matrimonium validum declaratur, licet parentes reclament *cap. 6. X. de raptor.* VIII. Pauli ICTi testimonium adducitur, & IX. Constitutio Caroli V. *in Comitiis Augustanis Anno 1545.* edita tit. vom Sacrament der Ehe. 21. §. 9. vbi non irritum dicitur matrimonium sine consensu parentum contractum, sed liberi tantum pœna adficiuntur.

Ad eas respon-
detur:

§. XXXVI. Verum cum hic misceantur rationes illorum, qui dicunt conualidari benedictione sacerdotali & ita subsequente matrimonio , de priori quæstione autem iam supra a nobis *cap. 2. §. 27. seqq.* actum sit, igitur hædiuersæ quæstiones hic separandæ sunt, ne eadem bis repetere teneamur. Ad I. itaque rationem responsum est supra *d. c. 2. §. 25. 26.* Ratio II. huius loci sed nullius momenti est, nam primo deficit fundamentum, quare non illud, quod impedit matrimonium contrahendum, etiam dirimere debeat matrimonium contractum, cum hoc, propter præcedentem legem prohibitiuam sit nullum, inualidum, ac ita pro matrimonio non habendum. Hoc sane modo omnes leges prohibitiuæ facile ludibrio haberri possunt, quod omni rationi aduersum est. Deinde, quamuis interdum ob causas minimas non soleat dissolui matrimonium iam consummatum, hoc tamen ad causas maiores , (quorū pertinet neglectus consensus paterni, cuius necessitatē ex ipso

553.

ipso iure diuino deriuant nostri. vid. Carpzou. *Iurispr. Conf. l. 2. d. 29.*) extendere, & quasi generalem regulam inde facere, omnino inconueniens & iniquum est. Ad III. rationem iam supra c. 2. §. 26. & 29. responsum est, quæ & hoc non pertinet, quia agimus de vi subsequentis benedictionis sacerdotalis. Ad IV. pariter supra responsum §. 29. Ceu etiam ad V. ibidem quædam regesta sunt. quod vero in specie illud scandalum attinet, quod inde datur, dum benedictio sacerdotalis ita ludibrio habetur, hoc tantum prætensem scandalum est, non verum. Non enim vlli negotio maior vis adscribenda, quam re vera ipsi inest. sub prætextu honoris, qui benedictioni sacerdotali debetur, non sunt conculcandæ leges diuinæ & humanæ, nec minus pro conseruatione harum, quam pro honore copulæ sacerdotalis laborandum. Est sane non ludibrio habenda benedictio sacerdotalis, si accedit negotio licito, & secundum voluntatem Dei contracto, sed si quis eadem vtatur tanquam vinculo iniquitatis, nihil nocet etiam si fictitius effectus ipsi auferatur. neque ita ludibrio habetur ipsa benedictio, sed superstitione eorum, qui plus iusto illi tribuunt. Hanc superstitionem detegere, eamque publice improbare, non est creare scandalum. Quin potius scandalum maius inde nascitur, quando veritas supprimitur, & animi hominum ab illa superstitione non liberantur. Hinc consensus Collegiorum Theologicorum, quem adducit Brucknerus, nobis, qui non auctoritatibus, sed rationibus disputamus, nihil obest, quin potius manifesto inde patet, quantas iam radices egerit communis superstitione. Ad VI. rationem respondeo, verum esse, quod dicitur, si parentes sua potestate abutantur; sed abuti illos eadem, quando matrimonia talia clan-

destina improbant & pro irritis declarant, hoc est, quod negamus, quia hæc potestas ipsis de iure concessa. Nec VII. quidquam facit, quod ex Iure Can. de milite adducitur, nos enim ex aliis quam iuris Can. principiis disputamus, quia Ius Can. non aliud fundamentum habet, quam quod matrimonium sit sacramentum; vt nec VIII. Pauli ICti testimonium nobis valide opponi potest, cum satis notum sit, nos in matrimonialibus non antiquorum ICtorum placita, nec semper iuris civilis Romanii principia, quamuis iis Pauli sententia omnino contraria sit, *vid. §. 12. Inst. de Nupt. sequi.* Paulus ergo cum non habuerit potestatem legislatoriam, nos non strinquit; maxime cum ille locus Pauli ex libro non authentico sit desumptus, cui obstat eiusdem Pauli contraria sententia *L. 2. ff. de Rit. Nupt.* Quod tandem IX. constitutionem imperialem Carolinam attinet, satis iam ostendit Brouwerus *tract. de iure Con. l. 1. c. 10.* eam ex eodem papistico principio, quod matrimonium sit sacramentum, descendere, hinc cum Imperator contra suæ religionis principia sacramentum dissoluere non potuerit, eum tale matrimonium tolerasse, & tantum pœnam liberis, matrimonium sine consensu parentum ineuntibus, dicitasse. Conferatur pro nostra sententia Illustr. Dn. Stryk *tract. de diffens. sponsal. sect. 5. §. 41. seqq.*

Non rescindendum esse matrimonium contra prohibitionem diuinam contratum.
Pariter ex ratione sacramenti est.

§. XXXVII. Ex eodem principio decidi potest illa controuersia, quæ agitatur inter Doctores, de dirimendo vel tolerando matrimonio contra ius diuinum Leu. XVIII. contractum. Vbi quidem notum est, communem Doctorum sententiam esse prohibitionem istam esse moralem, atque adeo omnes homines stringere; hanc ergo sententiam, quia omnes, contra quos hic disputamus, eam defendunt, ut non ignotum sit, alios dubia

IN CAVSIS MATRIMONII CONSVMMATI. 115

dubia circa eandem mouere, hic fundamenti causa præ-supponimus, litem tamen hanc nostram nunc non facientes. Quid ergo si matrimonium contra expressam prohibitionem diuinam contractum, quæritur, an rescindendum sit? Negant hoc multi. vid. Carpz. *Iurispr. Consil. I.2. def. 99.* & *Iurispr. For. P.4. Const. 23. def. 11.* Ioach. a Beust. *de sponsal. I.2.c.25.* Dedekenn. *Consil. Theol. Vol. 3. I.3. Sect. 1. tit. 2. n. 2.* Brukner. *Decis. matrim. c. 5. n. 50. seqq.* Evidem concedunt, sponsalia hoc casu dissoluenda esse, licet copula carnalis accesserit, sed si accesserit benedictio sacerdotalis, & ita matrimonium iam fuerit consummatum, hoc non esse dissoluendum. Carpz. *d. I.2. def. 100.* & *def. 83.* Iam autem si ea, quæ haec tenus dicta sunt, conferamus cum hac Dd. sententia, sine magno studio apparabit, hanc sententiam pariter ex ratione sacramenti per benedictionem sacerdotalem consummati, & sic non amplius dissoluendi, descendere. Cur enim alias tanta Probatur. vis copulæ sacerdotali tribui posset, in negotio nullo, vitiioso, & iuri diuino aduerso? Ita sane maior virtus huic actui sacerdotali tribuitur, quam ipsis legibus diuinis. Mirum dictu, negotium aliquod a Deo prohibitum, ab hominibus tamen tolerari! ita Deus dat legem, homo limitat & plane tollit. Quanta non, bone Deus, occasio delinquendi datur hominibus! Demus casum, fratrem & sororem illicito amore trahi ad matrimonium ineundum, abeunt ergo ad locum, & dissimulata consanguinitate, benedictionem sacerdotalem furantur; hi ergo non separandi sunt, quia accessit benedictio. An quidquam apertius legibus diuinis potest esse contrarium? Testor bonos omnes, annon talis coniunctio, sacerdote licet interueniente, abominationi Deo sit? Incestum hunc esse, etiam si sub coniugii prætextu fiat, fatetur

Carpzouius *Prax. Gim.* qu. 73. n. 89. seqq. & qu. 74. n. 87. seqq. & tamen non vult rescindi negotium. Recte proinde Brunnemannus *de iure eccles.* l. 2. c. 16. §. 27. dicit: *quoties repetitur copula carnalis, toties repetitur & renouatur incestus. Sicut enim adulterium non tantum in primo congressu committitur, sed toties, quoties congreguntur, ita & incestus. Si ipsum matrimonium a Deo prohibitum est incestus, utique continuus incestus est continuum peccatum mortale.* Ad quod qui regerunt, incestum tantum ab initio committi, postea non amplius esse incestum, illi non modo cum ratione, ut dicitur, sed & sine ratione insaniunt. Vnde ergo licitum fieri sola benedictione sacerdotali potest, quod coram Deo turpe est? Nihil itaq; reliquum est, quod talem benedictionē conualidare possit, nisi summa superstitione ex erroribus papisticis nobis reliqua. conf Dn. Stryk. d. Sect. 5. 24.

Adducuntut
rationes con-
trariae senten-
tiæ,

§. XXXVIII. Sed videamus rationes, quibus suam sententiam stabilire intendunt Doctores. Sunt autem sequentes (1) quia Moses, quamuis vetat tale matrimonium, tamen de facto contractum & consummatum non dissoluit, sed tantum pœnam addit: *portabunt, inquit, ambo iniquitatem suam & sine liberis morientur Leuit. XX. 19. 20. 21.* (2) prouocant ad exempla Abrahami, qui sororem consanguineam *Gen. XX. II.* & Iacobi, qui duas sorores, *Genes. XXIX.* in matrimonio habuit, qui tamen non sunt separati. Cui (3) adiiciunt, quod multa ab initio facilius impediuntur, quam si facta fuerint, rescindantur. cap. 25. X. de iure iur.

Refutantur.

§. XXXIX. Hæc sunt illæ rationes, quibus impium dogma suum probare añituntur, sed vix dignæ sunt responsione. Nam ad primam iam satis respondit Dn. Stryk. d. l. §. 25. Mosen ibi non loqui de dissolutione, quasi de re satis nota, sed de pœna & maledictione eiusmo- di

595

IN CAVSIS MATRIMONII CONSVMMATI. 117

di matrimonii, vbi & ex consensu Augustini probat, verba, nulli *ex eis liberi nascentur*, nihil aliud indigitare, quam quod separandi sint; quam Augustini explicationem etiam approbavit Collegium Iuridicum Lipsiense in Responso ibidem §. 26. adducto. Et quæ quæso argumentatio est, Moses non dixit, eos separandos esse, ergo non sunt separandi? Sufficit, quod Deus iam ante per Mosen *Leu. XVIII.* tales coniunctiones prohibuerit, quod dum fecit, iam eo ipso noluit tale matrimonium tolerari: non ergo opus erat, ut exprimeretur, quod tacite inerat primæ prohibitioni. Verba ergo eo tendunt, quod etiamsi tale matrimonium fuerit occulte contractum, tamen improles esse istiusmodi coniuges, nec ex tali matrimonio liberi nasci debeant. Huius ergo positio non est prioris scil. dissolutionis exclusio. Immo non pauci locum illum de pœna intelligunt, quod mortis pœna affici debeant, ne ex illis nascantur liberi. Quam explicationem ipse Abrahamus Calouius in *Biblicis suis Grot. ad d. l.* adducit & tuetur. Hac autem sententia posita eo minus nobis textus ille aduersatur. Mirum etiam (2) est, quod Dd. ad exemplum Abrahami & Iacobi provocent, cum tamen hi ante legem *Leu. XVIII.* latam vixerint, quæ cum non sit lex moralis naturalis, sed tantum moralis positiva, loquor ex hypothesi communi, quam & dissentientes fouent, quomodo potuit ea Abrahamum & Iacobum stringere, antequam esset publicata? quod Mayerus *de coniug. Iacobi* absurde tuetur. Ad rationem (3) iam toties quoties supra responsum est, illam regulam esse particularem, a particulari autem ad uniuersale non valet argumentum. Sufficit hic adesse prohibitionem diuinam, quæ sat causæ est non modo ad impedire, sed ad dirimendum quoque matrimonium. Neque etiam illa regula de prohibitione diuina, sed tantum

de humana est intelligenda: quod enim humano iure prohibitum, facilius tolerari potest, non quod iure divino; cum hic perpetuum adsit vitium. Evidem Carpzouius videtur pie agere, dum excipit lineam descendenter & collateralem primi gradus, h. e. matrimonium inter parentes & liberos, item inter fratres & sorores; sed cur non in ceteris casibus, pariter iure divino expresse prohibitis, idem obtinere debet? Vbi quæso distinctio illa in iure divino fundata? Evidem huic obiectioni alii occurtere volunt, distinguendo inter casus, iure etiam naturali, quales hi modo nominati sunt, & inter casus, tantum iure positivo, prohibitos. Sed primo distinctio illa non valet, si agatur de iure positivo divino vniuersali, quod enim huic aduersum, æque nullum est, quam quod iuri naturæ est contrarium; quia Deus vtriusque iuris autor est. Deinde iam satis notum est, nondum conuenire Dd. an incestus sit contra medium ius Naturæ; negat id Excell. Dn. Thomas. *Iurispr. diuin. l. 3. c. 2. n. 229. seqq.* Saltem quod matrimonium inter fratres & sorores non sit contra ius naturæ, iam plurimi defendunt, inter alia exemplo matrimonii liborum Adami. vid. Pufendorf. *de I. N. & Gent. l. 6. c. 1. §. 34. add. Grotius de I. B. & P. l. 2. c. 5. §. 13.* cur itaque hoc separari debet, cum non sit contra ius naturæ? Aut quis tandem legitimus iudex esse debet, quænam matrimonia sint contra ius naturæ? Nihil itaque hac distinctione efficitur. conf. Gerhardus *loc. de coniug. §. 289. 346. & 648.* Hauemann in *Gamologia l. 2. tit. 5. posit. 9.*

De matrimonio putativo.

§. XL. Ex dictis nunc facile iudicari potest, quid sentiendum de casu, si duo in gradu prohibito ignoranter contraxerint matrimonium, quod putatum dicitur, an hi comperto errore separandi sint? Carpzouius

5587

zouius id negat, & satis audacter Canonistis subscribit
d. l. 2. d. 99. n. 10. & iurispr. For. P. 4. Const. 23. def. 11. n. 6.
 Vbi quidem Canonistis ignoscendum est, qui tale matrimonium ex ratione sacramenti sustinent. sed quid causæ mouerit Carpzouium, vt eandem defenderet sententiam, nemo facile poterit hariolari, nisi tectam sacramenti rationem hic etiam latere statuatur. loquor autem de casu contracti ignoranter matrimonii in gradu iure diuino prohibito, de quo casu ibidem etiam loquitur Carpzouius. Si forte præsidium quæras in ignorantia iusta contrahentium; respondeo, hanc quidem libera re a pœna & efficere, vt liberi inde nati habeantur pro legitimis, atque ita excusare personas quamdiu fuerunt in ista ignorantia, sed non postquam notitiam fuerunt consecuti. Neque prior ignorantia actum iuri diuino per se aduersum potest validum reddere, quin potius qui agnoscit, se antea ignoranter peccasse, vt a peccato abstineat, neque scienter peccare perget, obligatur. Inde hoc casu, comperto errore dirimendum esse matrimonium recte dicitur in *L. 4. de incest. nupt.* Repetenda ergo hic sunt, quæ de matrimonio contra ius diuinum, contraacto ante diximus. Vnde apparebit, nihil amplius supereesse, quod dissolutioni talis matrimonii repugnare possit, quam solam copulam sacerdotalem, ne ea, (& ita tacitum sacramentum) irrita reddatur.

§. XLI. Neque prætereundus hoc loco casus est, si quis dolo alterius fuerit inductus ad ineundum cum eo matrimonium, illudque iam fuerit consummatum per sacerdotalem copulam, an tale matrimonium sit dissoluendum & pro irrito declarandum. Pontificii id negant. vid. Couarruu. *de matrim. P. 2. c. 3. §. 7. n. 4.* Molin. *de iust. & iur. tr. 2. Diff. p. 352. n. 5.* scilicet ex ratione ipsis

Matrimonium
dolo contra-
ctum & con-
summatum
non rescindi
solet.

Q

pro

propria, quod matrimonium sit sacramentum. Sequuntur autem pontificios multi ex nostris, qui pariter afferunt, dolum tantum impedire matrimonium contrahendum, non autem dirimere iam contractum Carpzou. *Iurispr. consift. l. 2. def. 204. n. 12.* Gerhard. *loc. de coniug. S. 116.* Ioh. Kitzelius in *Syn. Matrim. c. 4. theorem. 15. lit. e.* aliique ab hoc allegati. Vbi non dubito, eandem sententiam ad reliquias sacramenti referre. Nec enim ad aliam rationem ultimato confugiunt, quam ad hanc, quod benedictio sacerdotalis iam adhibita. Vnde vero haec benedictio tantam vim nausta sit, supra iam demonstratum; scilicet ex nullo alio fonte quam exinde, quod pontificii statuant, tali benedictione celebrari & confici sacramentum. Quod si ergo probem, tale matrimonium nullum, irritum & iniustum esse, statim sua sponte consequitur, praeter superstitionem illam rationem, nullo fundamento nisi Doctorum sententiam. Illud autem probare facillimum est, cum ex communi omnium Doctorum sententia essentia matrimonii in consensu contrahentium consistat, nihil autem magis consensum excludat quam dolus. Carpz. *d. l. def. 183. n. 13.* Hinc & Gerhardus *d. l. concedit*, omnem illum dolum esse contra essentiam matrimonii, vbi in personam illam nunquam consensisse, nisi dolo ad id adductus fuisse. Iam autem si dolus excludit consensum; & ita contra substantiam matrimonii est, utique cessante consensu cessat etiam obligatio, & sic totum negotium est nullum. Quid ergo operabitur copula sacerdotalis, accedens negotio nullo & inualido, cum & ad eum dolo adducta sit pars aduersa? An hic sola benedictio quidquam operari potest? Quoties ergo dolose alter inductus & ita matrimonio iunctus, non Deus, sed diabolus, mendaciorum pa-

Quod pariter
tantum ex ra-
tione sacra-
menti fuit.

ter

539

ter hos coniunxisse dicitur, vnde merito per Dei ministros hi separandi, si hoc desideret persona decepta, vt recte differit Cypræus *de sponsal.* c. 13. §. 58. n. 2. circa fin. Conferatur pluribus pro nostra sententia Dn. Stryk. *d. tract. sect. 2.* §. 13. & *sect. 5.* §. 49. Frustra ergo Kitzelius *cit. loc.* distinguit inter reliquos contractus bonæ fidei & contractum nuptiale, ibi quidem dolum causam dannem negotium prorsus irritum reddere, sed non hinc nam desidero rationem huius distinctionis; quæ dari non potest. Sane si nullum negotium vero ac libero consensu constare debet, matrimonium debet; cur ergo hoc minus quam reliqui contractus, dolo irritum reddi debet? Maius certe hic adest præiudicium, quam in reliquis contractibus de bonis temporalibus & reparabilibus initis, cum ex matrimoniali hoc contractu sæpe æterna salus dependeat. Inde & pro dissoluendo tali matrimonio pronunciatum est ab illustri collegio Iuridico huius loci, quod præiudicium adducit Dn. Stryk. *d. Sect. 5. §. 51.*

§. XLII. Non est hic omittenda illa quæstio, an legibus ciuilibus a magistratu matrimonium irritum reddi possit, ita, vt etiam, quod contra leges initum & iam consummatum per copulam sacerdoralem, iterum dis-

An legibus ciuilibus matrimonium irritum reddi possit?

Negant Dd. ex ratione sacramenti,

solui possit? Pontificii non possunt non quæstionem hanc negare, quia illi, ex hypothesi, quod matrimonium sit sacramentum, ac adeo res spiritualis, nullam potestatem & jurisdictionem hac in parte magistratui ciuili largiuntur, maxime ne sacramentum irriteretur. Nec nostri Doctores aliter sentiunt, cum enim matrimonium etiam contra leges diuinæ initum non permittant rescindi, vt supra ostensū §. 37. 38. multo minus id permettere possunt, si tantum legibus humanis fuerit prohibitū.

Contrarium
defenditur.

Quam sententiam pariter inter reliquias sacramenti numerandum esse existimamus. Cum enim supra probatum sit, matrimonium esse negotium ciuale, per se patet, illud arbitrio principis esse subiectum, ita ut hic de matrimonio, quemadmodum de ceteris negotiis ciubibus statuere pro lubitu possit, modo non sit sacræ scripturæ contrarium. Huius autem imperio cum subiecti ab ipso Deo sint omnes subditi, etiam propter conscientiam *Rom. XIII. 1. seqq.* haud dubie in conscientia obligantur subditi, ut legibus magistratus etiam hac in parte se submittant; quod si non faciunt, & ita matrimonium legibus ciilibus reprobatum contrahunt, non modo peccant, sed & ipsum matrimonium ob deficiente*m* contrahendi facultatem nullum est, & sic nec validum reddi sola copula sacerdotali potest; ut adeo non tam rescindendum sit, quam pro nullo declarandum. Neque vlla solida ratio inueniri potest, quæ tale matrimonium conseruare possit, nisi ad rationem sacramenti, aut quod idem, ad illam prætensam vim copulæ sacerdotalis configere velis. Nec obstat agere ita magistratum contra ius diuinum, quod vult, matrimonia esse debere indissolubilia, nam respondetur, nos id concedere de matrimonio vero, perfecto, valido, non de tali, quod nullum, ac adeo matrimonium non est; quin quod hoc non dissoluatur, quia nunquam fuit validum, sed tantum pro nullo declaretur. Illustr. Dn. Stryk. d. Sect. 5. §. 39. & 40. vbi §. 42. speciale edictum exhibit, quo Seren. & Potentissimus Rex Borussiæ Anno 1694. die 15. Decemb. constituit, matrimonia sine parentum consensu a liberis contracta, si velint parentes, a Consistoriis rescindenda esse, etiam si copula carnali, & benedictione sacerdotali fuerint consummata.

§. XLIII.

§. XLIII. Ut ergo ex superioribus constat ius hoc ^{Limitatio.} omnino principi competere, legibus futura irritare matrimonia, ita æquitas ipsa hoc admittit temperamentum, nisi clausula illa cassatoria & annullatoria in legibus non expresse adiecta; nam ob solam prohibitionem non statim rescindendum esse matrimonium iam consummatum largior; sed non ideo, quod tanta vis sit copulæ sacerdotalis, verum (1) quia legislator prohibendo & non irritum declarando actum, videtur tantum pœna dignos contra venientes iudicare voluisse; maxime cum (2) hic res non amplius integra sit, nec omnia in pristinum statum restitui possint: quæ tamen ratio non attendi potest, si princeps ipsum actum annullauerit: tum enim si non omnia in priorem statum restitui possunt, impunit sibi, qui damnum inde sentit, quod contra leges egerit, neque a tali actu abstinuerit.

§. XLIV Iam multa dicenda essent de fauore matrimonii, cuius intuitu Doctores nescio quæ non singularia statuunt, cœi speciales de hac materia editæ differentiationes ostendunt; quæ omnia non incommode nunc iusto ordine adduci possent atque examinari, vtrum solido nitantur fundamento, an secus: Verum, quia sub manibus creuit hæc dissertatio, nolumus lectori nimia prolixitate tedium creare. Hinc tantum manuductionem quandam suppeditabimus, quomodo facile de quibusuis casibus specialioribus, in quibus decisio ex fauore matrimonii peti solet, iudicium ferri possit. Rem o. Regule gene- mnem puto certis quibusdā regulis comprehendendi posse, rales, quarum I. hæc est: VT PLVRIMVM SVB FAVORE MATRIMONII LATET RATIO SACRAMENTI. cum enim matrimonium a pontificiis habeatur pro sa-

cramento hoc vero nullo modo vel impediendum vel restringendum vel rescindendum esse afferant. hinc fauore eius illa quoque subsistere statuunt, quæ alias nullo iure valida sunt. Hos postea secuti sunt nostrates, quæ pariter, quando hoc vel illud nulla alia ratione defendi potest ad fauorem matrimonii, imprudenter & sine ratione confugiunt. Sequitur regula II: MATRIMONIVM, RITE ET IVSTE SECUNDVM INSTITUTIONEM DIVINAM CONTRACTVM, MAGNUM HABET FAVOREM, NON TANTVM IN FORO POLI, SED ETIAM IN FORO SOLI. Neque iustum & legitimum matrimonium suo priuandum fauore est, quod Deus instituit & benedictione sua dignatus est, quodque figura est tanti mysterii; huic sane etiam nos fauere, illudque omnibus modis promouere, vt debitum scopum & finem obtineat, oportet. Ut vero contrariorum contraria ratio est, ita inde fluit regula III: MATRIMONII INVSTE CONTRA LL. DIVINAS ET HUMANAS CONTRACTINVLLVSEST FAVOR. Cum enim istiusmodi coniunctio prava non sub benedictione sed maledictione sit, vtique eo minus fauorem meretur, quo magis odio digni & poena omnes illi, qui præcepta diuina transgrediuntur, & imperio magistratus sui tanquam ordinationis diuinæ se subtrahunt. Regula IV. hinc pariter fluit, quæ hæc est: VBI NVLLVM MATRIMONIVM, IBI NVLLVS EIVS FAVOR. Quia fauor matrimonii præsupponit necessario verum validumque matrimonium. Vbi ergo actus externus formam matrimonii quidem externam habet, sed reuera nullus est, & pro matrimonio non habendus, ibi etiam nullus eius fauor esse potest: Nam non entis nullæ sunt affectiones. Vnde porro nascitur regula V: VBI NON CON-

CONSTAT ADESSE MATRIMONIVM, IBI FRV-
STRA PROVOCATVR AD FAVOREM Matri-
MONII: quia fauor matrimonii præsupponit eius exi-
stentiam, vt adeo non probato matrimonio non possit
recurri in decisione causarum ad fauorem matrimonii.
Ex quo fonte regula VI. critur: **FALSVM EST IN**
DVBIO SEMPER PRO MATRIMONIO IVDICAN-
DVM ESSE. Quamvis vero communiter Dd. contrari-
um statuunt, quorum sententia lubrico hoc nititur fun-
damento, quod omni modo homines ad illud ineundum
adduci debeant. Pontificii in dubio pro matrimonio
iudicant, ne forte in dubio rescindatur sacramentum:
sed hæc ratio apud nos cessat. Valet autem hæc regu-
la nostra, in casu promissi matrimonii, si de hac pro-
missione dubium sit: aliud si personæ hactenus vt con-
iuges, in communione corporum, alioque modo vixe-
rint; dum enim res non amplius mere dubia est, cum
maiores rationes pro matrimonio pugnant, quam con-
tra illud, & nihil aliud hic dubium faciat, quam quod
consummatio per copulam sacerdotalem probari ne-
queat. Sequitur regula VII. & ultima: **NIHIL OB FA-**
VOREM MATRIMONII STATVENDVM EST,
CVIVS NON PRAETER FAVOREM ALIA RA-
TIO DARI POTEST. Oportet enim, vt prætensus
ille fauor aliquod habeat fundamentum, vbi autem illud
demonstrari non potest, nec ratio redi, cur hoc vel
illud fauore matrimonii ita esse debeat, ibi tuto senten-
tia illa deserri potest, tanquam quæ sola superstitione ni-
titur. Nisi expressa lege aliquid introductum sit, tum
enim in ciuilibus stat pro ratione voluntas principis.
His regulis totum negotium confici, & de quacunque
re, quæ sub fauore matrimonii venditur, tuto iudicari
posse

posse confidimus. Quo pertinent sententiæ illæ Doctorum, quod sponsalia in dubio habenda sint pro præsentibus: quod in matrimonialibus non habet locum iuramentum suppletorium; quod pro matrimonio sufficiat unus testis & semiplena probatio: quod sententia pro matrimonio lata non retractari possit, bene tamen si contra: quod illo casu in rem iudicatam transeat sententia, non hoc: quod in causa matrimonii opinio vnius Doctoris pro matrimonio, præualeat opinioni communi, quæ est contra; & eius generis alia, quæ a Dd. fauore matrimonii asseruntur, quæ tamen omnia examinare nunc tempus & spatium non permittit.

*Bigamia capite
punitur ex ratione sacra-
menti.*

§. XLV. Illud adhuc addendum est, pœnam capitalem bigamis statutam pariter ex ratione sacramenti descendere. Satis clare hoc innuit Carolus V. *in Const. Crim. art. 121.* vbi hæc verba: *So ein Ehemann ein ander Weib / oder ein Eheweib einen andern Mann in Gestalt der Heiligen Ehe / bey Leben des ersten Ehe - Gesellen nimmt / welche Ubelthat denn auch ein Ehebruch/ und grösser denn dasselbe Laster ist. Und wiewol die Kaiserlichen Rechte auff solche Ubelthat keine Straffe des Lebens sezen: so wollen wir doch ---/ das die nicht weniger denn die Ehebrüchigen peinlich gestraft werden sollen.* Quæ ultima verba hic de pœna mortis accipienda esse, quamuis alias per pœnam criminalem non semper pœna mortis intelligatur, communis Doctorum sententia est, quæ & ex contextu illius articuli, dum illa constitutio iuri communi Cæsareo, pœnam mortis non irroganti, opponitur, satis manifesta est. Videatur Carpzou. *Prax. Crim. qu. 66. n. 30. seqq. Clasen. ad d. Art. & ceteri commentatores omnes.* Rationem autem tam

362

tam grauis pœnæ esse hanc, quia matrimonium est sacramentum, patet ex ante adductis verbis. Ibi enim Carolus V. rationem in eo ponit, quod hoc crimen fiat in Gestalt der heiligen Ehe / & postea illud grauius dicit, quam ipsum adulterium; scilicet quia violatur ita sacramentum prioris matrimonii, & sub specie sacramenti hoc crimen committitur. Hæc ergo causa est, quare pœnam mortis statuerit. Si enim, violatio sacramenti ex mente eius hic non subesset, hoc crimen re vera cum adulterio conueniret, nec maius eo dici posset.

§. XLVI. Mirum ergo est, quare nostri hæc vestigia Caroli V. tam pressè sequantur; partim in eo, dum etiam asserunt, bigamiam maius crimen adulterio esse, vti Carpzou. *d. qu. 66. n. 2. Clasen. d. l. p. 433. in fin.* partim, dum pœnam capitalem ex tam erronea hypothesi constitutam retinent. Carpzouius equidem probaturus hoc delictum grauius esse adulterio, has rationes adducit: (1) quia hoc ipso fides coniugalis prioris matrimonii haud parum læditur; (2) quia ille adulterium committit, qui dimissa priore aliam ducit. *Mattb. XIX. 9.* multo magis ergo & is, qui retenta priore vxore aliam superinducit: consistere enim adulterium in copulatione cum secunda, non præcise in dimissione prioris. Verum hæc rationes probant quidem adesse in bigamia violationem fidei coniugalis, sed non probant eam esse maius crimen adulterio, quod tamen probandum erat. Non potest igitur alia ratio inueniri, quam illa, quod ita violetur sacramentum. Quod si ergo bigamia nihil aliud quam adulterium est, cur illa maiorem pœnam mereatur, quam adulterium? Nemo sane commodam ratio-

Male ergo in-
ter protestan-
tes eadem pœ-
na retinetur,

nem præter illam modo adductam inuenire poterit. Quando itaque maritus cum meretricibus rem habet & earum viginti alit, non punitur capite, sed poena extraordinaria, & si vnam insuper feminam matrimonio & copula sacerdotali sibi iunxerit, tum capite puniendus. Quis non videt, quam male hæc conspirent? Dicis: retinenda tamen poena capitalis, quia lege imperii statuta; respondeo: cessante ratione legis & quidem vnicâ, ut hic, cessat ipsa lex. Cum ergo inter protestantes matrimonium non habeatur pro sacramento, & ita bigamia non sit grauius delictum adulterio, neque grauior poena apud nos obtinere deberet. Satis superfluæ iam apud nos sunt poenæ capitales, ut non opus sit præter necessitatem eas augere.

Appendix de reliquiis gentilismi in matrimonialibus.

§. XLVII. Antequam filum dissertationis abrum-pamus, non iniucundum erit, cum haec tenus de reliquiis papismi in matrimonialibus actum fuerit, quædam etiam colophonis vice DE RELIQVIIS GENTILISMI IN NVPTIIS subiicere, maxime cum tantum cœperint hodie incrementum, ut fere nullum sine iis contrahatur matrimonium.

Eo pertinet necessitas copulæ sacerdotalis,

§. XLIX. Constat autem ex scriptoribus antiquis, apud Gentiles pariter in usu fuisse copulam sacerdotalem, vti ex Nummo Adriani, cuius inscriptio est: CONIVGIVM AVG. & figura repræsentat, Imperatoris dextram iungentis Imperatrici, intermedio Sacrificio; & testimonio Isidori Philosophi, de Alexandrinis dicentis: Non erant legitime nuptiae, nisi sacerdos Deo instrumenta nuptialia manu sua consignasset, probat Selden. Vx. Hebr. l. 2. c. 28. p. 208. & 209. qui etiam inde a Christianis eum morem receptum esse, ut non sine sacrorum anti-stite

563

stite nuptiæ celebrentur, statuit. A quo non dissentit Hildebrand. *Tr. de nupt. veter. Christ.* qui ideo dicit introductam esse copulam sacerdotalem, ne Christiani in nuptiis contrahendis peiores ethnicis viderentur. & post pauca: *Cum igitur ethnici in nuptiis agmina Deorum adhibuerint, veteres Christiani, similitudine rituum, ethnicos lucraturi, quod impium erat in moribus, pudendam scilicet idololatriam, sustulerunt &c.* Vestigia eiusmodi sacrificii inter gentiles visitati etiam reperiuntur in iure Rom. *L. penult. §. 1. ff. de donat. inter vir. & uxor.* vbi dicitur: igne & aqua inauguari coniuges, cuius ritus explicationem vide apud Dion. Gothofred. in *not. ad d. l. lit. I.* Hinc vero sententia pontificiorum, matrimonium esse sacramentum, ac ideo a sacerdote necessario consecrandum, forte originem traxit. Nos autem hic non hærebimus, cum illa hypothesis pontifica a nobis sit reiecta, & benedictio sacerdotalis, si a superstitione sua liberetur, facile tolerari possit, vnde cunque tandem ritus ille descendat.

§. XLIX. Rectius inter reliquias Gentilismi referuntur illa conuiua nuptialia, quæ communiter magnis sumtibus parantur. Erant illa iam Theodosii Imp. tempore tam frequentia, ut homines credere inciperent, nuptias sine pompa illa esse invalidas. Quam ob rem necessum fuit, speciali constitutione hunc errorem tollere, quæ reperitur in *L. 22. C. de nupt.* Frequentissimas autem fuisse apud ethnicos epulas nuptiales, satis notum est: *Hinc Iuuenal. Sat. 5.*

In specie con-
viuia nuptia-
lia.

Signata tabula, dictum feliciter, ingens

Cœna sedet, gremio iacuit noua nupta mariti.

Hinc morem illum conuiuandi in nuptiis ortum esse putamus, cum nec institutioni diuinæ nec S. S. conueniat.

Loquor autem non de modica cœna inter amicos, id quod nihil iniqui, ceteris paribus, in se continet, sed de magnis conuiuiis eorumque luxu & pompa, vbi deliciatissimis cibis & variis potionum generibus venter impletur, & prauæ libidines excitantur. Ita enim Ethnici solebant auspicari nuptias suas, ne sine Baccho & Cerere frigeat Venus, iuxta commune prouerbium, inter Christianos etiam satis vsitatum, *Recte igitur Stuki-
us Antiqu. conuiual. l. 1. c. 25. p. 115.* hac de re differit, verum, inquiens, prob dolor hodie pleraque Christianorum, vt nuptiae ita conuiua quoque nuptialia non Deo O. M. sed iisdem, quos Ethnici quondam coluerunt, Diis seu potius dæminibus, nimis Veneri, Cupidini, Priapo, Cereri, Baccho, atque Como sunt consecrata. Hi sunt Diis seu potius demones, quibus Christianorum plerique in illis nuptiarum celebritatibus turpissime ser-
viunt: Et vt olim apud Ethnicos nuptis faces præferebantur, ita tartareæ illæ furie funestas dirasque illas suas prauarum cupiditatum libidinumque faces nuptialibus hominibus intentant, quibus inflammati ad queuis scelera atque flagitia rapiuntur. Ex inauspicatis itaque initis, mirum non est, inauspicatissima quoque funestissimaque connubia consequi. &c.

Item Musica
& carmina ve-
nerea.

§. L. Sed & musicam nuptialibus conuiuiis adhibebant & hymni a poëtis confecti canebantur. Qualia nuptialia carmina Epithalamium, hymnus & hymenium appellabantur. Tibiis etiam alioquè Musices genere vtebantur, vti pluribus probat Stuk. d. l. 1. c. 25. Eodem modo agitur in nuptiis Christianorum, magnus ibi Musicæ strepitus, vt magis magisque captiuia ducatur mens sana, conuiuæque sui ipsius obliuiscantur. Sed & poëtæ se exercent, & magno numero carminum, non nisi

nisi Venerem & Cupidinem loquentium, titillare & novos coniuges, & hospites, intendunt: Ita ut si quis sobrius illud intueatur, vix persuadere sibi possit, hunc alium esse quam ethnicorum hominum cœtum.

§. LI. Quid dicam de saltationibus nuptialibus la-
sciissimis apud nos consuetis, annon a moribus & con-
suetudine Ethnicorum in nos translatæ? nemo fanus
erit, qui id non affirmare teneatur. vid. Stuk. d. tr. l. 3. c.
21. p. 612. qui pag. 613. solidissime ita hac de re loquitur:
Hodie non modo apud barbaras gentes, sed apud omnes fere Christianos omnis generis saltationes atque tripudia, in epulis præsertim solennioribus summa cum licentia atque libidine ex- excentur, quas quidem illi a Gentium seu petulantia seu superstitione hauserunt. Omnes fere illæ antique Thracum atque Græcorum turpes, obscenæ, lasciuæ, atque petulantes saltationes, quasi postliminio, in Christianum orbem atque ecclesiam sunt introductæ. Et paucis interiectis: Sunt autem he Christianorum saltationes multis nominibus vehementer im- probandæ atque culpande. Nam primo animi concitati & quodammodo furibundi sunt argumenta, cum Christianorum animos, & secundis & aduersis in rebus quietos, sedatos & tranquillos esse conueniat. Deinde plerumque ex vino & compo- tationibus immoderatis saltationes nascuntur, vt experientia testatur & illud Ciceronis: nemo sobrius saltat. Et post ali- qua: Præterea pleræque Christianorum saltationes mixtim sunt confuso sexu, quales pleræque veterum non erant (seorsim enim viri, seorsim mulieres saltabant) ac proinde multo maiora sunt lasciuæ, veneris, atque libidinum irritamenta, quam illæ veterum fuerunt -- Hinc ergo connubia multa temeraria atque illegitima, hinc concubitus illiciti, supra, adulteria, incestus, nascuntur. Dolendum itaque vehementer

est, quod ethnicum hunc morem adhuc illi, qui saniores esse volunt, immo & ex Theologis nonnulli, tanquam rem honestam defendant, & pro hæreticis habeant, qui saltationes inter res licitas non referunt; prouocantes absurdissime ad exemplum Dauidis, aliorumque quorundam, qui in sacris litteris saltasse dicuntur. Verum his aliisque obiectionibus exacte satisfecit laudatus Stuk. d. c. 21. p. 615. quorsum lectorem remittimus. Neque etiam ex antiquitate chorearum & saltationum potest ad earum honestatem concludi, vti quidam in epte faciunt. his enim merito antiqua illa patrum testimonia opponimus, quibus illum morem exprobrarunt, quod etiam agnoscit Hildebrand. de nupt. Vet. Christ. vbi dicit: *de quibus (sc. choreis) patres plerique, fateor, sinistre sentiunt, vt dubitem, an in tota S. S. Patrum corona vel vnus prodnci queat, qui choreas laudauerit.*

Conclusio te-
tius dissertati-
onis.

§. LII. Sed nunc vela contrahimus, ac colophonem huic dissertationi imponimus. Evidem non ignoramus, longe fusiūs hæc a nobis peragi potuisse, tandem vero finis etiam respiciendus erat. Fatemur plures adhuc casus a nobis intactos relictos fuisse, in quibus illius falsi principii, quod matrimonium sit sacramentum, reliquæ reperiuntur: ast illos unusquisque facile ex fundamentis hactenus propositis dijudicare potest. Proinde omnia nunc B. L. censuræ submittimus, certa spe freti, fore, vt prudentiores benigne nobiscum acturi sint, neque male interpretaturi, si etiam nobis hinc inde humani aliquid contigerit. Zoili dentes susque deque habemus, qui non gloriam captamus, sed veritati tantum studemus. Interim si qui meliora demon-

IN CAVSIS MATRIMONII CONSVMMATI. 133

demonstrare possunt, eos sequemur promptissime, qui per omnem vitam discere & erudiri cupimus. Deo autem O. M. fonti omnis sapientiae & veritatis, pro præstitis nobis in hoc labore animi corporisque viribus, immortales decernimus grates. Huic soli debentur ea, quæ bona sunt, nobis vero errores & sphalmata. Implectat nos diuino lumine suo benignissimum Numen, ut magis magisque proficiamus in veritate & iustitia, omnesque actiones nostræ vnicē tendant ad diuinī nominis sui gloriam, & miseri proximi nostri emolumētum.

F I N I S.



INDEX

TINIE

卷之三



INDEX REALIS.

Primus numerus cap. Secundus §. Tertius pagin.

Apostoli

SVas epistolas ad totum populum Christianorum scripsierunt. 1.2.2.

Bellarminus

Sibi ipsi contrarius. 1.7.90.
Ignarus linguae Hebraicæ. 1.7.8.

Notatur. ibid.

Benedictio sacerdotal.

Est forma matrim. 3.3.78.
nullius efficacij. 3.18.92.
est gentilis. 3.48.128.
diuina non facit sacramen-
tum. 3.20.94.
est ludibrio. 3.35.112.

Bigamia

Est capitalis. 3.45.127.
Idem ac adulterium. 3.46.127.
capitalis pœna reiicitur. ibid.

Carmina

NVptialia reiicienda. 3.50.
130.

Carpzouius

EXcusatur. 1.15.47.
sibi contradicit. 2.18.50.
& 2.13.46.
papizat. 2.10.42.

Christiani

OMnes spirituales. 1.2.2.

Clausula

CAssatoria obseruanda. 3.43.
123.

Cœlibatus

PRæstat matrimon. 3.30.103.
Deus auctor. 3.3.104.
nec prohibitus. ibid.
æque honestus ac matrim. ib.
necessarius. 3.30.104.

a

Con-

INDEX REALIS.

Concilia

MUltos errores firmarunt.
1. 35. 29.

Concubitus

Non producit obligatio-
nem. 2. 26. 59.
non præsupponit matrimoni-
um. 2. 26. 58.
cum meretrice non facit ma-
trimonium. ibid.

Coniuges

Deus coniungit. 3. 21. 95.
sed non omnes. 3. 21. 96.
abstinendum a fornicatione.
1. 29. 24.
dignitas coniugum. 2. 21. 55.

Coniunctio

Spiritualis inter virum & v-
xorem. 2. 29. 24.

Conscientiæ

Causi sibi vendicant The-
ologi. 2. 4. 33.
aliorum iudicio non subiici-
enda. ibid.
nouis grauantur dogmatibus.
1. 13. 15.
forum nullum agnoscit. 2.
4. 33.

Consecratio

Sacerdotalis nullius valo-
ris. 1. 7. 9.

Consensus

Ecclesiæ incertus. 1. 35. 28.
matrimonialis facit nu-
ptias. 2. 12. 44.
non concubitus. 2. 11. 43.
matrimonialis est in despon-
fatione. 1. 2. 44.

Constitutio

Carolina papistica. 3. 30.
114.

Confistoria.

Eorum origo & progres-
sus. 2. 6. 38.

Copula

Carnalis nom purgat clan-
destinitatem. 2. 29. 65.
& 3. 35. III.
non facit actum indissolubi-
lem. 3. 28. 102.
sacerdotalis est de essentia
matrim. 3. 33. 108.
in ecclesia non necessario per-
agenda. 3. 17. 90.
est inuentum pontific. 3. 2. 76.
origo. 3. 2. 77.
rationes eiusdem. 3. 3. 77.
secul-

INDEX REALIS.

seculi tertii. 3. 11. 85.
 seculi quarti. 3. 12. 86.
 hodierna. 3. 17. 91.
 permittitur in ædibus priua-
 tis. 3. 17. 92.
 eiusdem vis. 3. 32. 106.
 non fuit tempore patriarcha-
 rum. 3. 7. 81.
 huic nimium tribuitur. 3. 4. 79.
 est institutionis diuinæ. ibid.
 est mysterium. 3. 5. 80.
 origo ex paradiſo. 3. 6. 80.
 non fuit tempore Mofis. 3. 8. 82.
 nec ecclesiæ Noui Testamen-
 ti. 3. 9. 83.
 tempore apostolorum rece-
 pta. 3. 10. 84.
 non vbiuis recepta. 3. 13. 87.
 sec. 9. lege publ. introduc̄t. 3.
 13. 88.
 fit in ecclesia. 3. 15. 89.
 & est ex reliquiis sacramenti.

Contractus

Non potest priorem obli-
gationem tollere. 2. 17. 50.

Controuersiarum

Disquisitio ICtis competit.
 iisdem denegatur. 1. 2. 3.
 ibid.

Conviua

NVptialia sunt ex gentilis-
mo. 5. 49. 129.

mos couiuandi. ibid.
 luxuria. ibid.
 deliciæ. ibid.

Deus

In matrimonio non semper
 interest. 2. 4. 32.
 non coniungit per sacerdotes.
 3. 22. 95.
 ad matrimonium concurrit.
 3. 21. 96.
 non omnis matrimonii causa.
 3. 21. 95.
 coniuges copulat. 2. 4. 32.

Dominatus

PAPalis. 1. 2. 3. 3. 12. 87.
 3. 3. 77. & tyrannis.
 2. 7. 49.

Donum

Dei non est sacramentum.
 1. 29. 25.

Ecclesia

Per ignorantiam multa re-
 cepit. 1. 18. 17.
 corruptiones. 1. 35. 29.
 idemquod templum. 3. 15. 89.
 sine multi errores. ibid.
 damnum capit ex mala infor-
 matione. 1. 10. 13.

Educatio

Inter Christianos prava.
 1. 33. 27.
 Entia

INDEX REALIS.

- E**ntia non pendet a coniunctione spirit. 1. 29. 24.
Non multiplicanda. 2. intuitu fidei consequimur. ibid.
9. 42.
Eucharistia Deus nonnullis coniug. largitur. ibid.
Non vocatur sacramen-
tum in S.S. 1. 5. 6.
& baptismus non opus est, vt
vno vocetur nomine. 1. 12. 14.
Fœmina **H**omines
Corporis sui copiam faciens. 2. 29. 65. **N**on iudicabuntur in extre-
mo iudicio secundū Theol. sententias. 1. 2. 2.
Fidelium **H**onestati
Ivs fibi inuicem benedicendi. 3. 7. 82. **P**vbl. non contrarium, quod non fit publice. 2. 21. 53.
Figura **I**Ctorum
Non est res figurata. 2. 4. **I**N Theologia ignorantia. 2. 6. 38.
33. sunt miseri, si Theolog. arbitrio stare teneantur. 1. 2. 3.
Gerhardns **I**gnatii
Notatur. 1. 28. 23. **E**pistola suspecta. 3.
10. 84.
Gratia **I**mago
Est remissio peccatorum. 1. 24. 20. **N**on est ipse homo. 1.
Dei requiritur ad educatio-
nem liberorum. 1. 33. 27. 27. 23.
promissio non facit sacramen-
tum, 1. 24. 21.
qualibet non sufficit. 1. 33. 27.
Infloratæ infertur. 2.
28. 62.
Institutio
In fide pertinet ad Chri-
stianos. 2. 33. 27.
Iudex

INDEX REALIS.

Iudex

Secul. de matrimonio iudicare potest. 2. 4. 34.

Iuramentum

Contra matrimonium nullum. 2. 40. 75.
ex ratione sacramenti. ibid.

Iurisdictio

Secul. & ecclesiast. non datur. 2. 6. 36.
origo huius distinctionis. 2. 6. 37.

Ius

Natura & posituum. 3. 39.
Canon. auctoritas nulla. 2.
falsis hypothes. nititur. 7. 39.
defenditur. 7. 39. ibid.
non conuenit cum statu nostr. eccles. ibid.
plus mali quam boni habet. ibid.
Episcopalis origo. 2. 7. 37.
postliminii. 2. 6. 37.

Laicorum

Origo. 1. 2. 2.
& Clericorum distinctio nulla. ibid.
Spiritus S. omnes vocat Clerum, ibid.

Liberorum

Fauor. 2. 29.
64.

Libertas

Spiritus a carne discernenda. 1. 12. 14.
Christianæ in ecclesia. ibid.
ad absurdâ se non extendit. ibid.

loquendi controueriarum origo. 1. 28. 23.

Lingua

Hebraica non est primæua. 1. 6. 7.
qua fuit purissima. 1. 6. 8.
Hebraic. & Græc. antiquitas. 1. 6. 7.

Litteræ

Nuptiales notantur. 3. 18.
92.

Lutherus

Voluit ex I. C. decif. matrimonii peti. 2. 7. 39.

Matrimonium

Estres spiritualis. 2. 2.
30.

Casus conscientiæ concernit.

V. T. fuere firma, 2. 4. 33.
donum Dei, 1. 33. 27.
cau-

INDEX REALIS.

- causæ spectant ad iudic. ecclœ. 2. 2. 30.
 est ex reliquiis sacramentorū. 2. 3. 30.
 est simul contract. ciuil. & spirit. 2. 5. 32.
 in tribus eius est spiritualitas. 2. 4. 32.
 impium Deo abominationi. 2. 4. 33.
 a reliquis negotiis differt. 2. 4. 34.
 non est res spiritualis. 2. 5. 34.
 est res mere ciuilis. 2. 5. 36.
 est figura mysterii. 2. 4. 33.
 tria bona matrimon. 1. 31. 25.
 ad iudicium ciuale pertinet. 2. 5. 35.
 initur de re externa. ibid.
 inter res sacras fuit. 1. 34. 28.
 Patres dicunt sacramenta. 10. 30. 25.
 de præsenti non sunt sponsalia. 2. 9. 41.
 iniustum etiam matrimon. 2. 29. 65.
 esse sacramentum ecclesiæ ignotum. 1. 31. 25.
 finis procreatio sobolis. 1. 33. 27.
 multa impediunt, quæ nos disfol. 2. 26. 59.
 habet promiss. gratiæ. 1. 29. 24.
 esse sacramentum probat Belarminus. 1. 25. 21.
 non est actio sacramentalis. 1. 28. 23.
 Paulus non dicit mysterium. 1. 26. 22.
 est signum Christi & ecclesiar. 1. 27. 23.
 est signum sacrum 1. 26. 21.
 non contractus ciuilis. ibid.
 esse sacramentum non potest probari. 1. 26. 21.
 gratia diuina non destituitur. 1. 24. 21.
 materiam pontif. dicunt personas. 1. 2. 2.
 materia est copula carnalis. 1. 22. 20.
 non habet mandatum diuinum. 1. 23. 20.
 non institutum vt sacrament. ibid.
 non habet promissionem gratiæ. 1. 24. 20.
 indissoluble causa copulæ sa- cordot. 3. 25. 99.
 & copulæ carnalis. 3. 26. 100.
 Gentilium & Iudaïorum. 3. 20. 95.
 in se non esse sanctum. 3. 19. 92.
 dicitur indistincte sanctum. 3. 18. 92.
 impiorum Deus permittit. 3. 21. 95.
 Deus

INDEX REALIS.

Deus instituit cum benedicti-	dolocontractum.	3. 41. 119.
one. 3. 20. 94.	irritum redditur.	3. 41. 121.
clandestinum differt ab eo ,	dolus impedit.	3. 40. 119.
quod in ædibus priuatis. 8.	fauor matrimonialis.	3. 44. 123.
17. 91.	reiicitur.	ibid.

Contractum

I N conspectu ecclesiæ fie-	
bat. 3. 10. 85.	
character spiritualis. 2. 37. 73.	
sine paroch. contractum, nul-	
lum. 3. 3. 78.	
eius minister. ibid.	
præstat cœlibatui. 3. 29. 103.	
Deus paranymphus. 3. 29.	
103.	
necessarium est. 3. 30. 104.	
est negotium mere consensu-	
ale. 3. 33. 108.	
fraude & dolo commissum. 3.	
33. 110.	
inuitis parentibus contra-	
ctum nullum. 3. 54. III.	
non tamen rescind. si cop. sa-	
cerd. accesfit. ibid.	
multa impediunt, quæ non	
dissoluit. 3. 35. III.	
impediens illud etiam dirimit.	
3. 36. 112.	
non rescind. contra Leu. 18.	
contract. 3. 37. 114.	
Ilicet copul. carn. accesserit.	
3. 37. 115.	
non vero sacerdotalis, ibid.	
putatum,	
3. 41. 118.	

Ministerium

I N ecclesia vnicum.	1. 2. 3.
-----------------------------	----------

Musica

N uptialis reiicitur.	3. 50.
	130.

Mysterium

O Rigo huius vocis	1.
multos peperit errores hæc	5. 5.
vox.	1. 5. 6.
Hebræis debemus.	1. 6. 6.
idem quod sacramentum.	1.
	15. 15.

& sacramenti usus promiscu-	
us.	1. 5. 5.
variae significationes.	1. 7. 10.
usus huius vocis.	1. 8. 11.
superstitiosa hæc vox.	ibid.

Negotium

C iuile eiusque descriptio.	
	3. 19. 93.
a Deo instit. non statim dici	
potest spirituale.	2. 4. 32.

Nuptiæ

S VNT coniunctio indissol.	1.
	31. 25.

Ob-

INDEX REALIS.

- O**bsequium
Parentibus & Magistrat.
præstandum. 2. 4. 32.
liberorum. 3. 20. 94.
- O**ccasio
Delinquendi maxima 3.
37. 115.
- O**fficia
Ictor. & Theolog. distincta.
1. 2. 3.
instituendi liberos omnibus
competit. 1. 35. 27.
Christianorum iura sunt sa-
cram. 1. 24. 21.
externum non reddit spiritua-
lem aut mundanum. 1. 2. 2.
hominum inter se. 2. 4. 32.
- P**aranymphus
Fvit Deus. 3. 6. 80.
- P**arentes
Optimi immorigeros ha-
bent liberos. 1. 33. 27.
- P**arochi
Præsentia in sponsalibus
superstitiosa. 2. 20. 52.
- P**aulus
Notatur. 3. 16. 114.
- P**olygamia
Est sacramentum. 1. 31. 26.
illicita. 1. 31. 25.
- P**ontificii
Vulgata decepti. 1. 25. 21.
eorum astutia. 2. 6. 37.
negotia ciuil. pro spirit. ha-
bent. 2. 5. 35.
dispositio in successione. 3.
3. 77.
principia male cohærent. 2.
32. 107.
cum S. S. non conueniunt. 2.
7. 39.
- P**roclamatio
Frustranea. 3. 33.
109.
- P**rocreatio
Sobolis includit educatio-
nem. 2. 33. 27.
- P**rohibitio
Diuina. 3. 39. 117.
- P**udicitia
Restituitur per matrimo-
nium. 2. 26. 58.
descriptio. 2. 26. 59.
- R**atione
Non auctoritate pugnan-
dum. 1. 26. 22.
- R**epu-

INDEX REALIS.

570

Repudium

Permittendum. 2. 39.
75.

Res

Secul. non potest esse figura mysterii. 2. 4. 32.
impiæ non reddunt æctum iustum. 2. 29. 64.
ecclesiast. a secul. distinctæ. 2.
spiritualium natura. 2. 5. 74.

Ritus

Ecclesiast. in priuatis ædibus fieri potest. 3. 7. 90.

Sacramentum

Non est, quod a patr. rebus sanct. iunctum. 1. 34. 28.
non facit ministerium sacerdot. ibid.
copula carnali initur. 2. 25. 57.
vocis usus. 1. 8. II.
definitio. 1. 20. 18.
titubant circa hanc pontific. ibid.
est ens rationis. ibid.
definitio difficilis. 1. 20. 18.
requisita. 1. 21. 19.
Pontif. de his conueniunt nobiscum. ibid.
requisita vera. ibid.
non conueniunt matrim. 1. 22. 19.
& mysterium non est vnum. 1. 25. 21.

vox hæc in ecclesiam introducitur. I. 5. 5.
admittit libertas Christian. I.
potest sine scandalo eccles. vti. ibid.
introduxit summa necessitas. ibid.
Hebræor. denominations. I.
6. 8.
hac voce non comprehend. eucharistia & baptism. I. 8. II.
vox occasio multar. controv. I. 9. 12.
pauci intelligunt. I. 10. 13.
vox gentil. ab hominib. exco-
git. I. 10. 12.
cum fructu potest reiici. I.
9. 12.
in S. S. non occurrit. I. 23. 15.
recte retinetur. I. 14. 15.
rectius sigillum & medium di-
citur. ibid.
est vocabulum ἄγεα Φον. I. 8. II.
Hebræor. non erant ceremoniæ. I. 7. 9.
ex voce orta controv. de num.
sacram. I. 19. 18.
vox in vulg. occurrit. I. 8. II.
plura dantur quam septem. I. 15. 16.
ex S. S. non potest probari. I.
16. 16.
Eucharist. & baptism. non ita
vocantur. ibid.
vox antiquissima. I. 17. 16.
Ecclesiæ retinuerunt. I. 18. 17.
non

INDEX REALIS.

- non est αντίγραφον. 1. 13. 14.
late patet. 1. 14. 15.
obscurat. ibid.
vsurpanda hæc vox. 1. 15. 15.
negatur. 1. 15. 16.
Lutherus abhorret hac voce. 1. 9. 12.
Zwinglius reprehendit. 1. 15. 17.
Melancht. vñus est hac voce. 1. 18. 17.
Lutherus approbat. ibid.
non potest comparari cum sif-
gillis. 1. 10. 13.
non opus est hac voce. ibid.
necessitas non introduxit. 1.
12. 24.
sine ea Euangel. potuit prædi-
cari. ibid.
temp. Apost. fuit incognita. ib.
vocis origo. 1. 3. 4.
significationes. 1. 4. 4.

Sacerdos

- H**abet characterem inde-
lebilem. 2. 57. 73.
officium. 3. 3. 77.

Saltationes

- N**uptiales turpes. 3. 51. 131.

Scandalum

- S**oluit matrim. 3. 10. 110.
Seuitandum. 2. 28. 62.
prætensum. 3. 36. 113.

Scortatio

- N**on facit matrim. 3.
27. 101.

Scriptura S.

- N**on omnibus tractare li-
cet. 1. 2. 2.
habet voces militares. 1. 16. 13.
non habet vocem Eucharist. &
Baptismum simul denotantē.
1. 12. 14.

Figuræ

- V**. T. non sunt spirituales.
1. 29. 24.
non sunt de essentia rei. 1.
29. 24.

Sponsus

- V**ocatur gener. 2. 12. 45.
Maritus dicitur. 2. 11. 43.

Sponsa

- D**icitur vxor. 2. 11. 45.
& vxor conueniunt. 2. 12.

Sponsalia

- V**el de præsenti vel de fu-
turo. 2. 7. 40.
de præsent. ipsum matrimon.
2. 8. 40.
initiatum sacramentum. ibid.
per benedict. facerd. consum-
mantur. ibid.
distinctio de præs. & fut. inu-
tilis. 2. 9. 40.
nostris moribus inconueni-
ens. 2. 9. 41.
de futuro sunt condit. & de
præs. pura. 2. 9. 42.
sunt

INDEX REALIS.

sunt paction. de fut. sponsal.		tur posteriora, si copul. sa-
	ibid.	cerd. accesserit. 3.31. 110.
distinctio de præf. & fut. litig- bus occasion.	ibid.	quod omnibus aduersum. ibid.
de præf. non ipsum matrim.	ibid.	Sponsal. clandest. publice po- steriora præferuntur. 2.
indissolubilia.	2. 10. 43.	30. 66.
inire & matrim. differunt.	2. 12. 44.	Sponsal. publ. poster. præroga- tiua nec ex I. C. nec I. N. de- riuari potest 2.30. 67.
de præf. præfer. prior. de fut.	2. 13. 47.	Spons. priora posterioribus præferuntur. 2. 31. 67.
pura poster. præferuntur con- dit. priorib.	2. 16. 48.	Sponsal. clandestina obligant. ibid.
obligatio oritur ex consensu.	2. 23. 55.	Ratio ex mero' euentu non concludit. 2. 31. 68.
condit. pendente non soluen- da.	2. 18. 50.	Sponsal. clandest. improbant. 2. 32. 68.
conditionata etiam sunt spon- sal.	2. 17. 50.	Sponsal. clandest. cum con- nub. præferenda posterior. publ. 2.33. 68.
clandest. non conualescunt ex confess.	2. 22. 54.	Sponsal. difficulter soluuntur. 2.35. 70.
conualidantur concubitu.	2.	Desponsati compellendi ad matrim. 2. 35. 70.
	25. 56.	sponsal. facilius quam matrim. soluuntur. ibid.
publ. requirunt parochi præ- sent.	2.19. 51.	iudicis offic. circa desponsa- tos. 2. 35. 71.
fine parent. consensu facta in- ualida.	2. 27. 60.	Sponsal. coacta iuctuofa. ibid.
nisi copula carnalis accesserit.	ibid.	Matrim. respicit ad ætern. sa- lut. ibid.
clandestina obligant æque ac alia.	2. 20. 52.	Sponsal. consensu possunt sol- ui. 2. 36. 71.
nisi lege publica prohibita. ib.		Spu-
publicorum requisita. 2. 19. 51.		
clandestina inualida.	ibid.	
binis publ. contract. præferun-		

INDEX REALIS.

- | | | |
|--|--|--|
| S puriis
P Arcendum. 2.29.64.
S tatus
I Nnocentia. 3.20.95.
S ubditorum
O bligatio. 3. 42. 122.
S upersticio.
C ommunis. 3.36.113.
T heologi
C onsil. semper possunt ex-
peti. 2. 6. 39.
in Consistor. adhibentur. 2.
eius ratio. 6. 38.
non necessario requiruntur in
Consistoriis. 2. 6. 39.
Theodid. rerum Theol. sibi
non arrogant monopolium.
1. 2. 3. | V endor
D Vante condit. non pot-
est denuo vendere. 2.
V erbis
D E futur. non contrahitur
matrim. 2. 8. 40.
V irginitas
N On potest restitu. 3.35.
V iti
P ersonæ non possunt ipsam
rem reddere vitiosam.
3. 17. 92.
V oce
E Vcharist. & Baptism. con-
iunctim. denot. opus est.
1. 12. 14. | V mbra
N On est corpus. 2. 4. 32.
V nio
S pirit. non est sacrament.
1. 29. 24. |
| T ransactio
I nter despensat. reiicitur.
2.38.73. | | |

